



БОЛЬШОЙ  
ПРАВОСЛАВНЫЙ  
МОЛИТВОСЛОВ



# **Сборник Большой православный молитвослов и Псалтирь**

*Текст предоставлен правообладателем*

*[http://www.litres.ru/pages/biblio\\_book/?art=63557963](http://www.litres.ru/pages/biblio_book/?art=63557963)*

*Большой православный молитвослов и Псалтирь: Издательство*

*Сретенского монастыря; Москва; 2020*

*ISBN 978-5-7533-0892-4*


## **Аннотация**

Книга содержит молитвы, необходимые христианину в течение дня – утренние и на сон грядущим, молитвы Божией Матери и некоторым святым. Затем следуют каноны, акафисты и последование ко Святому Причащению. В книгу включены все службы суточного богослужебного круга, тропари и кондаки на всю седмицу. Кроме того, в книгу вошли Псалтирь и канон молебный при разлучении души от тела.

# Содержание

Молитвы утренние	6
Молитвы на сон грядущим	24
Канон покаянный ко Господу нашему Иисусу Христу	41
Канон молебный ко Пресвятой Богородице,	50
Канон Ангелу Хранителю	62
Акафист сладчайшему Господу нашему Иисусу Христу	71
Акафист Пресвятой Богородице	85
Акафист святителю Николаю	100
Последование ко Святому Причащению	115
Благодарственные молитвы по Святом Причащении	143
Час девятый	150
Всенощное бдение	159
Великая вечерня	159
Утренняя	185
Конец ознакомительного фрагмента.	188

**БОЛЬШОЙ  
ПРАВОСЛАВНЫЙ  
МОЛИТВОСЛОВ  
И ПСАЛТИРЬ**



# Молитвы утренние

*Встав от сна, прежде всякого другого дела, стань благоговейно, представляя себя пред Всевидящим Богом, и, совершая крестное знамение, произнеси:*

**Во имя Отца, и Сына, и Святаго Духа. Аминь.**

*Затем немного подожди, пока все чувства твои не придут в тишину и мысли твои не оставят все земное, и тогда произноси следующие молитвы, без поспешности и со вниманием сердечным:*

## Молитва мытаря

***Евангелие от Луки, глава 18, стих 13***

**Бóже, мѣлостив бѹди мне грѣшному. (Поклон)**

## Молитва предначинательная

**Господи Иисусе Христѣ, Сыне Божий, моли́тв ради Пречѣстѣя Твоея Матѣре и всех святѣх, помѣлуй нас. Аминь.**

**Сла́ва Тебѣ, Бóже наш, сла́ва Тебѣ.**

## Молитва Святому Духу

Царю Небесный, Утешителю, Душе истины, Иже везде сый и вся исполняяй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.<sup>1</sup>

## Трисвятое

Святый Боже, Святый Крепкий, Святый Безсмертный, помилуй нас. *(Читается трижды, с крестным знаменем и поясным поклоном)*

Слава Отцу и Сыну и Святому Духу, и ныне и присно и во веки веков. Аминь.

## Молитва ко Пресвятой Троице

Пресвятая Троице, помилуй нас; Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

---

<sup>1</sup> От Пасхи до Вознесения вместо этой молитвы читается тропарь: «Христос воскрес из мертвых, смертию смерть поправ, и сущим во гробех живот даровав». *(Трижды)* От Вознесения до Троицы начинаем молитвы со «Святый Боже...», опуская все предшествующие. Это замечание относится и к молитвам на сон грядущим.

Господи, помилуй. (Трижды) Слава, и ныне:<sup>2</sup>

## Молитва Господня

Отче наш, Иже еси на небесех! Да святится имя Твое, да придет Царствие Твое, да будет воля Твоя, яко на небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

## Тропари Троичные

Воставше от сна, припадаем Ти, Блаже, и ангельскую песнь вопиём Ти, Сильне: Свят, Свят, Свят еси, Боже, Богородицею помилуй нас.

*Слава:* От одра и сна воздвигл мя еси, Господи, ум мой просвети и сердце, и устне мои отверзи, во еже пети Тя, Святая Троице: Свят, Свят, Свят еси, Боже, Богородицею помилуй нас.

*И ныне:* Внезапно Судия придет, и коегóждо деяния обнажатся, но страхом зовём<sup>3</sup> в полунощи: Свят, Свят, Свят еси, Боже, Богородицею помилуй нас.

---

<sup>2</sup> Когда написано «Слава:», «И ныне:», надо читать полностью: «Слава Отцу и Сыну и Святому Духу», «И ныне и присно и во веки веков. Аминь».

<sup>3</sup> В церковнославянском языке нет звука ё, а поэтому надо читать «зовём», а не «зовём», «твое», а не «твоеё», «моё», а не «моё», и т. д.



Господи, помилуй. (12 раз)

## Молитва ко Пресвятой Троице

От сна воста́в, благодарю́ Тя, Свята́я Трѣице, ꙗ́ко мно́гия ра́ди Твоея́ бла́гости и долготерпѣ́ния не прогнѣ́вался еси́ на мя, лени́ваго и грѣ́шнаго, ни́же погуби́л мя еси́ со беззако́нь-ми мои́ми; но человеколю́бствовал еси́ обы́чно и в неча́янии лежа́щаго воздвигл мя еси́, во е́же у́треневати и славосло́вити держа́ву Твою́. И ны́не просвети́ мой о́чи мы́сленныя, от-ве́рзи моя́ уста́ поуча́тися словесе́м Твои́м, и разумѣ́ти за́поведи Твоя́, и творѣ́ти во́лю Твою́, и пе́ти Тя во испове́дании серде́чном, и воспева́ти всесвято́е и́мя Твое́, Отца́ и Сы́на и Свята́го Ду́ха, ны́не и прѣ́сно и во ве́ки веко́в. Ами́нь.

Приидите, поклонѣ́мся Царе́ви на́шему Бо́гу. (Поклон)

Приидите, поклонѣ́мся и припаде́м Христу́, Царе́ви на́шему Бо́гу. (Поклон)

Приидите, поклонѣ́мся и припаде́м Самому́ Христу́, Царе́ви и Бо́гу на́шему. (Поклон)

## Псалом 50

Помѣ́луй мя, Бо́же, по вели́цей ми́лости Твое́й, и по мно́жеству щедро́т Твоих очѣ́исти беззако́ние моё. Наипа́че омы́й мя от беззако́ния моего́, и от греха́ моего́ очѣ́исти мя;

яко беззаконіе мое аз знаю, и грех мой предо мною есть  
вину. Тебе единому согреших и лукавое пред Тобою сотво-  
рих; яко да оправдишися во словесех Твоих, и победиши  
внегда судити Ти. Се бо, в беззаконіих зачат есмь, и во гре-  
сех роди мя мати моя. Се бо, истину возлюбил еси; безвест-  
ная и тайная премудрости Твоея явил ми еси. Окропиши  
мя иссопом, и очищуся; омыеши мя, и паче снега убелюся.  
Слуху моему даси радость и веселие; возрадуются кости  
смиренныя. Отврати лице Твое от грех моих и вся безза-  
конія моя очисти. Сердце чисто созижди во мнѣ, Боже, и дух  
прав обнови во утробе моей. Не отвержи мене от лица Тво-  
его и Духа Твоего Святаго не отыми от мене. Воздаждь ми  
радость спасения Твоего и Духом Владычним утверди мя.  
Научу беззаконныя путем Твоим, и нечестивии к Тебе обра-  
тятся. Избави мя от кровей, Боже, Боже спасения моего; воз-  
радуется язык мой правде Твоей. Господи, устне мои отвер-  
зеши, и уста моя возвестят хвалу Твою. Яко аще бы восхо-  
тел еси жертвы, дал бых убо: всесожжения не благоволиши.  
Жертва Богу дух сокрушен; сердце сокрушенно и смиренно  
Бог не уничижит. Ублажи, Господи, благоволением Твоим  
Сиона, и да созиждутся стены Иерусалимския. Тогда благо-  
волиши жертву правды, возношение и всесожегаемая; тогда  
возложат на олтарь Твой тельцы.

## Символ веры

<sup>1</sup>Вѣрую во еди́наго Бо́га Отца́, Вседержителя, Творца́ небу и земли́, ви́димым же всем и неви́димым. <sup>2</sup>И во еди́наго Го́спода Иису́са Христа́, Сы́на Бо́жия, Единоро́днаго, Иже от Отца́ рождѣннаго прѣжде всехъ вѣкъ; Свѣта от Свѣта, Бо́га истинна от Бо́га истинна, рождѣнна, несотворѣнна, единосущна Отцу́, Имже вся бы́ша. <sup>3</sup>Нас ра́ди челове́къ и на́шего ра́ди спасѣ́ния сше́дшаго с небѣс и воплоти́вшагося от Ду́ха Свя́та и Мари́и Дѣвы, и вочелове́чшася. <sup>4</sup>Распя́таго же за ны́ при Понтийстѣм Пилáтѣ, и страда́вша, и погребѣ́нна. <sup>5</sup>И воскрѣ́сшаго в трѣ́тій день по Писáниемъ. <sup>6</sup>И возше́дшаго на небеса́, и сѣдѣ́ща одесну́ю Отца́. <sup>7</sup>И па́ки гряду́щаго со сла́вою суди́ти живы́м и мѣртвымъ, Егѡ́же Цáрствию не бу́дет конца́. <sup>8</sup>И в Ду́ха Свята́го, Го́спода, Животворя́щаго, Иже от Отца́ исходя́щаго, Иже со Отце́м и Сы́номъ спокланѣ́ма и ссла́вима, глаго́лавшаго проро́ки. <sup>9</sup>Во еди́ну Святу́ю, Собо́рную и Апѡсто́льскую Цѣ́рковь. <sup>10</sup>Исповѣ́дую еди́но крещѣ́ние во оставлѣ́ние грѣхо́въ. <sup>11</sup>Чаю́ воскрѣ́сѣния мѣртвыхъ, <sup>12</sup>и жи́зни буду́щаго вѣ́ка. Ами́нь.

## **Молитва 1-я, святого Макария Великого**

Бóже, очисти мя грѣшнаго, яко николиже сотвори́х благо́е пред Тобо́ю; но изба́ви мя от лука́ваго, и да бу́дет во мне во́ля Твоя́, да неосужде́нно отве́рзу уста́ моя́ недосто́йная и восхвалю́ и́мя Твое́ свято́е, Отца́ и Сы́на и Свята́го Ду́ха, ны́не и присно и во ве́ки веко́в. Ами́нь.

## **Молитва 2-я, того же святого**

От сна воста́в, полу́нощную песнь приношу́ Ти, Спа́се, и припа́дая вопию́ Ти: не даждь ми усну́ти во грехо́вней сме́рти, но уще́дри мя, распный́ся во́лею, и лежа́щаго мя в ле́ности ускори́в возста́ви, и спаси́ мя в предстоя́нии и моли́тве, и по сие но́щнем возсия́й ми день безгре́шен, Христé Бóже, и спаси́ мя.

## **Молитва 3-я, того же святого**

К Тебе́, Влады́ко Человеколю́бче, от сна воста́в прибега́ю, и на дела́ Твоя́ подвижа́юся милосе́рдием Твои́м, и молю́ся Тебе́: помози́ ми на вся́кое вре́мя, во вся́кой ве́щи, и изба́ви мя от вся́кия мирскія́ злы́я ве́щи и диаво́льскаго поспешéния, и спаси́ мя, и введи́ в Ца́рство Твое́ вéчное. Ты бо

еси́ мой Сотворитель и вся́кому бла́гу Промы́сленник и По-  
да́тель, о Тебе́ же все упова́ние моё, и Тебе́ сла́ву возсыла́ю,  
ны́не и при́сно и во ве́ки веко́в. Ами́нь.

### **Молитва 4-я, того же святого**

Го́споди, Иже мно́гою Твое́ю бла́гостию и вели́кими щед-  
ро́тами Твоими́ дал еси́ мне, рабу́ Твоему́, мимоше́дшее  
вре́мя но́щи сея́ без напа́сти преи́ти от вся́каго зла проти́вна;  
Ты Сам, Влады́ко, вся́ческих Тво́рче, сподо́би мя и́стинным  
Твои́м све́том и просвещённым се́рдцем твори́ти волю́ Твою́,  
ны́не и при́сно и во ве́ки веко́в. Ами́нь.

### **Молитва 5-я, святого Василия Великого**

Го́споди Вседержи́телю, Бо́же сил и вся́кия плóти, в вы́ш-  
них живы́й и на смире́нныя призира́яй, се́рдца же и утробы́  
испыту́яй и сокрове́нная челове́ков я́ве предве́дый, Безна-  
ча́льный и Присносу́щный Све́те, у Него́ же несть преме-  
не́ние, или́ прело́жения осене́ние; Сам, Безсме́ртный Царю́,  
приими́ моле́ния на́ша, я́же в настоя́щее вре́мя, на мно́же-  
ство Твои́х щедро́т дерза́юще, от скве́рных к Тебе́ усте́н тво-  
ри́м, и оста́ви нам прегреше́ния на́ша, я́же де́лом, и сло́вом,  
и мы́слию, ве́дением, или́ неве́дением согреше́нная на́ми;  
и очисти́ ны от вся́кия скве́рны плóти и ду́ха. И да́руй нам

бодренным сердцем и трезвенною мыслию всю настоящего жития нощь прейти, ожидающим пришествия светлаго и явленнаго дне Единороднаго Твоего Сына, Господа и Бога и Спаса нашего Иисуса Христа, в оньже со славою Судия всех придет, комуждо отдати по делом его; да не падше и обленившися, но бодрствующе и воздвигени в делание обрящемся готови, в радость и Божественный чертог славы Его соидем, идеже празднующих глас непрестанный, и неизреченная сладость зрящих Твоего лица доброту неизреченную. Ты бо еси истинный Свет, просвещающий и освящающий всяческая, и Тя поет вся тварь во веки веков. Аминь.

## Молитва 6-я, того же святого

Тя благословим, вышний Боже и Господи милости, творящего присно с нами великая же и неизследованная, славная же и ужасная, ихже несть числа, подавшего нам сон во упокоение немощи нашей, и ослабление трудов многотрудных плоти. Благодарим Тя, яко не погубил еси нас со беззаконными нашими, но человеколюбствовал еси обычно, и в нечаянии лежащих ны воздвигл еси, во еже славословити державу Твою. Темже молим безмерную Твою благодать, просвети наша мысли, очеса, и ум наш от тяжкаго сна лености возстави: отверзи наша уста, и исполни я Твоего хваления, яко да возможем непоколеблемо пети же и исповедатися Тебе, во всех, и от всех славимому Богу, Безначальному От-

цѹ со Единорѹднымъ Твоѣмъ Сынѹмъ и Всесвятѣмъ и Благѣмъ и Животворящимъ Твоѣмъ Дѹхомъ, нынѣ и присно и во вѣки вѣковъ. Аминь.

## Молитва 7-я, ко Пресвятой Богородице

Воспеваю благодать Твою, Владычице, молю Тя, ум мой облагодати. Ступати право мя настави, путемъ Христовыхъ заповедей. Бдѣти к пѣсни укрепи, унынія сон отгоняючи. Связана пленицами грехопадѣний, мольбами Твоими разреши, Богоневѣсто. В нощи мя и во дни сохраняй, борющихся врагъ избавляючи мя. Жизнодателя Бѹга рѹдшая, умерщвлѣна мя страстьми оживи. Яже Свет невечерний рѹдшая, дѹшу мою ослѣпшую просвети. О, дивная Владычня палато, домъ Дѹха Божественна мене сотвори. Врача рѹдшая, врачуй души моея многолѣтныя страсти. Волнующася житейскою бурею, ко стези мя покаянія направи. Избави мя огня вѣчнующаго, и червья же злаго, и тартара. Да мя не явиши бесомъ радование, иже многимъ грехомъ повинника. Нѹва сотвори мя, обетшавшаго нечувственными, Пренепорѹчная, согрѣшеніи. Странна мѹки всякія покажи мя, и всехъ Владыку умоли. Небѣсная ми уллучити веселія, со всеми святыми, сподоби. Пресвятая Дѣво, услыши гласъ непотребнаго раба Твоего. Струю давайъ мне слезамъ, Пречистая, души моея скверну очищаючи. Стенанія отъ сѣрдца приношу Ти непрестанно, усердствуй, Владычице. Молѣбную службу мою при-

имй, и Бѣгу благоутрѣбному принеси. Превышшая Ангел, мирскаго мя превышша слїтія сотвори. Светонѣсная Сѣне небѣсная, духовную благодать во мне направи. Руце воздею и устне к похвалѣнію, осквернены скверною, Всенепорѣчная. Душетлѣнных мя пакостей избави, Христа прилѣжно умоляючи; Ему же честь и поклонѣние подобает, ныне и присно и во веки веков. Аминь.

## Молитва 8-я, Господу нашему Иисусу Христу

Многомилостиве и Всемилостиве Бѣже мой, Гѣсподи Иисусе Христѣ, многія ради любви сшел и воплотился еси, яко да спасеши всех. И паки, Спасе, спаси мя по благодати, молю Тя; аще бо от дел спасеши мя, несть се благодать и дар, но долг паче. Ей, многий в щедрѣтах и неизреченный в милости! Вѣруй бо в Мя, рекл еси, о Христѣ мой, жив будет и не узрит смерти во веки. Аще убо вѣра, яже в Тя, спасает отчаянные, се вѣрую, спаси мя, яко Бог мой еси Ты и Создатель. Вѣра же вмѣсто дел да вменится мне, Бѣже мой, не обрящеши бо дел отнюд оправдающих мя. Но та вѣра моя да довлѣет вмѣсто всех, та да отвѣщает, та да оправдит мя, та да покажет мя причастника славы Твоея вечныя. Да не убо похитит мя сатана, и похвалится, Слове, еже отторгнути мя от Твоея руки и ограды; но или хочу, спаси мя, или не хочу, Христѣ Спасе мой, предвари скоро, скоро, погибѣх: Ты бо еси Бог мой от чрева матери моея. Сподоби мя, Гѣсподи,



ны́не возлюби́ти Тя, я́коже возлюбих иногда́ той са́мый грех; и па́ки порабо́тати Тебе́ без ле́ности то́щно, я́коже порабо́тах пре́жде сатане́ льсти́вому. Наипа́че же порабо́таю Тебе́, Го́споду и Бо́гу моему́ Иису́су Христу́, во вся дни живо́та моего́, ны́не и при́сно и во ве́ки веко́в. Ами́нь.

## **Молитва 9-я, к Ангелу хранителю**

Святы́й Ангеле, предсто́яй ока́янной моёй ду́шї и стра́стной моёй жи́зни, не оста́ви мене́ грешна́го, ниже́ отступі́ от мене́ за невозде́ржание моё. Не даждь ме́ста лука́вому де́мону облада́ти мно́ю, насі́льством сме́ртнаго сего́ теле́се; укрепі́ бе́дствующую и худу́ю мою́ ру́ку и наста́ви мя на путь спасе́ния. Ей, святы́й Ангеле Бо́жий, храні́телю и покрові́телю ока́янных мое́я ду́шї и те́ла, вся мне прости́, ели́кими ты оскорби́х во вся дни живо́та моего́, и а́ще что согреши́х в преше́дшую но́щь сию́, покрый́ мя в настоя́щий де́нь, и сохрани́ мя от вся́каго искуше́ния проти́внаго, да ни в ко́ем гресе́ прогне́ваю Бо́га, и моли́ся за мя ко Го́споду, да утверди́т мя в стра́се Своём, и досто́йна пока́жет мя раба́ Свое́я бла́гости. Ами́нь.

## **Молитва 10-я, ко Пресвятой Богородице**

Пресвята́я Влады́чице моя́ Богоро́дице, святы́ми Твои́ми

и всесі́льными мо́льба́ми отже́ни от мене́ смире́ннаго и ока́яннаго раба́ Твоего́ уны́ние, забвѣ́ние, неразу́мие, нераде́ние, и вся скве́рная, лука́вая и ху́льная помышле́ния от ока́яннаго моего́ се́рдца и от помраче́ннаго ума́ моего́; и погаси́ пла́мень страсте́й моихъ, я́ко нищ есмь и ока́янен. И изба́ви мя от мно́гих и лю́бых воспомина́ний и предпри́ятий, и от всехъ де́йств злыхъ свобо́ди мя. Я́ко благослове́нна еси́ от всехъ ро́довъ, и сла́вится пречестно́е и́мя Твое́ во ве́ки веко́в. Ами́нь.

## **Молитвенное призывание святого, имя которого носишь**

Моли́ Бо́га о мене́, святы́й уго́днике Бо́жий (*имя*), я́ко азъ усер́дно к тебѣ́ прибега́ю, ско́рому помо́щнику и моли́твеннику о ду́ше мое́й.

## **Песнь Пресвятой Богородице**

Богоро́дице Де́во, ра́дуйся, Благода́тная Мари́е, Госпо́дь с Тобо́ю; благослове́нна Ты в жена́х и благослове́н Плодъ чре́ва Твоего́, я́ко Спа́са родила́ еси́ душъ на́шихъ.

## **Тропарь Кресту и молитва за Отечество**

Спаси́, Го́споди, лю́ди Твоя́, и благослови́ досто́яние Твое́,

побѣды правосла́вным христиа́ном на сопроти́вныя да́руя, и  
Твое́ сохраняя Кресто́м Твои́м жи́тельство.

## **Молитва о живых**

Спаси́, Го́споди, и поми́луй отца́ моего́ духо́внаго (*имя*),  
родите́лей мои́х (*имена*), сро́дников (*имена*), нача́льников,  
наста́вников, благоде́телей (*имена их*) и всех правосла́вных  
христиа́н.

## **Молитва о усопших**

Упоко́й, Го́споди, ду́ши усо́пших раб Твои́х: родите́лей  
мои́х, сро́дников, благоде́телей (*имена их*), и всех правос-  
ла́вных христиа́н, и прости́ им вся согреше́ния во́льная и  
нево́льная, и да́руй им Ца́рствие Небе́сное.

*Если можешь, читай сей помянник:*

## **ПОМЯННИК**

### **О живых**

Помяни́, Го́споди Иису́се Христé, Бо́же наш, ми́лости и  
щедро́ты Твоя́ от ве́ка су́щия, ихже ра́ди и вочелове́чился

есї, и распятіе и смѣръ, спасенїа рѣди прѣво в Тя вѣру-  
ющих, претерпѣти изволил есї; и воскрѣс из мѣртвых, воз-  
нѣслся есї на небеса и седиши одеснѹю Бѣга Отца, и при-  
зираѣши на смиренныя мольбы всем сѣрдцем призывающих  
Тя; приклони ўхо Твое, и услыши смиренное молѣние ме-  
нѣ, непотребнаго раба Твоего, в воню благоуханїа духовна-  
го, Тебѣ за вся люди Твоя приносящаго. И в пѣрвых помя-  
ни Цѣрковь Твою Святѹю, Собѣрную и Апѣстольскую, юже  
снабдел есї честнѹю Твоею Крѣвию, и утверди, и укрепи,  
и разшири, умножи, умири, и непреобориму ѡдовыми вра-  
ты во вѣки сохрани; раздиранїа Церквей утиши, шатанїа  
языческаѹя угаси, и ересей востанїа скоро разори и искоре-  
ни, и в ничтѣже силою Святаго Твоего Дѹха обрати. (Поклон)

Спаси, Гѣсподи, и помилуй богохранимую страну нашу,  
власти и воинство еѹ, да тихое и безмѣльное житїе проживѣм  
во всяком благочестїи и чистотѣ. (Поклон)

Спаси, Гѣсподи, и помилуй Великаго Господина и От-  
ца нашего Святейшаго Патриарха Кирилла, преосвященныя  
митрополиты, архїепископы и епископы православныя, ие-  
реи же и диаконы, и весь причет церковный, яже поставил  
есї пастї словесное Твое стадо, и молитвами их помилуй и  
спаси мя грѣшнаго. (Поклон)

Спаси, Гѣсподи, и помилуй отца моего духовнаго (имя  
его), и святыми его молитвами прости моя согрѣшенїа. (По-  
клон)

Спаси, Гѣсподи, и помилуй родители моя (имена их),

братию и сестры, и сродники моя по плоти, и вся ближняя рода моего, и други, и даруй им мирная Твоя и премирная благая. *(Поклон)*

Спаси, Господи, и помилуй старцы и юныя, нищия и сироты и вдовицы, и сущия в болезни и в печалех, бедах же и скорбех, обстояниях и пленениях, темницах же и заточениях, изряднее же в гонениях, Тебе ради и веры православныя, от язык безбожных, от отступник и от еретиков, сущия рабы Твоя, и помяни я, посети, укрепи, утеши, и вскоре силою Твоею ослабу, свободу и избаву им подаждь. *(Поклон)*

Спаси, Господи, и помилуй посланные в службу, путешествующия, отцы и братию нашу, и вся православныя христианы. *(Поклон)*

Спаси, Господи, и помилуй ихже аз безумием моим соблазних, и от пути спасительнаго отвратих, к делу злым и неподобным приведох; Божественным Твоим Промыслом к пути спасения паки возврати. *(Поклон)*

Спаси, Господи, и помилуй ненавидящия и обидящия мя, и творящия ми напасти, и не остави их погибнути мене ради грешнаго. *(Поклон)*

Отступившия от православныя веры и погибельными ересми ослепленные, светом Твоего познания просвети и Святей Твоей Апостольстей Соборней Церкви причти. *(Поклон)*

## О усопших

Помяни, Господи, от житія сего отшедшія святѣйшія патриархи, преосвященныя митрополиты, архиепископы и епископы православныя, во иерейстем же и причте церковнем, и монашествем чине Тебѣ послужившія, и в вѣчных Твоихъ селениихъ со святыми упокой. *(Поклон)*

Помяни, Господи, души усопшихъ рабовъ Твоихъ, родителей моихъ *(имена их)*, и всехъ сродниковъ по плоти; и прости ихъ вся согрѣшенія вольная и невольная, даруя им Царствие и причастіе вѣчныхъ Твоихъ благихъ и Твоея безконечныя и блаженныя жизни наслажденіе. *(Поклон)*

Помяни, Господи, и вся в надежды воскресенія и жизни вѣчныя усопшія, отцы и братію нашу, и сестры, и zde лежащія и повсюду, православныя христианы, и со святыми Твоими, идеже присещаетъ светъ лица Твоего, всели, и нас помилуй, яко Благъ и Человеколюбецъ. Аминь. *(Поклон)*

Подаждь, Господи, оставленіе греховъ всемъ прежде отшедшимъ в вѣре и надежды воскресенія, отцемъ, братіямъ и сестрамъ нашимъ и сотвори имъ вѣчную память. *(Трижды)*

## Окончание молитв

Достойно есть яко воистинну блажити Тя Богородицу,

Присноблаженную и Пренепорочную и Матерь Бога нашего. Честнейшую Херувим и славнейшую без сравнения Серафим, без истления Бога Слова рождшую, сущую Богородицу Тя величаем.<sup>4</sup>

*Слава, и ныне:* Господи, помилуй. (*Трижды*)

Господи Иисусе Христе, Сыне Божий, моли́тв ради́ Пре́чи́стѣя Твоеѧ́ Ма́тере, преподо́бных и богоно́сных оте́ц на́ших и всех святы́х, помилуй нас. Ами́нь.

---

<sup>4</sup> От Пасхи до Вознесения вместо этой молитвы читается припев и ирмос 9-й песни Пасхального канона: «Ангел вопияше Благодатней: Чистая Дѣво, радуйся! И паки реку: радуйся! Твой Сын воскресе триднѣвен от гроба и мѣртвыя воздвигнувый; людіе, веселитесь! Светися, светися, нѡвый Иерусалиме, слава бо Господня на тебѣ возсия. Ликуй ныне и веселися, Сиѡне. Ты же, Чистая, красуйся, Богородице, о востаніи Рождества Твоего». *Это замечание относится и к молитвам на сон грядущим.*

# Молитвы на сон грядущим

Во имя Отца и Сына и Святаго Духа. Аминь.

Господи Иисусе Христе, Сыне Божий, молитв ради Пречистой Твоея Матере, преподобных и богоносных отцов наших и всех святых, помилуй нас. Аминь.

Слава Тебе, Боже наш, слава Тебе.

Царю Небесный, Утешителю, Душе истины, Иже везде сый и вся исполняяй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.

Святой Боже, Святой Крепкий, Святой Безсмертный, помилуй нас. *(Трижды)*

Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святой, посети и исцели немощи наша, имене Твоего ради.

Господи, помилуй. *(Трижды)* Слава, и ныне:

Отче наш, Иже еси на небесех! Да святится имя Твое, да приидет Царствие Твое, да будет воля Твоя, яко на небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.



## Тропарі

Помілуй нас, Господи, помілуй нас; всякого бо отвѣта недоумѣюще, сию Ти молитву яко Владыце грѣшнии приносим: помілуй нас.

*Слава:* Господи, помілуй нас, на Тя бо уповахом; не прогнѣвайся на ны зело, ниже помяни беззаконій наших, но призри и ныне яко благоутробен, и избави ны от враг наших; Ты бо еси Бог наш, и мы людие Твои, вси дела руку Твою, и имя Твое призываем.

*И ныне:* Милосердія двѣри отвѣрзи нам, благословенная Богородице, надѣющіися на Тя да не погібнем, но да избавимся Тобою от бед: Ты бо еси спасеніе рода христіанскаго.

Господи, помілуй. (12 раз)

## Молитва 1-я, святого Макарія Великого, к Богу Отцу

Бже вѣчный и Царю всякаго созданія, сподобивый мя даже в час сей dospѣти, прости ми грехи, яже сотвориx в сей день делом, словом и помышлѣніем, и очисти, Господи, смиренную мою душу от всякия скверны плоти и духа. И даждь ми, Господи, в нощи сей сон преити в мире, да востав от сми-

рѣннаго ми лѡжа, благоугождѹ пресвятѡму и́мени Твоему, во  
вся дни живота моего, и поперѹ борющія мя врагѣ плотскія  
и безплѣтныя. И избави мя, Господи, от помышлѣний сует-  
ных, оскверняющих мя, и похотей лукавых. Яко Твое есть  
Царство и сила и слава, Отца и Сына и Святаго Дѹха, ны́не  
и прѣсно и во вѣки веко́в. Ами́нь.

## **Молитва 2-я, святого Антиоха, ко Господу нашему Иисусу Христу**

Вседержителю, Слово Отчее, Сам совершен сый, Иисусе  
Христѣ, мно́гаго ра́ди милосѣрдія Твоего никогда́же отлу-  
чайся мене́, раба́ Твоего́, но всегда́ во мне почива́й. Иисусе,  
дѡбрый Па́стырю Твои́х овец, не преда́ждь мене́ крамолѣ  
змиине, и желáнию сатанину́ не оста́ви мене́, я́ко се́мя тли во  
мне есть. Ты ўбо, Господи Бѡже покланя́емый, Царю́ Святы́й,  
Иисусе Христѣ, спя́ща мя сохрани́ немерца́ющим свѣтом,  
Дѹхом Твои́м Святы́м, Имже освяти́л еси́ Твоа́ ученики́.  
Дажь, Господи, и мне, недостѡйному рабу́ Твоему́, спасѣние  
Твое́ на лѡжи моѣм: просвети́ ум мой свѣтом ра́зума Свя-  
та́го Ева́нгелия Твоего́, дѹшу любѡвию Креста́ Твоего́, се́рд-  
це чистото́ю словесе́ Твоего́, тѣло моѣ Твоею стра́стию безст-  
ра́стною, мысль мою́ Твои́м смире́нием сохрани́, и воздвѣг-  
ни мя во вре́мя подобно на Твое́ славослѡвие. Яко препрос-  
ла́влен еси́ со Безнача́льным Твои́м Отце́м и с Пресвяты́м  
Дѹхом во вѣки. Ами́нь.

## Молитва 3-я, ко Пресвятому Духу

Господи, Царю Небесный, Утешителю, Душе истины, умиласердися и помилуй мя грешнаго раба Твоего, и отпусти ми недостойному, и прости вся, елика Ти согреших днесь яко человек, паче же и не яко человек, но и горее скота, больная моя грехи и невольная, ведомая и неведомая: яже от юности и от науки злы, и яже суть от наглства и уныния. Аще именем Твоим кляхся, или похулих е в помышлении моем; или кого укорих; или оклеветал кого гневом моим, или печалих, или о чем прогневахся; или солгал, или безгодно спал, или нищ прииде ко мне, и презрел его; или брата моего печалих, или свадих, или кого осудил; или развеличался, или разгордехся, или разгневахся; или стоящу ми на молитве, ум мой о лукавствии мира сего подвижеся, или возвращение помыслих; или объядохся, или опихся, или без ума смеяхся; или лукавое помыслих, или доброту чуждую виде, и тою уязвлен бых сердцем; или неподобная глаголах, или греху брата моего посмеяхся, моя же суть безчисленная согрешения; или о молитве не радил, или ино что содеях лукавое, не помню, та бо вся и больша сих содеях. Помилуй мя, Творче мой Владыко, унылаго и недостойнаго раба Твоего, и остави ми, и отпусти, и прости мя, яко Благ и Человеколюбец, да с миром лягу, усну и почию, блудный, грешный и окаянный аз, и поклонюся, и воспою, и прославлю пречест-

ное имя Твое, со Отцем, и Единородным Его Сыном, ныне и присно и во веки. Аминь.

## Молитва 4-я, святого Макария Великого

Что Ти принесу, или что Ти воздам, великодаровитый Безсмертный Царю, щедре и человеколюбче Господи, яко ленящая мене на Твое угодение, и ничтоже благо сотворяша, привел еси на конец мимошедшаго дне сего, обращение и спасение души моей строя? Милостив ми буди грешному и обнаженному всякаго дела блага, возстави падшую мою душу, осквернившуюся в безмерных согрешениях, и отыми от мене весь помысл лукавый видимаго сего жития. Прости моя согрешения, еди́не Безгрешне, яже Ти согреших в сей день, ведением и неведением, словом, и делом, и помышлением, и всеми моими чувствами. Ты Сам, покрывая, сохрани мя от всякаго сопротивнаго обстояния Божественною Твоею властью, и неизреченным человеколюбием, и силою. Очисти, Бо́же, очисти множество грехов моих. Благоволи, Господи, избавити мя от сѣти лукаваго, и спаси страстную мою душу, и осени мя светом лица Твоего, егда приидеши во славе, и неосужденна ныне сном уснути сотвори, и без мечтания, и несмущен помысл раба Твоего соблюди, и всю сатанину дѣтель отжени от мене, и просвети ми разумныя очи сердечныя, да не усну в смерть. И послѣ ми Ангела мирна, хранителя и наставника души и телу моему, да избавит

мя от враг моих; да востав со одра моего, принесу Ти благодарственные мольбы. Ей, Господи, услыши мя грешнаго и убогаго раба Твоего, изволением и совестью; даруй ми воставшу словесем Твоим поучиться, и уныние бесовское далече от мене отгнано быти сотвори Твоими Ангелы; да благословлю имя Твое святое, и прославлю, и славлю Пречистую Богородицу Марию, Юже дал еси нам грешным заступление, и прими Сию молящуюся за ны; вем бо, яко подражает Твое человеколюбие, и молящиеся не престаёт. Тоя заступлением, и Честнаго Креста знаменiem, и всех святых Твоих ради, убогую душу мою соблюди, Иисусе Христэ Бже наш, яко Свят еси, и препрославлен во веки. Аминь.

## Молитва 5-я

Господи Бже наш, еже согреших во дни сем словом, делом и помышлением, яко Благ и Человеколюбец прости ми. Мирен сон и безмятежен даруй ми. Ангела Твоего хранителя послй, покрывающа и соблюдающа мя от всякаго зла, яко Ты еси хранитель душам и телесем нашим, и Тебе славу возсылаем, Отцу и Сыну и Святому Духу, ныне и присно и во веки веков. Аминь.

## Молитва 6-я

Господи Боже наш, в Негоже веровахом, и Егоже имя паче всякаго имени призываем, даждь нам, ко сну отходящим, ослабу души и телу, и соблюди нас от всякаго мечтания, и темныя сласти кроме; устави стремление страстей, угаси разжжения востания телеснаго. Даждь нам целомудренне пожити дела и словесы; да добродетельное жителство восприимлюще, обетованных не отпадём благих Твоих, яко благословен еси во веки. Аминь.

## Молитва 7-я, святого Иоанна Златоуста

### *24 молитвы, по числу часов дня и ночи*

<sup>1</sup>Господи, не лиши мене небесных Твоих благ. <sup>2</sup>Господи, избави мя вечных мук. <sup>3</sup>Господи, умом ли или помышлением, словом или делом согреших, прости мя. <sup>4</sup>Господи, избави мя всякаго неведения и забвения, и малодушия, и окамененнаго нечувствия. <sup>5</sup>Господи, избави мя от всякаго искушения. <sup>6</sup>Господи, просвети мое сердце, еже помрачи лукавое похотение. <sup>7</sup>Господи, аз яко человек согреших, Ты же,

яко Бог щедр, помилуй мя, видя немощ души моея. <sup>8</sup>Господи, послѣй благодать Твою в помощь мне, да прославлю имя Твое святое. <sup>9</sup>Господи Иисусе Христе, напиши мя раба Твоего в книзе животней и даруй ми конец благий. <sup>10</sup>Господи Боже мой, аще и ничтоже благо сотворих пред Тобою, но даждь ми по благодати Твоей положить начало благое. <sup>11</sup>Господи, окропи в сердце моем росу благодати Твоея. <sup>12</sup>Господи небесѣ и земли, помяни мя грешнаго раба Твоего, студнаго и нечистаго, во Царствии Твоем. Аминь.

<sup>1</sup>Господи, в покаянии приими мя. <sup>2</sup>Господи, не остави мене. <sup>3</sup>Господи, не введи мене в напасть. <sup>4</sup>Господи, даждь ми мысль блagu. <sup>5</sup>Господи, даждь ми слезы, и память смертную, и умиление. <sup>6</sup>Господи, даждь ми помысл исповѣдания грехов моих. <sup>7</sup>Господи, даждь ми смирение, целомудрие и послушание. <sup>8</sup>Господи, даждь ми терпение, великодушie и кротость. <sup>9</sup>Господи, всели в мя корень благих, страх Твой в сердце мое. <sup>10</sup>Господи, сподоби мя любить Тя от всея души моея, и помышления и творити во всем волю Твою. <sup>11</sup>Господи, покрый мя от человек некоторых, и бесов, и страстей, и от всякия инья неподобныя вещи. <sup>12</sup>Господи, веcи, яко твориши, якоже Ты волиши, да будет воля Твоя и во мне грешнем, яко благословен еси во веки. Аминь.

## **Молитва 8-я, ко Господу нашему Иисусу Христу**

Господи Иисусе Христэ, Сыне Божий, ради честнейшия Матере Твоея, и безплотных Твоих Ангел, Пророка же и Предтечи и Крестителя Твоего, богоглаголивых же апостол, светлых и добропобедных мученик, преподобных и богоносных отец, и всех святых молитвами, избави мя настоящего обстояния бесовскаго. Ей, Господи мой и Творче, не хощай смерти грешнаго, но якоже обратитися и живу быти ему, даждь и мне обращение окаянному и недостойному; изми мя от уст пагубнаго змия, зияющаго пожрети мя и свести во ад жива. Ей, Господи мой, утешение мое, Иже мене ради оканнаго в тленную плоть оболкися, исторгни мя от окаинства, и утешение подаждь души моей оканной. Всади в сердце мое творити Твоя повеления, и оставити лукавая деяния, и получитьи блаженства Твоя: на Тя бо, Господи, уповах, спаси мя.

## **Молитва 9-я, ко Пресвятой Богородице, Петра Студийского**

К Тебе Пречистой Божией Матери аз окаянный припадая молюся: веси, Царице, яко безпрестани согрешаю и прогневлию Сына Твоего и Бога моего, и многажды аще каюся, лож



пред Бѣгомъ обретаюся, и каюся трепеща: не ужели Господь поразитъ мя, и по часѣ паки таяжде творю; ведущи сия, Владычице моя Госпожѣ Богородице, молю, да помилуеши, да укрепиши, и благая творити да подаши ми. Веси бо, Владычице моя Богородице, яко отнюдъ имамъ въ ненависти злая моя дела, и всею мыслию люблю законъ Бога моего; но не вемъ, Госпожѣ Пречистая, откуда яже ненавижду, та и люблю, а благая преступаю. Не попускай, Пречистая, воли моеи совершатися, не угодна бо есть, но да будетъ воля Сына Твоего и Бога моего: да мя спасетъ, и вразумитъ, и подастъ благодать Святаго Духа, да быхъ азъ отселе престалъ сквернодейства, и прочее пожилъ быхъ въ повелѣнии Сына Твоего, Ему же подобаетъ всякая слава, честь и держава, со Безначальнымъ Его Отцемъ, и Пресвятымъ и Благимъ и Животворящимъ Его Духомъ, ныне и присно и во веки вековъ. Аминь.

## **Молитва 10-я, ко Пресвятой Богородице**

Благого Царя благая Мати, Пречистая и Благословенная Богородице Маріе, милость Сына Твоего и Бога нашего излей на страстную мою душу и Твоими молитвами настави мя на деяния благая, да прочее время живота моего без порока прейду и Тобою рай да обрящу, Богородице Дѣво, едина Чистая и Благословенная.

## Молитва 11-я, ко святому Ангелу хранителю

Ангеле Христовъ, хранителю мой святыи и покровителю души и тела моего, вся ми прости, елика согреших во днешний день, и от всякаго лукавствия противнаго ми врага избави мя, да ни в коемже гресе прогневаю Бога моего; но моли за мя грешнаго и недостойнаго раба, яко да достойна мя покажеші благодати и милости Всесвятыя Троицы и Матере Господа моего Иисуса Христа и всех святых. Аминь.

### Кондак Богородице

Взбранной Воеводе победительная, яко избавльшеся от злых, благодарственная восписуем Ти раби Твои, Богородице, но яко имущая державу непобедимую, от всяких нас бед свободи, да зовем Ти: радуйся, Невесто Неневестная.

Преславная Приснодево, Мати Христа Бога, принеси нашу молитву Сыну Твоему и Богу нашему, да спасет Тобою души наша.

Все упование мое на Тя возлагаю, Мати Божия, сохрани мя под кровом Твоим.

Богородице Дево, не презри мене грешнаго, требующа Твоея помощи и Твоего заступления, на Тя бо упова душа моя, и помилуй мя.

## Молитва святого Иоанникия

Упова́ние моё Оте́ц, прибе́жище моё Сын, покрóв мой Дух Святы́й: Трои́це Свята́я, сла́ва Тебе́.

Досто́йно е́сть я́ко вои́стинну блажи́ти Тя, Богоро́дицу, Присноблаже́нную и Пренепоро́чную и Ма́терь Бо́га на́шего. Честне́йшую Херуви́м и сла́внейшую без сравнения Серафи́м, без ислéния Бо́га Сло́ва ро́ждшую, су́щую Богоро́дицу Тя велича́ем.

*Слава, и ныне: Гóсподи, помилуй. (Трижды)*

Гóсподи Иису́се Христе́, Сы́не Бо́жий, моли́тв ра́ди Пре́чи́стия Твоея́ Ма́тере, преподо́бных и богоно́сных оте́ц на́ших и всех святы́х, помилуй нас. Ами́нь.

## Молитва святого Иоанна Дамаскина, которую, показывая на постель твою, говори:

Влады́ко Человеколю́бче, не уже́ли мне одр сей грóб бу́дет, или́ е́щё ока́янную мою́ ду́шу просвети́ши днем? Се ми грóб предлежи́т, се ми сме́рть предстои́т. Судя́ Твоего́, Гóсподи, бою́ся и му́ки безконéчныя, зло́е же творя́ не престаю́: Тебе́ Гóспода Бо́га моего́ всегда́ прогневляю́, и Пре́чи́стую Твою́ Ма́терь, и вся Небе́сныя Си́лы, и свята́го Анге́ла храните́ля моего́. Вем у́бо, Гóсподи, я́ко недостóин есмь

человеколюбія Твоего, но достоин есмь всякаго осуждёнія и мѹки. Но, Господи, или́ хощѹ, или́ не хощѹ, спаси́ мя. Аще бо праведника спасеши, ничтѹже велие; и аще чистаго помилуеши, ничтѹже дивно: досто́йни бо суть милости Твоя́. Но на мене грѣшнем удиви́ милость Твою́: о сем яви́ человеколюбіе Твое́, да не одоле́ет моя́ злоба Твое́й неизглаголанней бла́гости и милосѣрдію: и якоже хощеши, устро́й о мене вещь.

### **И хотя лечь на постель, говори сие:**

Просвети́ очи мои́, Христѣ́ Бо́же, да не когда́ усну́ в смерть, да не когда́ рече́т враг мой: укрепі́хся на него.

*Слава:* Застѹпник душі́ моея́ бу́ди, Бо́же, я́ко посреде́ хождѹ сетей мно́гих; изба́ви мя от них и спаси́ мя, Бла́же, я́ко Человеколюбец.

*И ныне:* Пресла́вную Бо́жию Ма́терь, и святы́х Ангел Святе́йшую, немѹчно воспойм се́рдцем и усты́, Богоро́дицу сию́ испове́дающе, я́ко воистинну ро́ждшую нам Бо́га воплоще́нна, и моля́щуюся непреста́нно о душа́х на́ших.

**Также целуй крест твой, и зна́менуй крестом место твое от головы до ног, также и со всех сторон, и говори молитву Честно́му Кресту:**

Да воскрэснет Бог, и расточа́тся врази́ Его́, и да бежа́т от лица́ Его́ ненави́дящи Его́. Яко исчеза́ет дым, да исче́знут; я́ко та́ет воск от лица́ огня́, та́ко да поги́бнут бе́си от лица́ любящих Бо́га и зна́менующихся крестным зна́мением, и в весéлии глаго́лющих: ра́дуйся, Пречестный и Животворя́щий Кресте Господень, прогоня́яй бе́сы си́лою на тебе́ пропя́таго Го́спода на́шего Иису́са Христа́, во ад сше́дшаго и попра́вшаго си́лу диáволю, и дарова́вшаго нам тебе́ Крест Свой Честный на прогна́ние вся́каго супоста́та. О, Пречестный и Животворя́щий Кресте Господень! Помога́й ми со Свято́ю Госпоже́ю Де́вою Богоро́дицею и со все́ми святы́ми во ве́ки. Ами́нь.

**Или кратко:**

Огради́ мя, Го́споди, си́лою Честна́го и Животворя́щаго Твоего́ Креста́, и сохрани́ мя от вся́каго зла.

## Также, вместо прощения:

Осла́би, оста́ви, прости́, Бо́же, прегреше́ния на́ша, во́льная и нево́льная, я́же в сло́ве и в де́ле, я́же в ве́дении и не в ве́дении, я́же во дни и в но́щи, я́же во уме́ и в помышле́нии: вся нам прости́, я́ко Благ и Человеколюбец.

## Молитва

Ненави́дящих и оби́дящих нас прости́, Го́споди Человеколю́бче. Благо́творящим благо́сотвори́. Бра́тиям и сродни́ком на́шим да́руй я́же ко спасе́нию проше́ния и жизнь ве́чную. В немо́щих су́щия посети и исцеле́ние да́руй. Иже на мо́ри упра́ви. Путеше́ствующим спутеше́ствуй. Служа́щим и ми́люющим нас грехо́в оставле́ние да́руй. Запове́давших нам недосто́йным моли́тися о них поми́луй по вели́цей Твое́й ми́лости. Помяни́, Го́споди, пре́жде усо́пших оте́ц и бра́тий на́ших и упоко́й их, иде́же присеща́ет свет лица́ Твоего́. Помяни́, Го́споди, бра́тий наших плене́нных и изба́ви я́ от вся́каго обстоя́ния. Помяни́, Го́споди, плодоно́сящих и доброде́лающих во святы́х Твои́х це́рквах, и даждь им я́же ко спасе́нию проше́ния и жизнь ве́чную. Помяни́, Го́споди, и нас, смире́нных и гре́шных и недосто́йных раб Твои́х, и просвети́ наш ум све́том ра́зума Твоего́, и наста́ви нас на стезю́

заповедей Твоих, молитвами Пречистой Владычицы нашей Богородицы и Приснодевы Марии и всех Твоих святых: яко благословен еси во веки веков. Аминь.

## **Исповедание грехов повседневное**

Исповѣдаю Тебѣ Господу Богу моему и Творцу, во Святей Троице Единому, славимому и покланяемому, Отцу и Сыну и Святому Духу, вся моя грехи, яже содеях во вся дни живота моего, и на всякий час, и в настоящее время, и в прешедшие дни и ночи, делом, словом, помышлением, объядением, пьянством, тайноядением, празднословием, унынием, леностию, прекословием, непослушанием, оклеветанием, осуждением, небрежением, самолюбием, многостязанием, хищением, неправдоглаголанием, скверноприбытчеством, мшелоимством, ревнованием, завистию, гневом, памятозлобием, ненавистию, лихоимством и всеми моими чувствами: зрением, слухом, обонянием, вкусом, осязанием и прочими моими грехи, душевными вкупе и телесными, имиже Тебе Бога моего и Творца прогневах, и ближняго моего онеправдовах: о сих жалея, винна себе Тебе Богу моему представляю, и имею волю каяться: точию, Господи Боже мой, помози ми, со слезами смиренно молю Тя: прешедшая же согрешения моя милосердием Твоим прости ми, и разреши от всех сих, яже изглаголах пред Тобою, яко Благ и Человеколюбец.

## **Когда отходишь ко сну, произноси:**

В рúце Твой, Гóсподи Иису́се Христé, Бóже мой, предаю́ дух мой: Ты же мя благослови́, Ты мя помíлуй и живóт вечный да́руй ми. Ами́нь.



# Канон покаянный ко Господу нашему Иисусу Христу

## Глас 6-й

### Песнь 1

Яко по сѹху пешешествовав Израїль, по бѣздне стопáми, гонителя фарабна видя потопляема, Бóгу побѣдную песнь поїм, вопияше.

*Припев: Помилуй мя, Боже, помилуй мя.*

Ныне приступи́х аз грѣшный и обременѣнный к Тебе, Влады́це и Богу моему; не смѣю же взирáти на нѣбо, тóкмо молю́ся, глаго́ля: даждь ми, Гóсподи, ум, да пла́чуся дел моих горько.

*Помилуй мя, Боже, помилуй мя.*

О, горе мне грѣшному! Пáче всех человек окаянен есмь, покая́ния несть во мне; даждь ми, Гóсподи, слѣзы, да пла́чуся дел моих горько.

*Слава:* Безу́мне, окая́нне челове́че, в лѣноти время гу́биши; помы́сли жити́е твоѐ, и обрати́ся ко Господу Богу, и пла́чися о дѣлех твоих горько.

*И ныне:* Мати Божия Пречистая, воззри на мя грешнаго, и от сѣти диаволи избави мя, и на путь покаяния настави мя, да плачуся дел моих горько.

### Песнь 3

Несть свят, якоже Ты, Господи Боже мой, вознесый рог верных Твоих, Блаже, и утвердивый нас на камени исповѣданія Твоего.

*Помилуй мя, Боже, помилуй мя.*

Внегда поставлени будут престолы на судищи страшнем, тогда всех человек дела обличатся; горе тамо будет грешным, в мѹку отсылаемым; и то вѣдущи, душѣ моя, покайся от злых дел твоих.

*Помилуй мя, Боже, помилуй мя.*

Праведницы возрадуются, а грешнии восплачутся, тогда никтоже возможет помощи нам, но дела наша осудят нас; темже прежде конца покайся от злых дел твоих.

*Слава:* Увы мне великогрешному, иже дѣлы и мысльми осквернився, ни капли слез имею от жестосердия; ныне возникни от земли, душѣ моя, и покайся от злых дел твоих.

*И ныне:* Се, взывает, Госпожѣ, Сын Твой, и поучает нас на доброе, аз же грешный добра всегда бѣгаю; но Ты, Милостивая, помилуй мя, да покаюся от злых моих дел.

## Седален, глас 6-й

Помышляю день страшный и плачуся деяний моих лукавых: како отвещаю Безсмертному Царю, или коим дерзновением воззрю на Судию, блудный аз? Благоутробный Отче, Сыне Единородный и Душе Святой, помилуй мя.

*Слава, и ныне: Богородичен*

Связан многими ныне пленницами грехов и содержишь лютыми страстьми и бедами, к Тебе прибегаю, моему спасению, и вопию: помози ми, Дево, Мати Божия.

## Песнь 4

Христос моя сила, Бог и Господь, честная Церковь боголепно поёт, взываючи от смысла чиста, о Господе празднующи.

*Помилуй мя, Боже, помилуй мя.*

Широк путь zde и угодный сласти творити, но горько будет в последний день, егда душа от тела разлучатися будет: блюди́ся от сих, челове́че, Царствия ради Божия.

*Помилуй мя, Боже, помилуй мя.*

Почто убогаго обидиши, мзду наёмничу удержуеши, брата твоего не любиши, блуд и гордость гониши? Оста́ви убо сия, душе́ моя, и покайся Царствия ради Божия.

*Слава:* О, безумный челове́че, доколе углеба́еши, я́ко пче-  
ла́, собира́ющи богатство твое? Вскóре бо погибнет, я́ко прах  
и пепел: но бо́лее взыщи́ Царствия Божия.

*И ныне:* Госпо́же Богоро́дице, помилуй мя грешнаго, и в  
добродéтели укрепи́, и соблюди́ мя, да на́глая смерть не по-  
хи́тит мя негото́ваго; и доведи́ мя, Дево, Царствия Божия.

## Песнь 5

Бо́жиим светом Твоим, Бла́же, у́тренюющих Ти ду́ши лю-  
бо́вию озари́, молю́ся, Тя ве́дети, Сло́ве Божий, и́стиннаго  
Бога, от мрака грехо́внаго взыва́юща.

*Помилуй мя, Бо́же, помилуй мя.*

Воспомяни́, ока́янный челове́че, ка́ко лжам, клеветáм,  
разбо́ю, немо́щем, лютым зве́рем, грехо́в ради порабо́щен  
еси́; ду́ше моя́ грешная, тогó ли восхотéла еси́?

*Помилуй мя, Бо́же, помилуй мя.*

Трепéщут ми у́ди, всеми́ бо сотвори́х вину́: очима́ визи-  
ра́яй, у́шима́ слы́шай, язы́ком злая глаго́ляй, всего́ себе́ ге́ен-  
не преда́й; ду́ше моя́ грешная, сего́ ли восхотéла еси́?

*Слава:* Блудника́ и разбойника́ ка́ющася при́ял еси́, Спа-  
се, аз же еди́н лéностию грехо́вною отягчи́хся и злым делóм  
порабо́тихся; ду́ше моя́ грéшная, сего́ ли восхотéла еси́?

*И ныне:* Дивная́ и ско́рая помо́щнице́ всем челове́ком,  
Ма́ти Бо́жия, помози́ мне недостóйному, ду́ша́ бо моя́ грéш-  
ная тогó восхотé.

## Песнь 6

Жите́йское море, воздвиза́емое зря напа́стей бу́рею, к тихому приста́нищу Твоему прите́к, вопию́ Ти: возведи́ от тли живот мой, Многоми́лостиве.

*Помилуй мя, Боже, помилуй мя.*

Жити́е на земли блу́дно пожих и ду́шу во тьму преда́х, ныне убо молю́ Тя, Ми́лостивый Влады́ко: свободи́ мя от рабо́ты сея вра́жия, и даждь ми ра́зум твори́ти волю́ Твою́.

*Помилуй мя, Боже, помилуй мя.*

Кто творит такова́я, я́коже аз? Я́коже бо свини́я лежит в калу́, та́ко и аз греху́ служу. Но Ты, Господи, исто́ргни мя от гну́са сего и даждь ми сердце твори́ти за́поведи Твоя́.

*Слава:* Восприя́ни, ока́янный челове́че, к Богу, воспомина́в своя согрешения, припа́дая ко Творцу, слезя́ и стенья́; Той же, я́ко милосе́рд, даст ти ум зна́ти волю́ Свою́.

*И ныне:* Богороди́це Дево, от ви́димаго и неви́димаго зла сохрани́ мя, Пречи́стая, и приими́ молитвы́ моя, и донеси́ я́ Сыну Твоему, да даст ми ум твори́ти волю́ Его́.

## Кондак

Душе́ моя, почто́ греха́ми богате́еши, почто́ волю́ диаво́лю твори́ши, в чесо́м наде́жду полага́еши? Преста́ни от сих и

обратіся к Богу с пла́чем, зову́щи: милосе́рде Господи, поми́луй мя грешнаго.

## Икос

Помысли, душе́ моя, горький час смерти и страшный суд Творца твоего и Бога: Ангели бо грѣзнии по́ймут тя, душе, и в вѣчный огонь введу́т: убо прежде смерти покайся, вопию́щи: Господи, поми́луй мя грешнаго.

## Песнь 7

Росода́тельну убо пещь соде́ла Ангел преподо́бным отро́комъ, халде́и же опаляющее велѣние Бо́жие, мучи́теля увещá вопіти: благослове́н еси́, Бо́же оте́ц наших.

*Помилуй мя, Бо́же, помилуй мя.*

Не надѣйся, душе́ моя, на тлѣнное богатство и на непра́ведное собра́ние, вся бо сия не ве́си кому оста́виши, но возопі́й: помилуй мя, Христе́ Бо́же, недостойнаго.

*Помилуй мя, Бо́же, помилуй мя.*

Не упова́й, душе́ моя, на телѣсное здра́вие и на скоромнохо́дѣщую красото́у, ви́диши бо, я́ко си́льнии и мла́дїи умира́ют, но возопі́й: помилуй мя, Христе́ Бо́же, недостойнаго.

*Слава:* Воспомяни́, душе́ моя, вѣчное житіе́, Царство Небесное, угото́ванное святы́м, и тьму кромѣшную и гнев

Божий злым, и возопий: помилуй мя, Христé Боже, недостойнаго.

*И ныне:* Припадí, душе моя, к Божией Матери и помоли́ся Той, есть бо скорая помóщница ка́ющимся, умо́лит Сына Христа Бога, и помилует мя недостойнаго.

## Песнь 8

Из пла́мене преподобным рóсу источи́л еси́ и пра́веднаго жертву водою попали́л еси́: вся бо твори́ши, Христé, то́кмо е́же хоте́ти. Тя превозно́сим во вся ве́ки.

*Помилуй мя, Боже, помилуй мя.*

Ка́ко не ймам пла́каться, егда́ помышляю смерть, ви́дех бо во грóбе лежа́ща брата моего, безсла́вна и безобра́зна? Что убо ча́ю, и на что надéюся? Токмо даждь ми, Господи, прежде конца покаяние. (*Дважды*)

*Слава:* Верую, я́ко прии́деши суди́ти живых и мертвых, и вси во своем чи́ну ста́нут, ста́рии и младии, влады́ки и кня́зи, де́вы и священни́цы; где обря́щуся аз? Сего ради во́пию: даждь ми, Господи, прежде конца покаяние.

*И ныне:* Пречи́стая Богородице, приими недостойную молитву мою и сохрани мя от на́глыя смерти, и да́руй ми прежде конца покаяние.

## Песнь 9

Бога человеком невозможно видети, на Него́же не сме́ют чѣни а́нгельстии взира́ти; Тобою же, Всечѣстая, явѣся чело-  
веком Слово Воплоще́нно, Его́же велича́юще, с небѣсными  
вои Тя ублажа́ем.

*Помилуй мя, Боже, помилуй мя.*

Ныне к вам прибега́ю, Ангели, Арха́нгели и вся небесныя  
силы, у Престо́ла Божия стоя́щии, моли́теся ко Творцу сво-  
ему, да изба́вит душу мою от му́ки вечныя.

*Помилуй мя, Боже, помилуй мя.*

Ныне пла́чуся к вам, свя́тїи патриа́рси, ца́рие и проро́цы,  
апо́столи и свя́тителіе и вси избра́ннии Христо́вы: помози́те  
ми на суде́, да спасе́т душу мою от си́лы вра́жия.

*Слава:* Ныне к вам воздежу́ рѣце, свя́тїи му́ченицы, пу-  
сты́нницы, де́вственницы, пра́ведницы и вси святии, мо-  
ля́щиися ко Господу за весь мир, да помилует мя в час смер-  
ти моея́.

*И ныне:* Мати Божия, помози́ ми, на Тя си́льне надѣюще-  
муся, умоли́ Сына Своего, да поста́вит мя недостойнаго одес-  
ную Себе, егда́ сядет судя́й живых и мертвых. Ами́нь.



## Молитва

Владыко Христэ Боже, Иже страстьми Своими страсти моя исцеливый и язвами Своими язвы моя уврачевавый, даруй мне, много Тебе прегрешившему, слезы умиления; сраствори моему телу от обоняния Животворящаго Тела Твоего, и наслади душу мою Твоею Честною Кровию от горести, ёуже мя сопротивник напои; возвыси мой ум к Тебе, долу поникший, и возведи от пропасти погибели: яко не имам покаяния, не имам умиления, не имам слезы утешительныя, возводящая чада ко своему наследию. Омрачихся умом в житейских страстех, не могу возрети к Тебе в блезни, не могу согрети слезами, яже к Тебе любви. Но, Владыко Господи Иисусе Христэ, Сокровище благих, даруй мне покаяние всецелое и сердце люботрудное во взыскание Твое, даруй мне благодать Твою и обнови во мне зраки Твоего образа. Остави Тя, не остави мене; изыди на взыскание мое, возведи к пажити Твоей и сопричти мя овцам избраннаго Твоего стада, воспитаи мя с ними от злака Божественных Твоих Таинств, молитвами Пречистыя Твоея Матере и всех святых Твоих. Аминь.

**Канон молебный ко  
Пресвятой Богородице,  
поемый во всякой скорби  
душевной и обстоянии**  
*Творение Феостирикта монаха*

**Тропарь Богородице, глас 4-й**

К Богорóдице прилѣжно ны́не притецем, грѣшнии и сми-  
рѣннии, и припадѣм, в покая́нии зову́ще из глубины́ душѣй:  
Влады́чице, помози́, на ны милосѣрдовавши, потщи́ся, поги-  
ба́ем от мно́жества прегрѣше́ний, не отврати́ Твоя́ рабы́ тщи,  
Тя бо и еди́ну наде́жду има́мы. *(Дважды)*

*Слава, и ныне:* Не умолчи́м никогда́, Богорóдице, си́лы  
Твоя́ глаго́лати, недосто́йнии: а́ще бо Ты не бы́ предсто́яла  
моля́щи, кто бы нас изба́вил от толи́ких бед, кто же бы со-  
храни́л до ны́не свобо́дны? Не отсту́пим, Влады́чице, от Те-  
бе́: Твоя́ бо рабы́ спаса́еши при́сно от вся́ких лю́тых.

## Псалом 50

Помилуй мя, Бóже, по велицей мѣлости Твоеѣ, и по мно́жеству щедро́т Твоих очисти беззакóние моё. Наипáче омы́й мя от беззакóния моего́, и от грехá моего́ очисти мя; ꙗ́ко беззакóние мое аз зная́, и грех мой предо мно́ю есть вы́ну. Тебе еди́ному согреших и лука́вое пред Тобою сотвори́х; ꙗ́ко да оправди́шися во словесѣх Твоих, и победи́ши внегда́ суди́ти Ти. Се́ бо, в беззакóнных зачатъ есмь, и во гресѣх роди́ мя ма́ти моя. Се́ бо, истину возлюбилъ еси́; безвѣстная и та́йная премудрости Твоея́ явилъ ми еси́. Окропи́ши мя иссо́пом, и очи́щуся; омые́ши мя, и па́че снѣга убелю́ся. Слѣ́ху моему́ да́си ра́дость и весе́лие; возра́дуются ко́сти смире́нныя. Отврати́ лице́ Твое́ от грех моихъ и вся беззакóния моя очисти. Сѣрдце́ чисто́ сози́жди во мнѣ, Бóже, и дух прав обнови́ во утробѣ моей. Не отвер́жи мене́ от лица́ Твоего́ и Ду́ха Твоего Свята́го не отыми́ от мене. Возда́ждь ми ра́дость спасѣ́ния Твоего и Ду́хом Влады́чним утверди́ мя. Научу́ беззакóнныя путе́м Твоим, и нечесті́вии к Тебе обратят́ся. Изба́ви мя от крове́й, Боже, Боже спасѣ́ния моего; возра́дуется языкъ мой правде Твоей. Господи, устне́ мои отвер́зеши, и уста моя возвестятъ хвалу́ Твою. ꙗ́ко а́ще бы восхотѣ́лъ еси́ жѣртвы, далъ быхъ у́бо: всесо́жжѣния не благоволи́ши. Жертва́ Богу духъ сокруше́н; сердце сокруше́нно и смире́нно Бог не уничи́жит. Ублажи́, Господи, благоволе́нием Твоимъ

Сиѡна, и да созиждутся стѣны Иерусалимскія. Тогда благоволиши жертву правды, возношеніе и всесожегаемая; тогда возложат на олтарь Твой тельцы.

## Канон, глас 8-й

### Песнь 1

Вѡду прошѣд яко сѹшу, и египетскаго зла избежав, израильтянин вопіяше: Избавителю и Богу нашему поим.

*Припев: Пресвятая Богородице, спаси нас.*

Многими содержимь напастьми, к Тебе прибегаю, спасенія искый: о, Мати Слѡва и Дѣво, от тяжких и лютых мя спаси.

*Пресвятая Богородице, спаси нас.*

Страстей мя смущают прилѡзи, многаго унынія исполнити мою дѹшу; умири, Отроковице, тишиною Сына и Бога Твоего, Всенепорѡчная.

*Слава:* Спаса рѡждшую Тя и Бога, молю, Дѣво, избавитися ми лютых: к Тебе бо ныне прибегаю, простираю и дѹшу и помышленіе.

*И ныне:* Недѹгующа телом и душею, посещенія Божественнаго и промышленія от Тебе сподѡби, Еди́на Богомáти, яко благáя, Благáго же Родительница.

## Песнь 3

Небѣснаго кру́га Верхотво́рче Го́споди, и Це́ркви Зижді́телю, Ты менѣ утверди́ в любви́ Твое́й, желáний краю́, вѣрных утвержде́ние, еди́не Человеколю́бче.

*Пресвятая Богородице, спаси нас.*

Предста́тельство и покровъ жизни моея́ полагаю́ Тя, Богороди́тельнице Дево: Ты мя окорми́ ко приста́нищу Твоему́, благи́х вино́вна, верных утвержде́ние, еди́на Всепѣ́тая.

*Пресвятая Богородице, спаси нас.*

Молю, Дево, душевное смущение и печали моея́ бу́рю разори́ти: Ты бо, Богоневѣ́стная, нача́льника тишины Христа роди́ла еси́, еди́на Пречи́стая.

*Слава:* Благоде́теля рождши́ добрыхъ виновнаго, благоде́янія богатство́ всемъ источи́, вся бо мо́жеши, я́ко сильнаго в крепости́ Христа ро́ждши, Богоблаже́нная.

*И ныне:* Лю́тыми неду́ги и боле́зненными страстьми́ истязáему, Дево, Ты ми помози́: исцелений бо неоску́дное Тя знаю́ сокровище, Пренепоро́чная, неизживáемое.

Спаси́ от бед рабы́ Тво́я, Богоро́дице, я́ко вси по Бóзе к Тебе́ прибега́ем, я́ко неруши́мей стене́ и предста́тельству.

Призри́ благосѣ́рдиемъ, всепѣ́тая Богоро́дице, на моѐ лю́тое телесе́ озлобле́ние, и исцели́ души́ моея́ боле́знь.

## Тропарь, глас 2-й

Молѣние тёплое и стена́ необорѣмая, мѣлости исто́чнице, мірови прибе́жище, приле́жно вопиѣм Ти: Богороди́це Влады́чице, предвари́, и от бед изба́ви нас, еди́на вско́ре предста́тельствующая.

## Песнь 4

Услы́шах, Го́споди, смотре́ния Твоего́ та́инство, разуме́х дела́ Твоя́ и просла́вих Твое́ Божество́.

*Пресвята́я Богороди́це, спаси нас.*

Страсте́й моих смущѣ́ние, ко́рмчию ро́ждшая Господа, и бурю ути́ши моих прегреше́ний, Богоневѣ́стная.

*Пресвята́я Богороди́це, спаси нас.*

Милосерді́я Твоего́ бездну́ призыва́юще пода́ждь ми, Яже Благосе́рдаго ро́ждшая и Спа́са всех пою́щих Тя.

*Пресвята́я Богороди́це, спаси нас.*

Наслажда́ющесея, Пречи́стая, Твоих дарова́ний, благода́рственное воспева́ем пе́ние, ве́дуще Тя Богома́терь.

*Слава:* На одре́ болезни мое́я и немо́щи низлежа́щу ми, яко Боголю́бива, помози́, Богороди́це, еди́на Присноде́во.

*И ныне:* Надежду и утвержде́ние и спасения стѣну́ недви́жиму иму́ще Тя, Всепѣ́тая, неудобства всякаго избав-

ляемся.

## Песнь 5

Просвети нас повелѣнии Твоими, Гóсподи, и мы́щею  
Твоею вы́сокою Твой мир пода́ждь нам, Человеколю́бче.

*Пресвятая Богородице, спаси нас.*

Испóлни, Чистая, весѣлія сердце мое, Твою нетлѣнную  
даю́щи радость, весѣлія рóждшая вино́внаго.

*Пресвятая Богородице, спаси нас.*

Избáви нас от бед, Богородице чистая, вечное рождши из-  
бавление, и мир, всяк ум преимúщий.

*Слава:* Разрешí мглу прегрешений моих, Богоневѣсто,  
просвещѣнием Твоея свѣтлости, Свет рождшая Божествен-  
ный и превѣчный.

*И ныне:* Исцели, Чистая, души моя́ немо́жение, посе-  
щѣния Твоего сподóблшая, и здравие молитвами Твоими  
пода́ждь ми.

## Песнь 6

Моли́тву пролию́ ко Гóсподу, и Тому́ возвещу́ печа́ли моя́,  
я́ко зол ду́ша моя́ испóлнится, и живо́т мой áду прибли́жися,  
и молю́ся я́ко Ибна: от тли, Бóже, возведи́ мя.

*Пресвятая Богородице, спаси нас.*

Смёрти и тли яко спасл есть, Сам Ся издав смерти, тлени-  
ем и смертию мое естество́ я́то бывшее, Дево, моли́ Господа  
и Сына Твоего, враговъ злодѣйствія мя избавити.

*Пресвятая Богородице, спаси нас.*

Предстáтельница Тя животá вем и хранительницу твёрду,  
Дево, и напáстей реша́шу молвы́, и нало́ги бесо́в отгоня́юще;  
и молю́ся всегда, от тли страсте́й моихъ изба́вити мя.

*Слава:* Яко стéну прибѣжища стяжа́хом, и душъ всесовер-  
шенное спасение, и пространство в скорбехъ, Отрокови́це, и  
просвещéниемъ Твоимъ прѣсно раду́емся: о, Владычице, и ны-  
не нас от страсте́й и бедъ спаси́.

*И ныне:* На одрэ́ ныне немощству́яй леж́у, и несть ис-  
целéния плóти мое́й: но, Бога и Спаса мѣру и Изба́вителя  
недúгов рóждшая, Тебе молю́ся, Благо́й: от тли недúг воз-  
ста́ви мя.

## **Кондак, глас 6-й**

Предстáтельство христианъ непосты́дное, ходата́йство ко  
Творцу́ непрелóжное, не прѣзри грѣшныхъ молéний глáсы, но  
предварѣ́, яко Благо́я, на помощь насъ, вѣрно зовущихъ Ти;  
ускори́ на молитву, и потщи́ся на умо́ление, предстáтельствую-  
щи прѣсно, Богородице, чтущихъ Тя.



## Другой кондак, глас тот же

Не ѿмамы инѣя помощи, не имамы инѣя надежды, рáзве Тебе, Пречистая Дево. Ты нам помози́, на Тебѣ надѣемся, и Тобою хва́лимся, Твой бо есмы рабы́, да не постыди́мся.

## Стихира, глас тот же

Не ввѣри мя человѣческому предстáтельству, Пресвятая Владычице, но приими́ моление раба Твоего: скорбь бо одержи́т мя, терпѣти не могу дѣмонскаго стреля́ния, покрóва не ѿмам, ниже́ где прибе́гну окаянный, всегда побежда́емъ, и утешѣ́ния не ѿмам, рáзве Тебе, Владычице мира, упование и предстательство верных, не прѣзри мо́ление мое, полѣзно сотвори́.

## Песнь 7

От Иудѣи дошѣдше ѡтроцы, в Вавилóне иногдá, вѣрою Трѡическою пла́мень пѣщный попра́ша, пою́ще: отцѣв Бóже, благословѣн еси́.

*Пресвятая Богородице, спаси нас.*

Наше спасение ꙗкоже восхотѣл еси́, Спасе, устро́ити, во утрóбу Дѣвыя всели́лся еси́, Юже миру предстательницу по-

казал еси: отец наших Боже, благословен еси.

*Пресвятая Богородице, спаси нас.*

Воли́теля милости, Егѡже родила́ еси́, Ма́ти чистая, умоли́ избáвители́ от прегрешéний и душéвных скверн верою зовущим: отец наших Боже, благословен еси́.

*Слава:* Сокровище спасения и Источник нетления, Ты рождшую, и столп утверждения, и дверь покаяния, зовущим показал еси́: отец наших Боже, благословен еси́.

*И ныне:* Телéсныя слáбости и душевныя недúги, Богороди́тельнице, любóвию приступáющих к крѡву Твоемú, Дéво, исцели́ти сподѡби, Спáса Христá нам рѡждшая.

## Песнь 8

Царя́ Небéснаго, Егѡже пою́т вѡи áнгельстии, хвали́те и превозноси́те во вся вéки.

*Пресвятая Богородице, спаси нас.*

Пѡмощи я́же от Тебе трéбующия не прѣзри, Дево, поющия и превознося́щия Тя во веки.

*Пресвятая Богородице, спаси нас.*

Неможéние души моея́ исцеля́еши и телéсныя болéзни, Дево, да Тя прослáвлю, Чистая, во веки.

*Слава:* Исцелéний богáтство изливáеши вѣрно поющим Тя, Дево, и превознося́щим неизречénное Твое рождество́.

*И ныне:* Напáстей Ты прилѡги отгоня́еши и страстéй нахѡды, Дево: тѣмже Тя поем во вся веки.

## Песнь 9

Войстинну Богородицу Тя исповѣдуем, спасѣннии Тобѡю,  
Дѣво Чистая, с безплѣтными лики Тя величающе.

*Пресвятая Богородице, спаси нас.*

Тока слез моих не отврати́ся, Яже от всякаго лица всяку  
слѣзу отъѣмшаго, Дево, Христа рѡждшая.

*Пресвятая Богородице, спаси нас.*

Радости мое сердце исполни, Дево, Яже радости приѣм-  
шая исполнѣние, грехѡвную печаль потребляючи.

*Пресвятая Богородице, спаси нас.*

Пристанище и предстательство к Тебе прибегающих буди,  
Дево, и стена́ нерушимая, прибежище же и покрѡв и весѣлие.

Слава: Свѣта Твоего зарями просвети, Дево, мрак неведѣ-  
ния отгоняючи, благоверно Богородицу Тя исповѣдающих.

И ныне: На мѣсте озлоблѣния нѣмощи смири́вшагося, Де-  
во, исцели́, из нездравия во здравие претворяючи.

## Стихиры, глас 2-й

Вы́сшую небѣс и чистшую свѣтлостей со́лнечных, избав-  
лящую нас от клятвы, Владычицу міра пѣсньми почтѣм.

От мно́гих моих грехѡв немощству́ет тѣло, немощству́ет и  
душá моя; к Тебѣ прибегаю, Благодѣтней, наде́ждо ненаде́ж-

ных, Ты ми помози́.

Влады́чице и Ма́ти Изба́вителя, приими́ моле́ние недо-  
сто́йных раб Твои́х, да ходата́йствуеши к Ро́ждшемуся от Те-  
бе; о, Влады́чице ми́ра, бу́ди Хода́таица!

Поём приле́жно Тебе́ песнь ны́не, всепе́той Богоро́дице,  
ра́достно: со Предте́чею и все́ми святы́ми моли́, Богоро́дице,  
е́же уще́дрити ны.

Вся Ангелов во́инства, Предте́че Госпо́день, апо́столов  
двоенадеся́тице, святы́и вси с Богоро́дицею, сотвори́те мо-  
ли́тву, во е́же спасти́ся нам.

## **Молитвы ко Пресвятой Богородице**

Цари́це моя преблагáя, наде́ждо моя Богоро́дице, прия́те-  
лище си́рых и стра́нных предста́тельнице, скорбя́щих ра́до-  
сте, оби́димых покрови́тельнице! Зри́ши мою бедú, зриши  
мою скорбь, помози́ ми я́ко немо́щну, окорми́ мя я́ко стра́н-  
на. Оби́ду мою ве́си, разреши́ ту, я́ко во́лиши: я́ко не íмам  
ины́я по́мощи ра́зве Тебе, ни ины́я предста́тельницы, ни бла-  
гiя утеши́тельницы, то́кмо Тебе, о Богома́ти, я́ко да сохра-  
ни́ши мя и покрýеши во веки веко́в. Ами́нь.

К кому́ возопию́, Влады́чице? К кому́ прибегну́ в горе-  
сти мое́й, а́ще не к Тебе́, Цари́це Небе́сная? Кто плач мой  
и воздыхáние моё прии́мет, а́ще не Ты, Пренепоро́чная, на-  
де́ждо христиáн и прибе́жище нам грешным? Кто па́че Те-

бѣ в напа́stech заштити́? Услы́ши ѹбо стѣнаніе моѣ, и при-  
клоні́ ѹхо Твое́ ко мнѣ, Влады́чице Мати́ Бѹга моего́, и не  
прѣзри менѣ, трѣбующаго Твоея́ по́мощи, и не отри́ни ме-  
нѣ грѣшнаго. Вразуми́ и научи́ мя, Цари́це Небѣсная; не от-  
ступи́ от менѣ раба́ Твоего́, Влады́чице, за ропта́ние моѣ, но  
буди́ мнѣ Мати́ и заступ́ница. Вруча́ю себѣ мѣлостивому по-  
крѹву Твоемѹ: приведи́ мя грѣшнаго к ти́хой и безмяте́жней  
жизни, да пла́чуся о грѣсѣх мо́их. К кому́ бо прибе́гну по-  
ви́нный аз, а́ще не к Тебѣ, упова́нию и прибе́жищу грѣшных,  
наде́ждою на неизрече́нную мѣлость Твою́ и щедро́ты Твоя́  
окриля́емъ? О, Влады́чице Цари́це Небѣсная! Ты мнѣ упо-  
ва́ние и прибе́жище, покрѹв и заступле́ние и по́мощь. Ца-  
ри́це моя́ преблага́я и ско́рая заступ́нице! Покры́й Твоѣм хо-  
дѣтайством моя́ прегрѣше́ния, заштити́ менѣ от враг ви́димых  
и неви́димых; умягчи́ сердца́ злых челове́к, возстаю́щих на  
мя. О, Мати́ Го́спода моего́ Творца́! Ты еси́ ко́рень дѣвства  
и неувяда́емый цвѣт чистоты́. О, Богороди́тельнице! Ты по-  
да́ждь ми по́мощь немощствую́щему плотскѣми страстьми́  
и болѣзную́щему сердцем, еди́но бо Твое́ и с Тобо́ю Твоего  
Сы́на и Бѹга на́шего ймам заступле́ние; и Твоѣм пречѹдным  
заступле́нием да изба́влюся от вся́кия бе́ды и напа́сти, о пре-  
непоро́чная и пресла́вная Бѹжия Мати́ Мари́е. Те́мже со упо-  
ва́нием глаго́лю и вопию́: ра́дуйся, благода́тная, ра́дуйся, об-  
ра́дованная; ра́дуйся, преблагослове́нная, Го́сподь с Тобо́ю.

# Канон Ангелу Хранителю

## Тропарь, глас 6-й

Ангеле Божий, хранителю мой святы́й, живо́т мой соблюди́ во стра́се Христа́ Бо́га, ум мой утверди́ во и́стиннем пути́, и к любви́ го́рней уязви́ ду́шу мою́, да тобо́ю направля́емь, получи́у от Христа́ Бо́га ве́лию ми́лость.

*Слава, и ныне: Богородичен*

Святáя Влады́чице, Христа́ Бо́га на́шего Ма́ти, я́ко всех Творца́ недоумénно рóждающая, моли́ бла́гость Его́ всегда́, со хранителем мо́им Ангелом, спасти́ ду́шу мою́, страстьми́ одержи́мую, и оставле́ние грехо́в дарова́ти ми.

## Канон, глас 8-й

### Песнь 1

По́йм Го́сподеви, провед́шему лю́ди Сво́я сквозе́ Чермное́ мо́ре, я́ко еди́н сла́вно просла́вился.

*Иисусу: Господи Иисусе Христѣ Боже мой, помилуй мя.*<sup>5</sup>

Песнь воспѣти и восхвалити, Спáсе, Твоего раба достойно сподóби, безплóтному Ангелу, наставнику и хранителю моему.

*Припев: Святый Ангеле Божий, хранителю мой, моли Бога о мне.*

Един аз в неразумии и в лѣности ныне лежѹ, наставниче мой и хранителю, не остави мене погибающа.

*Слава:* Ум мой твоєю молитвою направи, творити ми Божия повелѣния, да получѹ от Бога отдáние грехов, и ненавидети ми злых настави мя, молюся ти.

*И ныне:* Молися, Девѣце, о мне, рабе Твоем, ко Благодáтелю, со хранителем моим Ангелом, и настави мя творити заповѣди Сына Твоего и Творца моего.

## Песнь 3

Ты еси утверждѣние притекающих к Тебѣ, Гóсподи, Ты еси свет омрачѣнных, и поѣт Тя дух мой.

*Святый Ангеле Божий, хранителю мой, моли Бога о мне.*

Все помышлѣние мое и душу мою к тебе возложих, хранителю мой; ты от всякия мя напасти вражия избáви.

*Святый Ангеле Божий, хранителю мой, моли Бога о мне.*

Враг попирает мя, и озлобляет, и поучает всегда творити

---

<sup>5</sup> Тропарь Иисусу Христу только в первой и девятой песнях канона.

своя хотѣнія; но ты, наставниче мой, не остави мене погибающа.

*Слава:* Пети песнь со благодарением и усердием Творцу и Богу даждь ми, и тебе, благому Ангелу хранителю моему: избавителю мой, изми мя от враг озлобляющих мя.

*И ныне:* Исцели, Пречистая, моя многонедужныя струпы, яже в души, прожени враги, иже присно борются со мною.

## Седален, глас 2-й

От любве душевныя вопию ти, хранителю моея души, все-  
святыи мой Ангеле: покрый мя и соблюди от лукаваго лов-  
ления всегда, и к жизни настави небесней, вразумляя и про-  
свещаая и укрепляя мя.

*Слава, и ныне: Богородичен*

Богородице безвестная Пречистая, Яже без семени  
рождши всех Владыку, Того со Ангелом хранителем моим  
моли, избавити ми ся всякаго недоумения, и дати умиление  
и свет души моей и согрешением очищение, Яже едина вско-  
ре заступающи.

## Песнь 4

Услышах, Господи, смотрения Твоего таинство, разумех  
дела Твоя, и прославих Твое Божество.



*Святый Ангеле Божий, хранителю мой, моли Бога о мне.*

Моли Человеколюбца Бога ты, хранителю мой, и не остави мене, но присно в мире житіе мое соблюди и подаждь ми спасение необоримое.

*Святый Ангеле Божий, хранителю мой, моли Бога о мне.*

Яко заступника и хранителя животу моему прием ты от Бога, Ангеле, молю тя, святыи, от всяких мя бед свободи.

*Слава:* Мою скверность твоєю святынею очисти, хранителю мой, и от части шуия да отлучен буду молитвами твоими и причастник славы явлюся.

*И ныне:* Недоумение предлежит ми от обышедших мя зол, Пречистая, но избави мя от них скоро: к Тебе бо единой прибегах.

## Песнь 5

Утренююще вопием Ти: Господи, спаси ны; Ты бо еси Бог наш, разве Тебе иного не вемы.

*Святый Ангеле Божий, хранителю мой, моли Бога о мне.*

Яко имея дерзновение к Богу, хранителю мой святыи, Сего умоли от оскорбляющих мя зол избавити.

*Святый Ангеле Божий, хранителю мой, моли Бога о мне.*

Свете светлый, светло просвети душу мою, наставниче мой и хранителю, от Бога данный ми Ангеле.

*Слава:* Спяща мя зле тяготою греховною, яко бдяща сохрани, Ангеле Божий, и возстави мя на славословие молени-

ем твоим.

*И ныне:* Мари́е, Госпо́же Богоро́дице безневе́стная, на-  
де́ждо верных, вра́жия возноше́ния низложи́, пою́щия же Тя  
возвесели́.

## Песнь 6

Ри́зу мне пода́ждь све́тлу, одея́йся све́том я́ко ри́зою, мно-  
гоми́лостиве Христе́ Бо́же наш.

*Святы́й Ангеле́ Божий, хранителю́ мой, моли́ Бога о мне.*

Всяких мя напа́стей свободи́, и от печа́лей спаси, мо-  
лю́ся ти, святы́й Ангеле, да́нный ми от Бога, храни́телю мой  
до́брый.

*Святы́й Ангеле́ Божий, хранителю́ мой, моли́ Бога о мне.*

Освети́ ум мой, бла́же, и просвети́ мя, молю́ся ти, святы́й  
Ангеле, и мы́сли ти ми по́лезная всегда́ настави́ мя.

*Слава:* Уста́ви сердце́ мое от настоя́щаго мяте́жа, и бде́ти  
укрепи́ мя во бла́гих, хранителю́ мой, и настави́ мя чу́дно к  
тишине живото́ней.

*И ныне:* Слово́ Божие в Тя всели́ся, Богоро́дице, и чело-  
ве́ком Тя показá небесную ле́ствицу; Тобою́ бо к нам Вы́ш-  
ний соше́л есть.

## Кондак, глас 4-й

Явися мне милосѣрд, святыи Ангеле Господень, хранителю мой, и не отлучайся от мене сквернаго, но просвети мя светом неприкосновенным и сотвори мя достойна Царствия Небеснаго.

## Икос

Уничженную душу мою многими соблазны, ты, святыи предстателю, неизреченныя славы небесныя сподоби, и певец с лики безплотных сил Божиих, помилуй мя и сохрани, и помыслы добрыми душу мою просвети, да твоею славою, Ангеле мой, обогащуся, и низложу зломыслящих мне враги, и сотвори мя достойна Царствия Небеснаго.

## Песнь 7

От Иудеи дошедше отроцы, в Вавилоне иногда, верую Троицкою пламень пещный попраша, поюще: отцев Бже, благословен еси.

*Святыи Ангеле Божий, хранителю мой, моли Бога о мне.*

Милостив буди ми и умоли Бога, Господень Ангеле, имео бо ты заступника во всем животѣ моем, наставника же и хра-

нителя, от Бога дарованнаго ми во веки.

*Святый Ангеле Божий, хранителю мой, моли Бога о мне.*

Не остави в путь шествующия души моея окайнные убити разбойником, святыи Ангеле, яже ти от Бога предана бысть непорочно; но настави ю на путь покаяния.

*Слава:* Всю посрамлену душу мою привожу от лукавых ми помысл и дел: но предвари, наставниче мой, и исцеление ми подаждь благими помысли, уклоняти ми ся всегда на правыя стези.

*И ныне:* Премудрости исполни всех и крепости Божественная, Ипостасная Премудросте Вышняго, Богородицы ради, верою вопиющих: отец наших Боже, благословен еси.

## Песнь 8

Царя Небеснаго, Егже поют вси ангельстии, хвалите и превозносите во вся веки.

*Святый Ангеле Божий, хранителю мой, моли Бога о мне.*

От Бога посланный, утверди живот мой, раба твоего, преблагий Ангеле, и не остави мене во веки.

*Святый Ангеле Божий, хранителю мой, моли Бога о мне.*

Ангела тя суща блага, души моея наставника и хранителя, преблагенне, воспеваю во веки.

*Слава:* Буди ми покров и забрало в день испытания всех человек, вонже огнем искушаются дела благая же и злая.

*И ныне:* Буди ми помощница и тишина, Богородице Прис-

нодево, рабу Твоему, и не остави мене лишѣна быти Твоего владычества.

## Песнь 9

Войстинну Богородицу Тя исповѣдуем, спасѣннии Тобѡю, Дѣво Чистая, с безплѣтными лики Тя величающе.

*Господи Иисусе Христе Боже мой, помилуй мя.*

Помилуй мя, еди́не Спа́се мой, я́ко ми́лостив еси́ и ми́лосѣрд, и пра́ведных ликѡв сотвори мя прича́стника.

*Святы́й Ангеле Божий, хранителю мой, моли Бога о мне.*

Мы́сли ми при́сно и творѣти, Господень Ангеле, благая́ и полѣзная да́руй, я́ко си́льна яви́ в не́мощи и непоро́чна.

*Слава:* Яко имея дерзнове́ние к Царю Небесному, Того моли́, с прочими безплѣтными, поми́ловати мя окаяннаго.

*И ныне:* Много дерзнове́ние иму́щи, Дѣво, к Вопло́щшемуся из Тебе, преложи́ мя от уз и разрешение ми подаждь и спасение, моли́твами Твоими.

## Молитва Ангелу хранителю

Ангеле Христо́в святы́й, к тебе припада́я молюся, хранителю мой святы́й, прида́нный мне на соблюде́ние души и телу моему грешному от святаго креще́ния, аз же своею лени́остию и своим злым обычаем прогнѣвах твою пречистую светлость

и отгнахъ ты отъ себе всеми студными дѣлы: лжѣми, клеветѣми, завистию, осужденіемъ, презорствомъ, непокорствомъ, братоненавидѣніемъ, и злопомненіемъ, сребролюбіемъ, прелюбодеянніемъ, яростию, скупостию, объяденіемъ безъ сытости и опивствомъ, многоглаголаніемъ, злыми помысли и лукавыми, гордымъ обычаемъ и блуднымъ возбешеніемъ, имый самохотѣние на всякое плотское вожделѣние. О, злое мое произволѣние, егѣже и скѣти безсловеснии не творятъ! Да како возмѣжеша воззрѣти на мя, или приступити ко мнѣ, аки псу смердящему? Которыма очима, Ангеле Христовъ, воззриши на мя, оплѣтшася зле во гнѣсныхъ дѣлахъ? Да како ужѣ возмогу отпущенія просити горькимъ и злымъ моимъ и лукавымъ дѣяніемъ, в ѣже впадаю по вся дни и нѣщи и на всякъ часъ? Но молюся ти припадаю, хранителю мой святыи, умилосердися на мя грешнаго и недостойнаго раба твоего (*имя*), буди ми помощникъ и заступникъ на злаго моего сопротивника, святыми твоими молитвами, и Царствия Божія причастника мя сотвори со всеми святыми, всегда, и ныне и присно и во веки вековъ. Аминь.

# **Акафист сладчайшему Господу нашему Иисусу Христу**

## **Кондак 1**

Возбранный Воеводо и Господи, а́да победителю, я́ко изба́влься от вѣчныя смерти, похва́льная воспису́ю Ти, со-зда́ние и раб Твой; но я́ко имѣяй милосѣрдие неизрече́нное, от всяких мя бед свободи́, зову́ща: Иису́се, Сы́не Бо́жий, по-ми́луй мя.

## **Икос 1**

Ангелов Тво́рче и Господи сил, отве́рзи ми недоуме́нный ум и язык на похвалу́ пречи́стаго Твоего́ и́мене, я́коже глухо́му и гугнѣвому дре́вле слух и язык отве́рзл еси́, и глаго́лаше зовы́й таковы́я: Иису́се пречу́дный, Ангелов удивление; Иису́се преси́льный, прародите́лей избавле́ние. Иису́се пресла́дкий, патриархов велича́ние; Иису́се пресла́в-ный, ве́рных укрепле́ние. Иису́се прелюби́мый, проро́ков ис-полне́ние; Иису́се предивный, му́чеников кре́посте. Иису́се прети́хий, мона́хов ра́досте; Иису́се премі́лостивый, пре-сви́теров сла́досте. Иису́се премилосе́рдый, по́стников воз-

держание; Иисусе пресладостный, преподобных радование. Иисусе пречестный, девственных целомудрие; Иисусе предвечный, грешников спасение. Иисусе, Сыне Божий, помилуй мя.

## Кондак 2

Видя вдовицу зельне плачущую, Господи, якоже тогда умилосердився, сына ея на погребение несома воскресил еси: сице и о мне умилосердися, Человеколюбче, и грехами умерщвленную мою душу воскреси, зовущую: Аллилуиа.

## Икос 2

Разум неуразуменный разумети Филипп ища, Господи, покажи нам Отца, глаголаше; Ты же к нему: толикое время сый со Мною, не познал ли еси, яко Отец во Мне, и Аз во Отце есмь? Темже, Неизследованне, со страхом зову Ти: Иисусе, Боже предвечный; Иисусе, Царю пресильный. Иисусе, Владыко долготерпеливый; Иисусе, Спасе премилостивый. Иисусе, хранителю мой преблагий; Иисусе, очисти грехи моя. Иисусе, отыми беззакония моя; Иисусе, отпусти неправды моя. Иисусе, надеждо моя, не остави мене; Иисусе, помощниче мой, не отрини мене. Иисусе, Создателю мой, не забуди мене; Иисусе, Пастырю мой, не погуби мене. Иисусе,



Сыне Божий, помилуй мя.

## Кондак 2

Силою свѣше апостолы облекій, Иисусе, во Иерусалиме седящія, облецы и менѣ, обнажённаго от всякаго благотворѣния, теплотою Духа Святаго Твоего, и даждь ми с любовію пѣти Тебе: Аллилуѣа.

## Икос 3

Имѣяй богатство милосердія, мытарі и грѣшники, и неvěрныя призвал еси, Иисусе; не презри и менѣ ныне, подобнаго им, но яко многоцѣнное міро, приими песнь сию: Иисусе, сіло непобѣдимая; Иисусе, милосте безконечная. Иисусе, красото пресвѣтлая; Иисусе, любы неизреченная. Иисусе, Сыне Бога Живаго; Иисусе, помилуй мя грешнаго. Иисусе, услыши мя, в беззаконіих зачатаго; Иисусе, очисти мя, во гресѣх рождѣннаго. Иисусе, научи мя непотребнаго; Иисусе, освети мя тѣмнаго. Иисусе, очисти мя сквернаго; Иисусе, возведи мя блуднаго. Иисусе, Сыне Божий, помилуй мя.

## Кондак 4

Бўрю внутрь имѣяй помышлѣний сумнѣтельныхъ, Петр утопаше; узрѣв же во плоти Тя суща, Иисусе, и по водамъ ходяща, позна Тя Бога истиннаго, и руку спасения получив, рече: Аллилуѣа.

## Икос 4

Слыша слепый мимоходяща Тя, Господи, путѣмъ, вопиѣше: Иисусе, Сыне Давидовъ, помилуй мя! И, призвавъ, отвѣрзл еси очи его. Просвети убо милостию Твоею очи мысленныя сердца и мене, вопиюща Ти и глаголюща: Иисусе, вышнихъ Создателю; Иисусе, нижнихъ Искупителю. Иисусе, преисподнихъ потребителю; Иисусе, всея твари украсителю. Иисусе, души моея утешителю; Иисусе, ума моего просветителю. Иисусе, сердца моего весѣлие; Иисусе, тела моего здравие. Иисусе, Спасе мой, спаси мя; Иисусе, свете мой, просвети мя. Иисусе, муки всякия избави мя; Иисусе, спаси мя недостойнаго. Иисусе, Сыне Божий, помилуй мя.

## Кондак 5

Боготочною Крѣвию якоже искупил еси нас древле от за-

кѡнныя клятвы, Иисусе, сѣе измѣ нас от сѣти, ёюже змѣ запѣ ны страстѣмѣ плотскѣмѣ, и блудным наваждѣнием, и злым уныніем, вопіющія Ти: Аллилуѣа.

## Икос 5

Видѣвше ѡтроцы еврейстѣи во ѡбразѣ человѣчестѣм Со-  
здавшаго рукою человека, и Владыку разумѣвше Его, пот-  
щѣшася вѣтвѣмѣ угодѣти Ему, осѣнна вопіюще. Мы же  
песнь принѡсим Ти, глаголюще: Иисусе, Боже ѣстинный;  
Иисусе, Сыне Давѣдов. Иисусе, Царю преслѣбный; Иисусе,  
Агнче непорѡбный. Иисусе, Пѣстырю предѣбный; Иисусе,  
хранѣтелю во млѣдѡсти моеѣ. Иисусе, кормѣтелю во юбѡсти  
моеѣ; Иисусе, похвалѡ в стѣрѡсти моеѣ. Иисусе, надѣждѡ в  
смерти моеѣ; Иисусе, животѣ по смерти моеѣ. Иисусе, уте-  
шѣние мое на суде Твоѣм; Иисусе, желѣние мое, не посрамѣ  
менѣ тогда. Иисусе, Сыне Божѣй, помилуй мя.

## Кондак 6

Проповѣдник богѡнѡсных вѣщѣние и глаголы исполнѣя,  
Иисусе, на землѣ ѣвльсѣ и с человѣки Невместѣбый пожѣл  
есѣ, и болѣзѣи наша подѣял есѣ, отнѣдуже ранами Твоѣмѣ  
мы исцелѣвше, пѣти навѣкохѡм: Аллилуѣа.

## Икос 6

Возсия вселенней просвещение истины Твоя, и отгнася лесь бесовская: идоли бо, Спасе наш, не терпяще Твоя крепости, падоша. Мы же, спасение получивше, вопием Ти: Иисусе, истинно, лесь отгоняющая; Иисусе, свете, превышший всех светлостей. Иисусе, Царю, пременяяй всех крепости; Иисусе, Боже, пребываяй в милости. Иисусе, Хлебе животный, насыти мя алчущаго; Иисусе, источниче разума, напои мя жаждущаго. Иисусе, одеждо веселия, одеи мя тленного; Иисусе, покрове радости, покрый мя недостойнаго. Иисусе, подателю просящим, даждь ми плач за грехи моя; Иисусе, обречение ищущим, обрящи душу мою. Иисусе, отверзителю толкущим, отверзи сердце мое окаянное; Иисусе, Искупителю грешных, очисти беззакония моя. Иисусе, Сыне Божий, помилуй мя.

## Кондак 7

Хотя сокровенную тайну от века открыти, яко овча на заклание веден был еси, Иисусе, и яко агнец прямо стригущаго его безгласен, и яко Бог из мертвых воскресл еси, и со славою на небеса вознеслся еси, и нас совоздвигл еси, зовущих: Аллилуиа.

## Икос 7

Дивную показá тварь, явлéйся Творец нам: без сéмене от Девы воплотíся, из грóба, печáти не руши́в, воскрéсе, и ко апóстолом, двéрем затворéнным, с плóтию вни́де. Тёмже чудя́щаяся, воспойм: Иисусе, Сло́ве необы́менный; Иисусе, Сло́ве несогладáемый. Иисусе, си́ло непости́жимая; Иисусе, му́дросте недомы́слимая. Иисусе, Божество неопи́санное; Иисусе, госпóдство неисчётное. Иисусе, ца́рство непобедíмое; Иисусе, влады́чество безконéчное. Иисусе, крéпосте высочáйшая; Иисусе, вла́сте вечная. Иисусе, Тво́рче мой, уще́дри мя; Иисусе, Спа́се мой, спаси́ мя. Иисусе, Сыне Божий, помилуй мя.

## Кондак 8

Стра́нно Бога вочеловéчшася ви́дяще, устрани́мся суетнаго ми́ра и ум на Божéственная возложим. Сего бо ради Бог на зéмлю снiде, да нас на небеса́ возведёт, вопию́щих Ему: Аллилу́иа.

## Икос 8

Весь бе в ни́жних, и вы́шних ника́коже отступи́ Неис-

чѣтнѣй, егда волею нас ради пострада, и смертию Своею нашу смерть умертви, и воскресением животи дарова поющим: Иисусе, сладосте сердечная; Иисусе, крепосте телесная. Иисусе, светлосте душевная; Иисусе, быстрото умная. Иисусе, радости совестная; Иисусе, надеждо известная. Иисусе, памяти предвечная; Иисусе, похвало высокая. Иисусе, славо моя превознесенная; Иисусе, желание мое, не отрини мене. Иисусе, Пастырю мой, взыщи мене; Иисусе, Спасе мой, спаси мене. Иисусе, Сыне Божий, помилуй мя.

## Кондак 9

Все естество ангельское безпрестани славит пресвятое имя Твое, Иисусе, на небеси, Свят, Свят, Свят, вопиюще; мы же грешнии на земли бранными устнами вопием: Аллилуиа.

## Икос 9

Ветия многовещанная якоже рыбы безгласныя видим о Тебе, Иисусе, Спасе наш: недоумеют бо глаголати, како Бог непреложный и человек совершенный пребываеши? Мы же таинству дивящися, вопием верно: Иисусе, Боже предвечный; Иисусе, Царю царствующих. Иисусе, Владыко владеющих; Иисусе, Судие живых и мертвых. Иисусе, надеждо ненадежных; Иисусе, утешение плачущих. Иисусе, славо

нищих; Иисусе, не осуди мя по делом моим. Иисусе, очисти мя по милости Твоей; Иисусе, отжени от мене уныние. Иисусе, просвети моя мысли сердечныя; Иисусе, даждь ми память смертную. Иисусе, Сыне Божий, помилуй мя.

## Кондак 10

Спасти хотя мир, Восточе востоком, к темному западу — естеству нашему пришед, смирился еси до смерти; темже превознесся имя Твое паче всякаго имени, и от всех колен небесных и земных слышиши: Аллилуиа.

## Икос 10

Царю Превечный, Утешителю, Христэ истинный, очисти ны от всякия скверны, якоже очистил еси десять прокаженных, и исцели ны, якоже исцелил еси сребролюбивую душу Закхеа мытаря, да вопием Ти, во умилении зовуще: Иисусе, сокровище нетленное; Иисусе, богатство неистощимое. Иисусе, пище крепкая; Иисусе, питие неисчерпаемое. Иисусе, нищих одевание; Иисусе, вдов заступление. Иисусе, сирых защитниче; Иисусе, труждающихся помощи. Иисусе, странных наставниче; Иисусе, плавающих кормчий. Иисусе, бурных отишие; Иисусе Боже, воздвигни мя падшаго. Иисусе, Сыне Божий, помилуй мя.

## Кондак 11

Пение всеумилѣнное приношѹ Ти недостойный, вопиѹ Ти яко хананѣа: Иисусе, помилуй мя; не дочь бо, но плоть ѿмам, страстьми люте бесящуюся и яростию палимую, и исцелѣние даждь вопиюще Ти: Аллилуѣа.

## Икос 11

Светоподательна светильника сѹщим во тьме неразѹмѣя, прѣжде гонѣй Тя Павел, богоразѹмнаго гласа силу внуши и душевную быстротѹ уясни; сѣе и мене тѣмныя зѣницы душевныя просвети, зовѹща: Иисусе, Царѹ мой прекрѣпкий; Иисусе, Боже мой пресильный. Иисусе, Господи мой пребезсмертный; Иисусе, Создателю мой преславный. Иисусе, Наставниче мой предобрый; Иисусе, Пастырю мой прещедрый. Иисусе, Владыко мой премилостивый; Иисусе, Спасе мой милосердый. Иисусе, просвети моя чѹвствия, потемненная страстьми; Иисусе, исцели мое тело, острупленное грехми. Иисусе, очисти мой ум от помыслов сѹетных; Иисусе, сохрани сердце мое от похотей лукавых. Иисусе, Сыне Божий, помилуй мя.



## Кондак 12

Благодать подаждь ми, всех долгов решителю, Иисусе, и приими мя кающася, якоже приял еси Петра, отвергшаго Тебе, и призови мя унывающего, якоже древле Павла, гоняща Тя, и услыши мя, вопиюща Ти: Аллилуиа.

## Икос 12

Поюще Твое вочеловечение, восхваляем Тя вси, и веруем со Фомою, яко Господь и Бог еси, седяй со Отцем и хотяй судити живым и мертвым. Тогда убо сподоби мя деснаго стояния, вопиющаго: Иисусе, Царю предвечный, помилуй мя; Иисусе, цвете благовонный, облагоухай мя. Иисусе, тепло-то любимая, огрей мя; Иисусе, храме предвечный, покрый мя. Иисусе, одеждо светлая, украси мя; Иисусе, бисере честный, осияй мя. Иисусе, камению драгий, просвети мя; Иисусе, солнце правды, освети мя. Иисусе, свете святой, облистай мя; Иисусе, болезни душевные и телесныя избави мя. Иисусе, из руки сопротивныя изми мя; Иисусе, огня негасимаго и прочих вечных мук свободи мя. Иисусе, Сыне Божий, помилуй мя.

## Кондак 13

О, пресладкий и всещедрый Иисусе! Приими ныне малое моление сие наше, якоже приял еси вдовицы две лепте, и сохрани достояние Твое от враг видимых и невидимых, от нашествия иноплемённик, от недуга и глада, от всякия скорби и смертоносныя раны, и грядущия изми муки всех, вопиющих Ти: Аллилуиа. *(Трижды)*

## Икос 1

Ангелов Творче и Господи сил, отверзи ми недоумённый ум и язык на похвалу пречистаго Твоего имени, якоже глухому и гугнивому древле слух и язык отверзл еси, и глаголаше зовыйи таковая: Иисусе пречудный, Ангелов удивление; Иисусе пресильный, прародителей избавление. Иисусе пресладкий, патриархов величание; Иисусе преславный, верных укрепление. Иисусе прелюбимый, пророков исполнение; Иисусе предивный, мучеников крепость. Иисусе претихий, монахов радость; Иисусе премилостивый, пресвитеров сладость. Иисусе милосердый, постников воздержание; Иисусе пресладостный, преподобных радование. Иисусе пречестный, девственных целомудрие; Иисусе предвечный, грешников спасение. Иисусе, Сыне Божий, помилуй

мѧ.

## Кондак 1

Возбранный Воеводо и Господи, а́да победителю, ꙗко избавлься от вѣчныя смерти, похвѣльная восписую Ти, создание и раб Твой; но ꙗко имѣѧй милосѣрдие неизречѣнное, от всяких мѧ бед свободи, зовуща: Иисусе, Сыне Божий, помилуй мѧ.

## Молитва

Владыко Господи Иисусе Христѣ, Боже мой, Иже неизречѣннаго ради Твоего человеколюбія на конецъ вѣковъ во плоть оболкийся от Приснодевы Марии, сла́влю о мнѣ Твое спасительное промыслѣние, раб Твой, Владыко; песнослѣвлю Тя, ꙗко Тебе ради Отца познахъ; благословлю Тя, Егѡже ради и Дух Святы́й в мир прииде; покланѧюся Твоей по плоти Пречистей Матери, тако́вѣй стра́шней тайне послужившей; восхваляю Твоя Ангельская ликостоя́нія, ꙗко воспѣватели и служители Твоего величества; ублажаю Предтечу Иоанна, Тебе крестившаго, Господи; почитаю и провозвестившия Тя проро́ки, прославляю апѡстолы Твоя святы́я; торжествую же и мученики, священники же Твоя сла́влю; покланѧюся преподобнымъ Твоимъ, и вся Твоя прѣведники пѣстунствую. Та-

коваго и толикаго многаго и неизреченнаго лика Божественнаго в молитву привожу Тебе, всещедрому Богу, раб Твой, и сего ради прошу моим согрешением прощения, еже даруй ми всех Твоих ради святых, изряднее же святых Твоих щедрот, яко благословен еси во веки. Аминь.

# Акафист Пресвятой Богородице

## Кондак 1

Взбранной Воеводе победительная, яко избавльшеся от злых, благодарственная восписуем Ти раби Твои, Богородице; но яко имущая державу непобедимую, от всяких нас бед свободи, да зовем Ти: радуйся, Невесто Неневестная.

## Икос 1

Ангел предстатель с небес послан бысть рещи Богородице: радуйся, и со безплотным гласом воплощаема Тя зря, Господи, ужасашеся и стояше, зовый к Ней таковая: Радуйся, Еюже радость возсияет; радуйся, Еюже клятва исчезнет. Радуйся, падшаго Адама воззвание; радуйся, слез Евиных избавление. Радуйся, высоту неудобовосходимая человеческими помысли; радуйся, глубино неудобозримая и ангельскими очима. Радуйся, яко еси Царёво седилище; радуйся, яко носиши Носящего вся. Радуйся, Звездб, являющая Солнце; радуйся, утробо Божественного воплощения. Радуйся, Еюже обновляется тварь; радуйся, Еюже поклоняемся Творцу. Радуйся, Невесто Неневестная.

## Кондак 2

Видящи Святая Себе в чистотѣ, глаголетъ Гавриилу дерзостно: преслѣвное твоего гласа неудобоприятельно души моей является: безсѣменнаго бо зачатія рождество како глаголеши, зовый: Аллилуѳа.

## Икос 2

Разум недоразумеваемый разумѣти Дѣва ищущи, возопи къ служащему: изъ боку чисту, Сыну како есть родитися мѣщно, рцы Ми? Къ Нейже онъ рече со страхомъ, обаче зовый сѣце: Радуйся, совѣта неизреченнаго Тайннице; радуйся, молчания просящихъ вѣро. Радуйся, чудесъ Христовыхъ начало; радуйся, велѣний Его главѣзно. Радуйся, лѣствице небесная, Еюже снѣде Богъ; радуйся, мѣсте, преводяй сущихъ отъ земли на небо. Радуйся, Ангеловъ многословущее чудо; радуйся, бесѣдовъ многоплачевное поражение. Радуйся, Свет неизреченно родившая; радуйся, еже како, ни единого же научившая. Радуйся, премудрыхъ превосходящая разумъ; радуйся, верныхъ озаряющая смыслы. Радуйся, Невесто Невѣстная.

## Кондак 3

Сїла Вы́шняго осení тогда к зачáтию Браконеиску́сную,  
и благоплóдная То́я ложесна́, я́ко селó показá сладкое, всем  
хотя́щим жа́ти спасéние, внегда́ пéти сїце: Аллилу́иа.

## Икос 3

Иму́щи Богоприятную́ Дева утрóбу, востече́ ко Елиса-  
вѣти: младéнец же о́ноя áбие позна́в Сея́ целова́ние, ра́до-  
вашеся, и игра́ньми я́ко пёсньми вопия́ше к Богородице:  
Радуйся, о́трасли неувяда́емая розго́; радуйся, Плода́ без-  
сме́ртнаго стяжа́ние. Радуйся, Де́лателя де́лающая Члове-  
колю́бца; радуйся, Сади́теля жизни на́шея ро́ждшая. Радуй-  
ся, нїво, растя́щая гобзова́ние щедро́т; радуйся, трапéзо, но-  
ся́щая оби́лие очище́ния. Радуйся, я́ко рай пи́щный процве-  
та́еши; радуйся, я́ко приста́нище душáм гото́виши. Радуйся,  
приятное моли́твы кади́ло; радуйся, всего́ мира очищение.  
Радуйся, Божие к смертным благово́ление; радуйся, смерт-  
ных к Богу дерзнове́ние. Радуйся, Невесто́ Неневéстная.

## Кондак 4

Бу́рю внутрь имéя помышлéний сумнїтельных, целомуд-

ренный Иѡсиф смятѣся, к Тебѣ зря небрачней, и бракоокрадованную помышляя, Непорочная; увѣдев же Твое зачатіе от Духа Свята, рече: Аллилуѡа.

## Икос 4

Слышаша пастырие Ангелов поющих плотское Христово пришествіе, и текше яко к Пастырю видят Сего яко агнца непорочна, во чреве Маріине упасшася, Юже поюще реша: Радуйся, Агнца и Пастыря Мати; радуйся, дворе словесных овец. Радуйся, невидимых врагов мучение; радуйся, райских дверей отверзение. Радуйся, яко небесная срадуются земным; радуйся, яко земная сликовствуют небесным. Радуйся, апостолов немолчная уста; радуйся, страстотерпцев непобедимая дерзосте. Радуйся, твердое веры утверждение; радуйся, светлое благодати познание. Радуйся, Еюже обнажися ад; радуйся, Еюже облекомся славою. Радуйся, Невесто Невестная.

## Кондак 5

Боготечную звезду узревше волсви, тоя последоваша зари, и яко светильник держаще ю, тою испытаху крепкаго Царя, и достигше Непостижимаго, возрадовашася, Ему вопиюще: Аллилуѡа.



## Икос 5

Видеша отроцы халдейстии на руку Девичу Создавшаго рукама человеки, и Владыку разумевающе Его, аще и рабий прият зрак, потщашася дарми послужити Ему, и возопити Благословенней: Радуйся, Звезды незаходимыя Мати; радуйся, заре таинственного дне. Радуйся, прелести пещь угасившая; радуйся, Троицы тайнники просвещающая. Радуйся, мучителя безчеловечнаго изметающая от начальства; радуйся, Господа Человеколюбца показавшая Христа. Радуйся, варварскаго избавляющая служения; радуйся, тимения изымающая дел. Радуйся, огня поклонение угасившая; радуйся, пламене страстей изменяющая. Радуйся, верных наставнице целомудрия; радуйся, всех родов веселие. Радуйся, Невесто Невестная.

## Кондак 6

Проповедницы богоноснии бывше волсви, возвратишася в Вавилон, скончавше Твое пророчество, и проповедавшие Тя Христа всем, оставиша Ирода яко буесловна, не ведуща пети: Аллилуиа.

## Икос 6

Возсіявый во Египте просвещёние истины, отгна́л еси́ лжи тьму: идоли бо его, Спасе, не терпя́ще Твоея́ крёпости, падо́ша, сих же изба́вльшиися вопия́ху к Богородице: Радуйся, исправле́ние человеков; радуйся, низпаде́ние бесов. Радуйся, преле́сти держа́ву попра́вшая; радуйся, идо́льскую лесть обличи́вшая. Радуйся, мо́ре, потопи́вшее фа́раона мы́сленнаго; радуйся, ка́меню, напои́вший жа́ждущия жизни. Радуйся, о́гненный сто́лпе, наставля́яй су́щия во тьме; радуйся, покрове́ ми́ру, ши́рший о́блака. Радуйся, пи́ще, ма́нны прие́мнице; радуйся, сла́дости святы́я служите́льнице. Радуйся, землё́ обетова́ния; радуйся, из нея́же течёт мед и млеко́. Радуйся, Невесто́ Неве́стная.

## Кондак 7

Хотя́щу Симео́ну от ны́нешняго ве́ка предста́виться пре́ле́стнаго, вда́лся еси́ я́ко младе́нец то́му, но позна́лся еси́ ему́ и Бог соверше́нный. Темже удиви́ся Твоей неизрече́нной премудро́сти, зовый: Аллилу́иа.

## Икос 7

Нóвую показá тварь, явлься Зиждитель нам от Него бывшим, из безсѣменныхъ прозяб утрóбы, и сохранив Ю, якоже бе, нетлѣнну, да чудо видяще, воспоим Ю, вопиюще: Радуйся, цвѣте нетлѣния; радуйся, вѣнче воздержанія. Радуйся, воскресѣнія образ облистающая; радуйся, ангельское житіе являющая. Радуйся, древо светлоплодовитое, от негоже питаются вернии; радуйся, древо благосеннолиственное, имже покрываются мнози. Радуйся, во чреве носящая Избáвителя пленѣнным; радуйся, рóбдшая Настáвника заблúждшим. Радуйся, Судий прáведнаго умолѣние; радуйся, многих согрешений прощенье. Радуйся, одѣждо нагíх дерзновѣнія; радуйся, любы, всякое желаніе побеждающая. Радуйся, Невесто Неневѣстная.

## Кондак 8

Стáнное рождество видевши, устрани́мся мíра, ум на небеса прелóжше: сего бо рáди высокій Бог на земли явísя смиренный человек, хотáй привлéщи к высоте Тому вопиющія: Аллилу́иа.

## Икос 8

Весь бе в нѣжных и вышних никакоже отступѣи неопѣсанное Слово: снѣзхождѣние бо Божѣственное, не прехождѣние же мѣстное бысть, и рождество от Девы Богопрѣятная, слышащая сия: Радуйся, Бога невместимаго вместилище; радуйся, честнаго таинства двѣри. Радуйся, неверных сумнительное слышание; радуйся, верных извѣстная похвало. Радуйся, колеснице пресвятая Сущаго на Херувимех; радуйся, селѣние преславное Сущаго на Серафимех. Радуйся, противная в тожде собравшая; радуйся, дѣвство и рождество сочетавшая. Радуйся, Еюже разрешися преступлѣние; радуйся, Еюже отвѣрзся рай. Радуйся, ключу Царствия Христова; радуйся, надеждо благ вечных. Радуйся, Невесто Невѣстная.

## Кондак 9

Всякое естество ангельское удивися великому Твоего во-человѣчения дѣлу: неприступнаго бо яко Бога, зряще всем приступнаго Человека, нам убо спребывающа, слышаща же от всех: Аллилуѣа.

## Икос 9

Ветія многовещанныя, яко рыбы безгласныя видим о Тебе, Богородице, недоумевают бо глаголати, еже како и Дева пребываеши, и родити возмогла еси. Мы же, таинству дивящися, верно вопием: Радуйся, премудрости Божия приятелище; радуйся, промысления Его сокровище Радуйся, любомудрая немудрая являющая; радуйся, хитрословесныя безсловесныя обличающая. Радуйся, яко обуяша лютии взыскателе; радуйся, яко увядоша баснотворцы. Радуйся, афинейская плетения растерзающая; радуйся, рыбарския мрежи исполняющая. Радуйся, из глубины неведения извлекающая; радуйся, многи в разуме просвещающая. Радуйся, кораблю хотящих спастися; радуйся, пристанище житейских плаваний. Радуйся, Невесто Невестная.

## Кондак 10

Спасти хотя мир, Иже всех Украситель, к сему самообетован прииде, и Пастырь сый, яко Бог, нас ради явися по нам Человек: подобным бо подобное призвав, яко Бог слышит: Аллилуиа.

## Икос 10

Стенá еси́ дѣвамъ, Богородице Дево, и всемъ к Тебѣ прибегающимъ: и́бо небесѣ и земли Творецъ устрои́ Тя, Пречистая, всѣлся въ утробѣ Твоей, и вся приглашати Тебѣ научи́: Радуйся, столпе́ дѣвства; радуйся, дверь спасения. Радуйся, начальнице́ мысленнаго назда́ния; радуйся, пода́тельница Божественныя бла́гости. Радуйся, Ты бо обновила́ еси́ зачатыя студи́но; радуйся, Ты бо наказала́ еси́ окра́денныя умо́м. Радуйся, глителя́ смысловъ упражня́ющая; радуйся, Сеятеля́ чистоты́ ро́ждшая. Радуйся, черто́же безсе́меннаго уневе́щения; радуйся, верныхъ Го́сподеви сочета́вшая. Радуйся, добрая́ младопита́тельница дѣвамъ; радуйся, невестокраси́тельница душъ святы́х. Радуйся, Невесто́ Неве́стная.

## Кондак 11

Пѣние всякое побежда́ется, спростре́тися тща́щееся ко мно́жеству мно́гихъ щедротъ Твоихъ: равночи́сленныя бо пескá песни́ а́ще прино́симъ Ти, Царю́ Святы́й, ничто́же соверша́емъ достойно, яже далъ еси́ намъ, Тебѣ вопиющимъ: Аллилу́иа.

## Икос 11

Светопріёмную свещу́, сущим во тьме явльшуюся, зрим Святу́ю Деву, невещественный бо вжига́ющи огонь, наставляет к разуму Божественному вся, зарею ум просвеща́ющая, званием же почита́емая, сими: Радуйся, луче́ умнаго Солнца; радуйся, свети́ло незаходи́маго Света. Радуйся, мо́лние, ду́ши просвеща́ющая; радуйся, яко гром врагѣ́и устраша́ющая. Радуйся, я́ко многосвѣтлое возсия́ваеши просвещ́ение; радуйся, я́ко многотеку́щую источа́еши реку́. Радуйся, купѣ́ли живопису́ющая о́браз; радуйся, греховную отъѣмлю́щая сквѣ́рну. Радуйся, бане, омы́вающая со́весть; радуйся, ча́ше, че́рплющая радость. Радуйся, обоня́ние Христо́ва благоуха́ния; радуйся, животѣ́ тайнаго весѣ́лія. Радуйся, Невѣсто Невѣ́стная.

## Кондак 12

Благодать да́ти восхотѣ́в, долго́в дрѣ́вних, всех долго́в Реші́тель челове́ком, прииде́ Собою́ ко отше́дшим Того́ благода́ти, и раздра́в рукописа́ние, слышит от всех сице: Аллилу́иа.

## Икос 12

Поюще Твое Рождество, хва́лим Тя вси, я́ко одушевлѣнный храм, Богородице: во Твоей бо вселѣвся утробѣ содержай вся рукою Господь, освяти, прослави и научи вопіи Тибе всех: Радуйся, селѣние Бога и Слова; радуйся, святая святыхъ бѣлая. Радуйся, ковчѣже, позлащѣнный Духом; радуйся, сокровище живота неистощимое. Радуйся, честный вѣнче царей благочестивых; радуйся, честная похвало иереев благоговѣйных. Радуйся, Цѣркве непоколебимый столп; радуйся, Царствия нерушимая стѣна. Радуйся, Еюже воздвѣжутся побѣды; радуйся, Еюже низпадаютъ врази. Радуйся, тѣла моего врачеваніе; радуйся, души моея спасение. Радуйся, Невесто Невѣстная.

## Кондак 13

О, Всепѣтая Мати, рѣдшая всех святыхъ Святѣйшее Слово! Нынешнее приѣмши приношеніе, от всякаго избави напасти всех, и будущія изми муки, о Тебе вопиющихъ: Аллилу́иа. (Трижды)



## Икос 1

Ангел предста́тель с небесе́ по́слан бысть рещи́ Богородице: ра́дуйся, и со безплóтным гла́сом воплоща́ема Тя зря, Господи, ужаса́шеся и стоя́ше, зовый к Ней такова́я: Радуйся, Еюже радость возсия́ет; радуйся, Еюже кля́тва исче́знет. Радуйся, па́дшаго Ада́ма воззва́ние; радуйся, слез Евиных изба́вление. Радуйся, высотó неудобовосходи́мая челове́ческими по́мыслы; радуйся, глуби́но неудобозри́мая и а́нгельскими очима́. Радуйся, я́ко еси́ Царе́во седа́лище; радуйся, я́ко но́сиши Нося́щаго вся. Радуйся, Звездó, явля́ющая Солнце; радуйся, утробó Божественнаго воплоще́ния. Радуйся, Еюже обновля́ется тварь; радуйся, Еюже поклоня́емся Творцу. Радуйся, Невесто Неве́стная.

## Кондак 1

Взбра́нной Воево́де победи́тельная, я́ко изба́вльшеся от злых, благода́рственная воспису́ем Ти раби́ Твои, Богородице; но я́ко иму́щая держа́ву непобеди́мую, от вся́ких нас бед свободи́, да зове́м Ти: ра́дуйся, Невесто Неве́стная.

## Молитвы

О, Пресвятая Госпоже Владычице Богородице, вы́йши еси́ всех Ангел и Арха́нгел, и всея́ тва́ри честне́йши, помо́щнице еси́ оби́димых, ненаде́ющихся наде́яние, убо́гих засту́пнице, печа́льных утеше́ние, а́лчущих корми́тельнице, наги́х одея́ние, больны́х исцеле́ние, гре́шных спасе́ние, христиан всех поможе́ние и заступле́ние. О, Всеми́лостивая Госпоже́, Дево Богородице Владычице, ми́лостию Твое́ю спаси и помилуй святе́йшия патриа́рхи правосла́вныя, преосвяще́нныя митрополи́ты, архиепи́скопы и епи́скопы и весь свяще́нический и ино́ческий чин, и вся правосла́вныя христиа́ны ри́зою Твое́ю честно́ю зашчи́ти; и умоли́, Госпоже́, из Тебе без се́мене воплоти́вшагося Христа́ Бога нашего, да препоя́шет нас си́лою Свое́ю свы́ше на невиди́мыя и ви́димыя враги́ наша. О, Всеми́лостивая Госпоже Владычице Богородице! Воздвигни нас из глубины́ грехо́вныя и изба́ви нас от гла́да, губи́тельства, от тру́са и пото́па, от огня́ и мечá, от нахожде́ния иноплеме́нных и междоусо́бныя бра́ни, и от напрáсныя сме́рти, и от нападе́ния вра́жия, и от тлетво́рных ветр, и от смертоно́сныя я́звы, и от вся́каго зла. Пода́ждь, Госпоже́, мир и здравие рабо́м Твоим, всем правосла́вным христиа́ном, просвети́ им ум, и о́чи сердечнии, е́же ко спасе́нию; и сподо́би ны, грешны́я рабы́ Твоя, Царств́ия Сы́на Твоего, Христа́ Бога нашего; я́ко держа́ва Его́ благослове́нна и пре-

просла́вленна, со Безнача́льным Его Отце́м, и с Пресвяты́м, и Благі́м, Животворя́щим Его Ду́хом, ныне и присно, и во веки веков. Ами́нь.

О, Пресвята́я Де́во Ма́ти Го́спода, Цари́це Небесе́ и земли! Вонми́ многоболе́зненному воздыха́нию душ на́ших, при́зри с высоты́ святы́я Твоея́ на нас, с верою и любовью покланя́ющихся пречи́стому о́бразу Твоему́. Се бо грехми́ погружа́емии и скорбьми́ обурева́емии, взира́я на Твой образ, я́ко живе́й Ти су́щей с нами, прино́сим смире́нныя моле́ния наша. Не има́мы бо ни ины́я по́мощи, ни ина́го предста́тельства, ни утеше́ния, то́кмо Тебе́, о, Мати всех скорбя́щих и обремене́нных. Помози́ нам немощны́м, утоли́ скорбь нашу, наста́ви на путь пра́вый нас, заблужда́ющих, уврачу́й и спаси безнаде́жных, да́руй нам прѣ́чее время живота́ нашего в мире и тишине проводи́ти, пода́ждь христианскую кончи́ну, и на Стра́шнем Су́де Сына Твоего́ яви́ся нам милосе́рдая Засту́пница, да всегда пое́м, велича́ем и славим Тя, я́ко благо́ую Засту́пницу рода христиа́нскаго, со всеми угоди́вшими Богу. Ами́нь.

# Акафист святителю Николаю

## Кондак 1

Возбранный Чудотворче и изрядный угодниче Христов, миру всему источаяй многоценное милости миро, и неисчерпаемое чудес море, восхваляю тя любовью, святителю Николае: ты же, яко имеяй дерзновение ко Господу, от всяких мя бед свободи, да зову ти: Радуйся, Николае, великий Чудотворче.

## Икос 1

Ангела образом, земнаго суща естеством, яви тебе вся твари Создатель; благоплодную бо доброту души твоея проявив, преблаженне Николае, научи всех вопити тебе ныне: Радуйся, от утробы матерния очищенный; радуйся, даже до конца освященный. Радуйся, рождением своим родителей удививый; радуйся, силу душевную абие по рождестве явивый. Радуйся, саде земли обетования; радуйся, цвете Божественнаго сажения. Радуйся, лозо добродетельная винограда Христова; радуйся, древо чудоточное раи Иисусова. Радуйся, крине райскаго прозябения; радуйся, миро Христо-

ва благоуханія. Радуйся, яко тобою отгѣнится рыданіе; радуйся, яко тобою приносится радование. Радуйся, Никѣлае, великий Чудотворче.

## Кондак 2

Видяще твоих мир излияніе, Богомудре, просвещаемся душами и телесы, дивнаго тя мироточца живонѣсна, Никѣлае, разумѣюще: чудесы бо, яко водами, благодатию Божіею изливающимися, напаяеши верно вопиющих к Богу: Аллилуіа.

## Икос 2

Разум неуразумѣнный вразумляя о Святѣй Троице, был еси в Никѣи со святыми отцы побѣдник исповѣданія православныя вѣры: равна бо Отцу Сына исповѣдал еси, соприсносущна и сопрестѣльна, Ариа же безумнаго обличил еси. Сего ради вѣрнии научишася воспевати тебе: Радуйся, великий благочестія столпе; радуйся, верных прибежища граде. Радуйся, твердое Православія укрѣпленіе; радуйся, честное Пресвятыя Троицы носило и похваленіе. Радуйся, Отцу равночестна Сына проповѣдавый; радуйся, Ариа возбесившагося от Собора святых отгнавый. Радуйся, отче, отцев славноя красото; радуйся, всех богомудрых премудрая доброто.

Радуйся, огненная словеса испущаяй; радуйся, добре стадо свое наставляяй. Радуйся, яко тобою вера утверждается; радуйся, яко тобою ересь низлагается. Радуйся, Николае, великий Чудотворче.

### Кондак 3

Силою, данною ти свыше, слезу всяку отъял еси от лица люте страждущих, богоносе отче Николае: алчущим бо явился еси кормитель, в пучине морстей сущим изрядный правитель, недугующим исцеление, и всем всяк помощник показался еси, вопиющим Богу: Аллилуиа.

### Икос 3

Имеваше воистинну, отче Николае, с небесе песнь тебе воспеваема быти, а не от земли: како бо кто от человек возможет твоея святыни величия проповедати; но мы, любовию твоею побеждаеми, вопием ти сие: Радуйся, образе агнцев и пастырей; радуйся, святое очистилище нравов. Радуйся, добродетелей великих вместилище; радуйся, святыни чистое и честное жилище. Радуйся, светильниче все-светлый и вселюбимый; радуйся, свете златозарный и непорочный. Радуйся, достойный Ангелов собеседниче; радуйся, добрый человек наставниче. Радуйся, правило веры благо-

честівыя; радуйся, образе крѣпости духовныя. Радуйся, яко тобою от страстей телесныхъ избавляемся; радуйся, яко тобою сладостей духовныхъ исполняемся. Радуйся, Никѣлае, великій Чудотворче.

## Кондак 4

Буря недоумения смущаетъ ми умъ, како достойно есть пѣти чудеса твоя, блаженне Никѣлае; никтоже бо можетъ я исчезти, аще бы и многи языки имѣлъ, и глаголати восхотѣлъ; но мы дивно Богу въ тебѣ прославляющемуся дерзаемъ воспѣвати: Аллилуіа.

## Икос 4

Слышаша, богомудре Никѣлае, ближнии и дальнии величіе чудесъ твоихъ, яко по воздуху легкими благодатными крылами навѣклъ еси сущихъ въ бѣдахъ предвѣрѣти, скоро отъ техъ избавляя всехъ, вопиющихъ къ тебѣ таковая: Радуйся, избавленіе отъ печали; радуйся, подаваніе благодати. Радуйся, нечаемыхъ золъ прогонителю; радуйся, желаемыхъ благихъ насадителю. Радуйся, скорый утѣшителю въ бѣдѣ сущихъ; радуйся, страшный наказателю обидящихъ. Радуйся, чудесъ пучино Богомъ излиянная; радуйся, закона Христова скрижали Богомъ писанныя. Радуйся, крепкое падающихъ возведеніе; радуй-

ся, право стоящих утверждение. Радуйся, яко тобою всякая лесь обнажается; радуйся, яко тобою всякая истина сбывается. Радуйся, Никóлае, великий Чудотворче.

## Кондак 5

Боготéчная звезда явился еси, наставляя по мóрю плавающих люте, имже смерть предстояще вскоре иногда, áще не бы ты предстал еси призывающим тя в помощь, Чудотворче святой Никóлае; уже бо нестыдно бесом летающим, и погрузѣти корабли хотящим запретив, отгна́л еси их, верныя же научил еси спасающему тобою Богу взывати: Аллилу́иа.

## Икос 5

Видеша отроковицы, на брак скверный нищеты ради уготованныя, великое твоё к нищим милосердие, преблагённое óтче Никóлае, егда старцу родителю их нóщию узельцы три злата таяся подал еси, самаго со дщёрьми избавляя от падения греховнаго. Того ради слышиши от всех сѣце: Радуйся, милости превеликия сокровище; радуйся, промысления о людех приятелище. Радуйся, пище и отрадо к тебе прибегающих; радуйся, хлебе неснедаемый алчущих. Радуйся, богатство бедне живущим на земли, Богом данное; радуйся, воздвижение скорое убогих. Радуйся, быстрое нищих



услы́шание; радуйся, скорбящих приятное попече́ние. Радуйся, три́ех дев непоро́чный невестите́лю; радуйся, чистоты́ усердный храните́лю. Радуйся, ненаде́жных наде́яние; радуйся, всего́ мира наслажде́ние. Радуйся, Нико́лае, великий Чудотво́рче.

## Кондак 6

Пропове́дует мир весь тебе, преблаже́нне Нико́лае, ско́раго в беда́х засту́пника: я́ко мно́гажды во еди́ном часе́, по земли́ путеше́ствующим и по мо́рю пла́вающим, предва́ряя, по́собо́вуеши, ку́пно всех от злых сохра́няя, вопию́щих к Богу: Аллилу́иа.

## Икос 6

Возсия́л еси́ свет живото́ный, избавле́ние нося́ воево́дам, непра́ведную смерть при́яти иму́щим, тебе, добрый па́стырю Нико́лае, призы́вающим, егда́ вско́ре я́вляся во сне ца́реви, устраши́л еси́ его, сих же неврежде́нных отпу́стити повеле́л еси́. Сего́ ради с ни́ми ку́пно и мы благода́рствен­но вопие́м ти: Ра́дуйся, усердно призы́вающим тя помога́яй; радуйся, от непра́веднаго уби́ения избавля́яй. Радуйся, от ле́стных сохра́няяй клеветы́; радуйся, непра́ведныя разруша́яй сове́ты. Радуйся, растерза́яй лжу́ я́ко пау́чину; радуйся,

возношáяй сла́вно и́стину. Радуйся, непови́нных от уз разре-  
ше́ние; ра́дуйся, и мертвеце́в оживле́ние. Радуйся, проявите-  
лю правды; радуйся, помрачи́телю неправды. Радуйся, я́ко  
тобою непови́ннии изба́влени от мечá; радуйся, я́ко тобою  
наслади́шася света. Радуйся, Нико́лае, великий Чудотво́рче.

## Кондак 7

Хотя́ богоху́льное ерети́ческое отгна́ти злосмра́дие, ми́ро  
войсти́нну благово́нное, та́инственное яви́лся еси́, Нико́лае:  
люди ми́ре́йския упáсл еси́, и весь мир своим благода́тным  
ми́ром испо́лнил еси́. И от нас убо богоме́рзкое греховное  
злосмра́дие отжени́, да благополу́чно Богу вопи́ем: Алли-  
лу́иа.

## Икос 7

Но́ваго тя Но́я, наста́вника ковче́га спаси́тельного разу-  
ме́ем, о́тче святы́й Нико́лае, бу́рю всех лю́тых разгоня́ю-  
щего напра́влением своим, ти́шину́ же Божество́нную при-  
нося́щаго вопи́ющим тако́вая: Радуйся, обуре́ваемых тихое  
приста́нище; радуйся, утопа́ющих изве́стное храни́лище. Ра-  
дуйся, пла́вающих посреде́ пучи́н добрый ко́рмчий; радуйся,  
треволне́ния морска́я уставля́ющий. Радуйся, превожде́ние  
сущих в вих́рах; радуйся, согр́яние сущих во мра́зах. Радуй-

ся, сияние, скорбный мрак разгоняющее; радуйся, светило, вся концы земли просвещающее. Радуйся, от бездны греховныя человеки избавляяй; радуйся, в бездну адскую сатану свергаяй. Радуйся, яко тобою дерзновенно бездну милосердия Божия призываем; радуйся, яко тобою от потопа гнева избавльшися, мир с Богом обретаем. Радуйся, Никóлае, великий Чудотворче.

## Кондак 8

Странное чудо является притекающим к тебе, блаженне Никóлае, священная твоя церковь: в ней бо и малое моление приносяще, велиих недугов приемлем исцеление, аще токмо по Бозе упование на тя возложим, верно вопиюще: Аллилу́иа.

## Икос 8

Весь еси всем воистинну помощник, богонóсе Никóлае, и собрал еси вкупе вся прибегающия к тебе, яко свободитель, питатель и врач скорый всем земным, на похвалу всех подвизая, вопити к тебе сие: Радуйся, всяких исцелений источник; радуйся, люте страждущим помощниче. Радуйся, заре, сияющая в нощи греховной блуждающим; радуйся, росе неботочная в знои трудов сущим. Радуйся, подаваяй

требующим благостроение; радуйся, уготовляяй просящим изобилие. Радуйся, многажды прошение предваряяй; радуйся, старым седи́нам си́лу обновляяй. Радуйся, многих заблуждений от пути истиннаго обличителю; радуйся, таин Божиих верный служителю. Радуйся, яко тобою зависть попира́ем; радуйся, яко тобою благонравное жити́е исправля́ем. Радуйся, Никола́е, великий Чудотворче.

## Кондак 9

Вся́кия утоли́ болѣзни, великий наш заступниче Никола́е: растворя́я благодѣ́тная врачеванія, улажда́ющая ду́ши на́ша, серде́ца же веселя́щая всех усер́дно к по́мощи твоей притека́ющих, Богу же вопию́щих: Аллилу́иа.

## Икос 9

Ветія суемудренныя нечестивых ви́дим тобою посрамленныя, богомудре́ отче Никола́е: Ариа́ бо ху́льника, разделя́юща Божество, и Савѣ́лліа, смеша́юща Святу́ю Троицу, препре́л, нас же во Правосла́вии укрепі́л еси́. Се́го ради вопи́ем ти си́це: Радуйся, щите, защища́яй благоче́стие; радуйся, мечу́, посеца́яй злочестіе. Радуйся, учителю́ Божественных велѣ́ний; радуйся, губителю́ богопротивных уче́ний. Радуйся, лѣствице, Богом утвержде́нная, е́юже

восхóдим к небесѣ; радуйся, покрóве, Богом здáнный, ѣмже покрывáются мнози. Радуйся, немóдрых умудрѣвый твоими словесы; радуйся, ленивых подвигнувый твоими нрáвы. Радуйся, свѣтлосте заповедей Божиих неугасѣмая; радуйся, луче оправдáний Господних пресвѣтлая. Радуйся, яко учѣнием твоим сокрушáются еретѣческия главы; радуйся, яко тобою вѣрнии сподоблѣются слáвы. Радуйся, Никóлае, великий Чудотвóрче.

## Кондак 10

Спасѣти хотѣ дýшу, плоть твою дýхови покорѣи еси во-  
истинну, óтче наш Никóлае: молчáньми бо прѣжде и борѣнь-  
ми с помысли, деянѣю богомыслие приложѣи еси, богомыс-  
лием же рáзум совершѣн стяжал еси, ѣмже дерзновѣнно с  
Богом и Ангелы бесѣдовал еси, всегда вопиýщи: Аллилуѣа.

## Икос 10

Стенá еси похваляýщим, преблаженне, чудеса твоя, и  
всем к заступлѣнию твоему прибегаýщим; тѣмже и нас, в  
добродѣтели убóгих, от нищеты, напасти, недýгов и нужд  
различных свободáй, вопиýщих ти с любовью таковáя: Ра-  
дуйся, от убóжества вечнаго изымáяй; радуйся, богáтство  
нетлѣнное подавáяй. Радуйся, брашно негѣблющее áлчущим

правды; радуйся, питіе неисчерпаемое жаждущим жизни. Радуйся, от мятѣжа и брани соблюдаяй; радуйся, от уз и пленения свободяяй. Радуйся, преслѣвный в бѣдахъ заступниче; радуйся, превеликій в напѣстехъ защитниче. Радуйся, многих от погѣбели исхитивый; радуйся, безчисленныхъ невредѣнно сохранивый. Радуйся, яко тобою лютыя смерти грешнии избегаютъ; радуйся, яко тобою жизнь вечную кающіися получаютъ. Радуйся, Никѡлае, великій Чудотворче.

## Кондак 11

Пѣние Пресвятѣй Троице паче иныхъ принѣсл еси, преблаженне Никѡлае, умомъ, словомъ и деломъ: многѣмъ бо испытаніемъ правотѣрная повелѣнія уяснил еси, вѣрою, надѣждою и любовію наставляя насъ въ Троице Единому Богу воспевати: Аллилуіа.

## Икос 11

Светозѣрную лучу въ мѣщѣ житія сущимъ неугасимую, вѣдимъ тя, Богомъ избранне ѡтче Никѡлае: съ невещественными бо ангельскими свѣты бесѣдуеши о несозданномъ Троическомъ Свѣтѣ, вѣрныхъ же дѣуши просвѣщаеши, вопіющихъ ти таковая: Радуйся, озарѣніе Трисѡлнечнаго свѣта; радуйся, деннице незаходимаго солнца. Радуйся, свеще, Божествен-

ным пламенем возжѣнная; радуйся, яко угасил еси бесовский пламень нечестия. Радуйся, свѣтлое правовѣрія проповѣдание; радуйся, доброзрѣчное света Евѣнгельскаго сияніе. Радуйся, мѳлніе, ереси пожигающая; радуйся, грѳме, устрашающій соблазняющія. Радуйся, истиннаго научителя рѣзума; радуйся, таинственнаго изьявителю ума. Радуйся, яко тобою попрася поклонѣніе твари; радуйся, яко тобою научихомся поклонѣтисѣ Творцу в Трѳице. Радуйся, Никѳлае, великій Чудотворче.

## Кондак 12

Благодаѣть данную ти от Бога свѣдуущи, радующесѣ твою память прѣзднуем по дѳлгу, преслѣвный отче Никѳлае, и к чѳдному заступлѣнію твоему вседушно притекаѣм; преслѣвных же твоих деяній, яко песка морскаго и множества звѣзднаго исчесті не могуще, недоумѣніем объѣти бѣвшѣ, вопіѣм к Богу: Аллилуѣа.

## Икос 12

Поюще твоѣ чудеса, восхваляѣм тя, всехвальне Никѳлае: в тебе бо Бог в Трѳице прославляѣмый дѣвно прослѣвисѣ. Но ѣще и попремногу составленныѣ от души псалмы и пѣсни принѳсим ти, Чудотворче святыѣ, ничѳже творѣм рав-

но дарованію чудес твоих, ѿмже удивляющеся, вопіемъ къ тебѣ таковая: Радуйся, Царя царствующихъ и Господа господствующихъ служителю; радуйся, служителей Его небесныхъ сожителю. Радуйся, людемъ вернымъ помощеніе; радуйся, рода христіанскаго возвышеніе. Радуйся, победы тезоименитый; радуйся, венценосче нарочитый. Радуйся, всехъ добродетелей зеркало. Радуйся, всехъ притекающихъ къ тебѣ крепкое забрало. Радуйся, по Бозѣ и Богородицѣ, все наше упованіе; радуйся, телесъ нашихъ здравіе и душъ спасеніе. Радуйся, яко тобою отъ вѣчныя смѣрти свободѣаемся; радуйся, яко тобою безконечныя жизни сподобѣаемся. Радуйся, Никѡлае, великій Чудотворче.

## Кондак 13

О, пресвятыи и пречудный ѡтче Никѡлае, утешеніе всехъ скорбящихъ, нынѣшнее наше приими приношеніе, и отъ геѣнны избавитися намъ Господа умоли, богоприятнымъ Твоимъ ходатайствомъ, да съ тобою воспѣваемъ: Аллилуіа. *(Трижды)*

## Икос 1

Ангела образомъ, земнаго суща естествомъ, яви тебѣ всея твари Создатель; благоплодную бо доброту души твоея провидѣвъ, преблаженне Никѡлае, научи всехъ вопіити тебѣ сѣце:



Рáдуйся, от утрóбы мáтерния очищénный; радуйся, дáже до концá освящénный. Радуйся, рождénием своим родíteлей удивíвый; радуйся, сíлу душévную áбие по рождествé явívый. Радуйся, сáде земли обетовáния; радуйся, цвёте Божéственнаго саждénия. Радуйся, лозó добродётельная винограда Христóва; радуйся, дрéво чудотóчное рая Иисúсова. Радуйся, крíне райскаго прозябénия; радуйся, мíро Христова благоухáния. Радуйся, я́ко тобо́ю отгóнится рыдáние; радуйся, я́ко тобо́ю принóсится рáдование. Радуйся, Никóлае, великий Чудотвóрче.

## Кондак 1

Возбрáнный Чудотвóрче и изрядный угóднике Христов, мíру всемú источáяй многоцénное мíлости мíро, и неисчерпáемое чудес мóре, восхваля́ю тя любóвию, святíteлю Никóлае: ты же, я́ко имéяй дерзновénие ко Господу, от всяких мя бед свободí, да зовú ти: Радуйся, Никóлае, вели́кий Чудотвóрче.

## Молитва

О, всесвяты́й Никóлае, угóднике преизрядный Госпóдень, тёплый наш заступниче, и вездé в скóрбех скорый помощниче! Помози́ мне, грéшному и уны́лому, в настоящем сем

житій, умоли́ Господа Бога дарова́ти ми оставле́ние всех мо-  
их грехо́в, ели́ко согреши́х от юности моея́, во всем жити́и  
моем, делом, словом, помышле́нием и всеми моими чу́вст-  
вы; и во исхо́де души́ моея́ помози́ ми окая́нному, умоли́  
Господа Бога, всея́ твари Соде́теля, изба́вити мя возду́шных  
мыта́рств и ве́чнаго муче́ния: да всегда́ прославляю́ Отца и  
Сына и Святаго́ Духа, и твое мѣлостивное предста́тельство,  
ны́не и прѣсно и во веки веков. Ами́нь.

# Последование ко Святому Причащению

Моли́твами святы́х оте́ц на́ших, Го́споди Иису́се Христе́  
Бо́же наш, поми́луй нас. Ами́нь.

Царю Небесный... *Трисвятое*. Пресвятая Троице... Отче  
наш... Господи, помилуй. (*12 раз*)

Приидите, поклонимся Царе́ви на́шему Бо́гу. (*Поклон*)

Приидите, поклонимся и припаде́м Христу́, Царе́ви на́ше-  
му Бо́гу. (*Поклон*)

Приидите, поклонимся и припаде́м Само́му Христу́, Ца-  
ре́ви и Бо́гу на́шему. (*Поклон*)

*И псалмы:*

## Псалом 22

Госпо́дь пасе́т мя, и ничто́же мя лиш́ит. На ме́сте зла́чне,  
та́мо всели́ мя, на воде́ поко́йне воспита́ мя. Ду́шу мою́ об-  
рати́, наста́ви мя на стези́ пра́вды, имене́ ра́ди Своего́. Аще  
бо и пойду́ посреде́ сени́ сме́ртныя, не убою́ся зла, я́ко Ты  
со мно́ю еси́, жезл Твой и па́лица Твоя, та мя уте́шиста. Уго-  
то́вал еси́ предо мно́ю трапе́зу сопроти́в стужа́ющим мне,  
ума́стил еси́ еле́ом главу́ мою, и ча́ша Твоя́ упоява́ющи мя,  
я́ко держа́вна. И ми́лость Твоя́ пожене́т мя вся дни живо́та́

моего, и еже вселити ми ся в дом Господень, в долготу дней.

## Псалом 23

Господня земля, и исполнѣние ея, вселѣнная и вси живущи на ней. Той на морях основал ю есть, и на реках уготовал ю есть. Кто взыдет на гору Господню? Или кто станет на месте святем Его? Неповинен руками, и чист сердцем, иже не прият все душу свою, и не клятсѣ лѣстию искреннему своему. Сей примет благословѣние от Господа, и милостыню от Бога Спаса своего. Сей род ищущих Господа, ищущих лице Бога Иаковля. Возмите врата князи ваша, и возмѣтсѣ врата вѣчная, и внидет Царь славы. Кто есть сей Царь славы? Господь крепок и силен, Господь силен в брани. Возмите врата князи ваша, и возмѣтсѣ врата вѣчная, и внидет Царь славы. Кто есть сей Царь славы? Господь сил, Той есть Царь славы.

## Псалом 115

Вѣровах, тѣмже возглаголах, аз же смирихся зело. Аз же рех во изступлѣнии моем: всяк человек ложь. Что воздам Господеву о всех, яже воздаде ми? Чащу спасѣния прииму и имя Господне призову, молитвы моя Господеву воздам пред всеми людьми Его. Честна пред Господем смерть преподоб-

ных Его. О, Господи, аз раб Твой, аз раб Твой, и сын рабыни Твоея; растерзал еси узы моя. Тебе пожру жертву хвалы, и во имя Господне призову. Молитвы моя Господеву воздам пред всеми людьми Его, во дворах дому Господня, посреде тебе, Иерусалиме.

*Слава, и ныне: Аллилуиа. (Трижды). И три поклона.*

## **Тропари, глас 8-й**

Беззакония моя презри, Господи, от Девы рождейся, и сердце мое очисти, храм то творя пречистому Твоему Телу и Крови, ниже отрини мене от Твоего лица, без числа имеяя велию милость.

*Слава:* Во причастие святынь Твоих како дерзну, недостойный? Аще бо дерзну к Тебе приступить с достойными, хитон мя обличает, яко несть вечерний, и осуждение исходатайствую многогрешной души моей. Очисти, Господи, скверну души моея, и спаси мя, яко Человеколюбец.

*И ныне:* Многая множества моих, Богородице, прегрешений, к Тебе прибегах, Чистая, спасения требуя: посети немощствующую мою душу, и моли Сына Твоего и Бога нашего, дати ми оставление, яже содеях лютых, Единая благословенная.

## **[Во святую же Четыредесятницу:**

Егда сла́внии ученицы́ на умо́вении вечери просвеща́хуся, тогда́ Иу́да злочести́вый сребролю́бием недúговав омрача́шеся, и беззако́нным судия́м Тебе́ пра́веднаго Судию́ предаёт. Виждь, имений ра́чителю, сих ра́ди удавлéние употреби́вша: бежи́ несýтыя ду́шй, Учи́телю тако́вая дерзну́вша. Иже о всех бла́гий Господи, слава Тебе.]

## **Псалом 50**

Помилуй мя, Бо́же, по вели́цей ми́лости Твое́й, и по мно́жеству щедро́т Твоих очисти́ беззако́ние моё. Наипа́че омы́й мя от беззако́ния моего́, и от греха́ моего́ очисти́ мя; я́ко беззако́ние мое аз зна́ю, и грех мой предо мно́ю есть вы́ну. Тебе́ еди́ному согреших и лука́вое пред Тобою́ сотвори́х; я́ко да оправди́шия во словесе́х Твоих, и победи́ши внегда́ суди́ти Ти. Се́ бо, в беззако́ниих зачатъ есмь, и во гресе́х роди́ мя ма́ти моя. Се́ бо, и́стину возлюбилъ еси́; безвѣстная и та́йная премудро́сти Твоея́ явилъ ми еси́. Окропи́ши мя иссо́пом, и очи́щуся; омые́ши мя, и па́че снѣга убелю́ся. Слúху моему́ да́си ра́дость и весе́лие; возра́дуются ко́сти смире́нныя. Отврати́ лице́ Твое́ от грех моихъ и вся беззако́ния моя очисти́. Сёрдце́ чи́сто сози́жди во мнѣ, Бо́же, и духъ

прав обнові во утробе моей. Не отвержи мене от лица Твоего и Духа Твоего Святаго не отыми от мене. Воздаждь ми радость спасения Твоего и Духом Владычним утверди мя. Научу беззаконныя путем Твоим, и нечестивии к Тебе обратятся. Избави мя от кровей, Боже, Боже спасения моего; возрадуется язык мой правде Твоей. Господи, устны мои отверзеши, и уста моя возвестят хвалу Твою. Яко аще бы восхотел еси жертвы, дал бых убо: всесожжения не благоволиши. Жертва Богу дух сокрушен; сердце сокрушенно и смиренно Бог не унижит. Ублажи, Господи, благоволением Твоим Сиона, и да созиждутся стены Иерусалимския. Тогда благоволиши жертву правды, возношение и всесожегаемая; тогда возложат на олтарь Твой тельцы.

## Канон, глас 2-й

### Песнь 1

Грядите, людие, поим песнь Христу Богу, раздельшему море, и наставлявшему люди, яже изведе из работы египетския, яко прославися.

*Припев: Сердце чисто созижди во мне, Боже, и дух прав обнови во утробе моей.*

Хлеб живота вечнующаго да будет ми Тело Твое Святое,

благоутрѣбне Господи, и Честная Кровь, и недугъ многообразных исцеление.

*Припев: Не отвержи мене от лица Твоего, и Духа Твоего Святаго не отыми от мене.*

Оскверненъ дѣлы безмѣстными окаянный, Твоего Пречистаго Тѣла и Божественныя Крове недостѣин есмь, Христѣ, причащения, егѣже мя сподоби.

*Припев: Пресвятая Богородице, спаси нас.*

*Богородичен:* Землѣ благая, благословенная Богоневѣсто, класъ прозябшая неоранный и спасительный міру, сподоби мя сей ядуща спастися.

## Песнь 3

На камени мя веры утвердивъ, расширилъ еси уста моя на враги моя. Возвесели бо ся дух мой, внемгда пѣти: несть святъ, якоже Богъ нашъ, и несть праведенъ паче Тебе, Господи.

*Сердце чисто созижди во мне, Боже, и духъ правъ обнови во утробѣ моей.*

Слезныя ми подаждь, Христѣ, капли, скверну сердца моего очищающія: яко да благою совѣстию очищенъ, верою прихожду и страхомъ, Владыко, ко причащению Божественныхъ даровъ Твоихъ.

*Не отвержи мене от лица Твоего, и Духа Твоего Святаго не отыми от мене.*

Во оставление да будетъ ми прегрешений Пречистое Тѣло



Твое, и Божественная Кровь, Духа же Святаго общёние, и в жизнь вечную, Человеколюбче, и страстей и скорбей отчуждёние.

*Пресвятая Богородице, спаси нас.*

*Богородичен:* Хлёба живётнаго Трапéза Пресвята́я, свыше милости ра́ди сше́дшаго, и ми́рови новый живот даю́щаго, и мене ныне сподо́би недосто́йнаго, со стра́хом вкуси́ти сего, и жи́ву бы́ти.

## Песнь 4

Прише́л еси́ от Девы, не ходáтай, ни Ангел, но Сам, Господи, вопло́щься, и спасл еси́ всего мя человека. Тем зову Ти: слава силе Твоей, Господи.

*Сердце чисто сози́жди во мне, Боже, и дух прав обнови́ во утробе моей.*

Восхотéл еси́, нас ради вопло́щься, Многоми́лостиве, заклáн бы́ти я́ко овча́, грех ра́ди челове́ческих: те́мже молю́ Тя, и моя очи́сти согрешéния.

*Не отвержи мене от лица Твоего, и Духа Твоего Святаго не отыми́ от мене.*

Исцели́ души́ моея́ я́звы, Господи, и всего освяти́: и сподо́би, Влады́ко, я́ко да причащúся та́йныя Твоея́ Божéственныя вéчера, ока́янный.

*Пресвятая Богородице, спаси нас.*

*Богородичен:* Уми́лостиви и мене Сۇ́щаго от утробы Твоея́,

Владычице, и соблюди мя нескверна раба Твоего и непорочна, яко да прием умнаго бисера, освящуся.

## Песнь 5

Свѣта подателю и вековъ Творче, Господи, во свѣте Твоихъ повелѣний настави нас; разве бо Тебе иного бога не знаем.

*Сердце чисто созижди во мне, Боже, и дух прав обнови во утробе моей.*

Якоже предрекъ еси, Христѣ, да будетъ убо худому рабу Твоему, и во мне пребуди, якоже обещался еси: се бо Тело Твое ямъ Божественное, и пью Кровь Твою.

*Не отвержи мене отъ лица Твоего, и Духа Твоего Святаго не отыми отъ мене.*

Словѣ Божий и Боже, уголь Тела Твоего да будетъ мне помянутому въ просвѣщеніе, и очищеніе оскверненной души моей Кровь Твоя.

*Пресвятая Богородице, спаси нас.*

*Богородичен:* Маріе, Мати Божия, благоуханія честное селеніе, Твоими молитвами сосудъ мя избранный соделай, яко да освященій причащуся Сына Твоего.

## Песнь 6

В бездне греховней валяясь, неизследную милосердія

Твоего призываю бездну: от тли, Боже, мя возведи.

*Сердце чисто созижди во мне, Боже, и дух прав обнови во утробе моей.*

Ум, душу и сердце освяти, Спасе, и тело мое, и сподоби неосужденно, Владыко, к страшным Тайнам приступити.

*Не отвержи мене от лица Твоего, и Духа Твоего Святаго не отыми от мене.*

Да бых устранился от страстей, и Твоея благодати имел бы приложение, живота же утверждение, причащением Святых, Христэ, Таин Твоих.

*Пресвятая Богородице, спаси нас.*

*Богородичен:* Божие, Боже, Слово Святое, всего мя освяти, ныне приходящаго к Божественным Твоим Тайнам, Святая Матере Твоея мольбами.

## **Кондак, глас 2-й**

Хлеб, Христэ, взяти не презри мя, Тело Твое и Божественную Твою ныне Кровь, пречистых, Владыко, и страшных Твоих Таин причастится окайнного, да не будет ми в суд, да будет же ми в живот вечный и безсмертный.

## **Песнь 7**

Телу златому премудрыя дети не послужиша, и в пламень

са́ми поидо́ша, и бо́ги их обруга́ша, среди́ пла́мене возо́пи́ша, и ороси́ я́ Ангел: услы́шася уже́ уст ваших моли́тва.

*Сердце чисто созижди во мне, Боже, и дух прав обнови́ во утробе моей.*

Исто́чник благих, причаще́ние, Христе́, безсмертных Твоих ныне Та́инств да будет ми свет, и живо́т, и безстра́стие, и к преспе́янию же и умноже́нию добродете́ли Божество́ннейшия ходата́йственно, Еди́не Бла́же, я́ко да сла́влю Тя.

*Не отвержи мене от лица Твоего, и Духа Твоего Свята́го не оты́ми от мене.*

Да изба́влюся от страсте́й, и враго́в, и ну́жды, и вся́кия ско́рби, трéпетом и любóвию со благоговéнием, Человеколю́бче, присту́паяй ныне к Твоим безсмер́тным и Божество́нным Та́инам, и пе́ти Тебе сподо́би: благослове́н еси́, Го́споди, Бо́же оте́ц на́ших.

*Пресвятая Богороди́це, спаси нас.*

*Богородичен:* Спа́са Христа ро́ждшая па́че ума́, Богоблагода́тная, молю́ Тя ныне, раб Твой, Чи́стую нечи́стый: хотя́щаго мя ныне к пречи́стым Та́инам присту́пити, очисти́ всего от скве́рны плóти и ду́ха.

## Песнь 8

В пещь о́гненную ко отроко́м евре́йским снизше́дшаго, и пла́мень в ро́су прело́жшаго Бо́га, по́йте дела́, я́ко Го́спода, и превозно́сите во вся ве́ки.

*Сердце чисто созижди во мне, Боже, и дух прав обнови во утробе моей.*

Небесных, и страшных, и святых Твоих, Христэ, ныне Таин, и Божественная Твоя и тайная вечери общника быти и мене сподоби отчаяннаго, Боже Спасе мой.

*Не отвержи мене от лица Твоего, и Духа Твоего Святаго не отыми от мене.*

Под Твое прибе́г благоутро́бие, Бла́же, со стра́хом зову́ Ти: во мне пребу́ди, Спасе, и аз, я́коже рекл еси́, в Тебе; се бо дерза́я на ми́лость Твою, ям Тело Твое, и пью́ Кровь Твою.

*Припев: Пресвятая Троице, Боже наш, слава Тебе.*

*Троицен:* Трепéщу, приéмля огонь, да не опалю́ся я́ко воск и я́ко трава́; о́ле страшнаго та́инства! о́ле благоутро́бия Божия! Ка́ко Божественнаго Тéла и Кро́ве брэ́ние причаща́юся, и нетле́нен сотворя́юся?

## Песнь 9

Безнача́льна Родите́ля Сын, Бог и Господь, вопло́щься от Девы нам я́вися, омраче́нная просвети́ти, собра́ти расточе́нная: тем всепéтую Богородицу велича́ем.

*Сердце чисто созижди во мне, Боже, и дух прав обнови во утробе моей.*

Христос есть, вкусите и ви́дите: Господь нас ра́ди, по нам бо дрéвле бы́вый, еди́ною Себе́ прине́с, я́ко приноше́ние Отцу́ Своему́, при́сно закала́ется, освяща́яй причаща́ющияся.

*Не отвержи мене от лица Твоего, и Духа Твоего Святаго не отыми́ от мене.*

Душею и телом да освящуся, Владыко, да просвещуся, да спасуся, да буду дом Твой причащением священных Таин, живущаго Тя имѣя в себе со Отцѣм и Духом, Благодѣтелю Многомилостиве.

*Воздаждь ми радость спасения Твоего, и Ду́хом Влады́чим утверди́ мя.*

Якоже огонь да будет ми, и яко свет, Тело Твое и Кровь, Спасе мой, пречестная, опаляя греховное вещество, сжига́я же страстей терние, и всего́ мя просвеща́я, поклоня́тися Бо́жеству Твоему́.

*Пресвятая Богородице, спаси нас.*

*Богородичен:* Бог воплотися от чистых кровей Твоих; тем же всякий род поёт Тя, Владычице, умная же множества славят, яко Тобою я́ве узрѣша всеми Владычествующаго, осуществова́вшагося челове́чеством.

Достойно есть... *Трисвятое.* Пресвятая Троице... Отче наш... Тропарь дня, или праздника. *Если неделя,* тропарь воскресный по гласу.

***Если же нет, настоящие тропари, глас 6-й:***

Помилуй нас, Господи, помилуй нас; всякаго бо отвѣта недоумѣюще, сию Ти моли́тву, яко Влады́це, грѣшнии прино́сим: помилуй нас.

*Слава:* Господи, помилуй нас, на Тя бо уповахом; не прогневайся на ны зело, ниже помяни беззаконий наших, но призри и ныне яко благоутробен, и избави ны от враг наших. Ты бо еси Бог наш, и мы людие Твои, вси дела руку Твоею, и имя Твое призываем.

*И ныне:* Милосердия двери отверзи нам, благословенная Богородице, надеющиеся на Тя да не погибнем, но да избавимся Тобою от бед: Ты бо еси спасение рода христианскаго.

Господи, помилуй. *(40 раз) И поклоны, сколько хочешь.*

## **И стихи**

Хотя ясти, челове́че, Тело Влады́чне,  
Стра́хом приступи́, да не опа́лиши́ся: о́гнь бо е́сть.  
Боже́ственную же пия́ Кро́вь ко о́бщени́ю,  
Пе́рвее прими́рися́ тя о́печа́лившим.  
Та́же дерза́я, та́инственное бра́шно яждь.  
Пре́жде прича́стия стра́шныя же́ртвы,  
Живо́творяща́го Те́ла Влады́чня,  
Сим помо́ли́ся о́бразом со тре́петом:

## **Молитва Василия Великого, 1-я**

Влады́ко Го́споди Иису́се Христе́, Бо́же наш, исто́чнице

жизни и безсмертія, всея твѣри видимыя и невидимыя Содѣтелю, безначальнаго Отца соприисносущный Сыне и собезначальный, премногія ради благасти в послѣднія дни в плоть оболкійся, и распныйся, и погребыйся за ны неблагодѣрныя и злонравныя, и Твоею кровію обновивый растлѣвшее грехомъ естество наше, Сам, Безсмертный Царю, прими и мое грѣшнаго покаяніе, и приклони ухо Твое мне, и услыши глаголы моя. Согрешихъ бо, Господи, согрешихъ на небо и предъ Тобою, и несмь достоинъ возрѣти на высоту славы Твоея: прогнѣвахъ бо Твою благасть, Твоя заповѣди преступивъ, и не послушавъ Твоихъ повелѣній. Но Ты, Господи, незлѣбивъ сый, долготерпѣливъ же и многомилостивъ, не предалъ еси мя погнѣбнути со беззаконными моими, моего всячески ожидая обращенія. Ты бо реклъ еси, Человеколюбче, пророкомъ Твоимъ: яко хотѣніемъ не хочу смерти грѣшника, но еже обратитися и живу быти ему. Не хочещи бо, Владыко, созданія Твоею руку погубити, ниже благоволиши о погнѣбленіи человѣчестей, но хочещи всемъ спастися, и в разумъ истинны приити. Тѣмже и азъ, аще и недостоинъ есмь небесъ и земли, и сея привременныя жизни, всего себѣ повинувъ греху, и сластоу порабѣтивъ, и Твой осквернивъ образъ; но твореніе и созданіе Твое бывъ, не отчаяваю своего спасенія окаанный, на Твое же безмѣрное благоутрѣбіе дерзая, прихожду. Прими убо и мене, Человеколюбче Господи, якоже блудницу, яко разбойника, яко мытаря и яко блуднаго, и возьми мое тяжкое бремя греховъ, грехъ вземляй мира, и немощи чело-



вѣческія исцѣляѣй, труждающіеся и обременѣнныя к Себе призываѣй и упокоеваѣй, не пришѣдый призвати праведныя, но грѣшныя на покаяніе. И очисти мя от всякія сквѣрны плоти и дѹха, и научи мя совершати святѣню во страсѣ Твоем: яко да чѣстым свѣдѣніем совѣсти моеѣ, святѣнь Твоих часть приѣмля, соединюся святому Тѣлу Твоему и Крови, и имѣю Тебе во мне живуща и пребывающа, со Отцем, и Святым Твоим Духом. Ей, Господи Иисѹсе Христѣ, Боже мой, и да не в суд ми будет причастіе пречѣстных и животворящих Таин Твоих, ниже да нѣмощен бѹду душею же и тѣлом, от ѣже недостойне тем причащатися, но даждь ми, даже до конѣчнаго моего издыханія, неосужденно восприимати часть святѣнь Твоих, в Духа Святаго общеніе, в напутіе животѣ вѣчнаго, и во благопріятен отвѣт на Страшнем Судѣици Твоем: яко да и аз со всеми избранными Твоими общник буду нетлѣнных Твоих благ, яже уготовал еси любящим Тя, Господи, в нѣхже препрославлен еси во веки. Аминь.

## **Молитва святого Іоанна Златоустаго, 2-я**

Господи Боже мой, вем, яко несмь достоин, ниже доволен, да под кров внѣдѣши храма души моеѣ, занѣже весь пуст и пѣлся есть, и не имаше во мне мѣста достойна, ѣже главу подклонити; но якоже с высоты нас ради смирил еси Себѣ, смирися и ныне смиренію моему; и якоже восприѣл еси в вертѣпе и в яслех безсловесных возлещѣ, сѣце восприи-

мѣи и въ яслехъ безсловесныя мояѣ души, и во оскверненное мое тѣло внѣсти. И якоже не неудобостѣилъ еси внѣсти, и свечерѣти со грѣшники въ домѣ Сѣмона прокаженнаго, тако изволи внѣсти и въ домъ смиренныя мояѣ души, прокаженныя и грѣшныя; и якоже не отринулъ еси подобную мнѣ блудницу и грѣшную, пришедшую и прикоснувшуюся Тебѣ, сѣце умилосердѣся и о мнѣ грѣшнемъ, приходѣщемъ и прикасающемъ Ти ся; и якоже не возгнушался еси скверныхъ еѣ устъ и нечѣстныхъ, целующихъ Тя, ниже моихъ возгнушѣйся скверныхъ оныхъ устъ и нечѣстѣшихъ, ниже мерзкихъ моихъ и нечѣстныхъ устенъ, и сквернаго и нечѣстейшаго моего языка. Но да будетъ ми уголь пресвятаго Твоего Тѣла, и честныя Твоея Крове, во освященіе и просвѣщеніе и здравіе смиренней моеѣ души и тѣлу, во облегченіе тяжестей многихъ моихъ согрѣшеній, въ соблюденіе отъ всякаго диавольскаго дѣйства, во отгнаніе и возбраненіе злаго моего и лукаваго обычаѣя, во умерщвленіе страстей, въ снабденіе заповѣдей Твоихъ, въ приложеніе Божественныя Твоеѣ благодати, и Твоего Царства присвоеніе. Не бо яко презираѣяй приходѣху къ Тебѣ, Христѣ Боже, но яко дерзѣя на неизреченную Твою благодѣть, и да не на многѣе удаляѣяся общенія Твоего, отъ мысленнаго волка звероуловленъ буду. Тѣмъже молюся Тебѣ: яко единъ сый Святъ, Владыко, освяти мою душу и тѣло, умъ и сердце, чрево и утробы, и всего мя обнови, и вкорени страхъ Твой во утробѣхъ моихъ, и освященіе Твое неотъемлемо отъ мене сотвори; и буди ми помощникъ и заступникъ, окормляя въ мірѣ живѣтъ мой, сподобляя мя и

одесную Тебе предстояния со святыми Твоими, моли́твами и моле́ньми Пречи́стыя Твоея Матере, невещёственных Твоих служителей и пречи́стых сил, и всех святых, от вѣка Тебе благоугоди́вших. Ами́нь.

## Молитва Симеона Метафраста, 3-я

Еди́не чистый и нетле́нный Господи, за неизрече́нную милость человеколю́бия наше все восприе́мый сме́шение, от чистых и де́вственных крове́й па́че естества́ Ро́ждшия Тя, Духа Божественнаго наше́ствием, и благоволе́нием Отца присносу́щнаго, Христé Иисúсе, премудро́сте Божия, и ми́ре, и си́ло; Твоим воспри́ятием животворя́щая и спаса́тельная страда́ния восприе́мый, крест, гво́здя, копи́е, смерть, умертвѝ моя душетле́нная стра́сти телесныя. Погребё́нием Твоим а́дова пленѝвый ца́рствия, погребѝ моя бла́гими по́мыслы лука́вая сове́тования, и лука́вствия дѹхи разори́. Тридне́вным Твоим и живонóсным воскресе́нием па́дшаго пра́отца возста́вивый, возста́ви мя грехом по́пóлзшагося, о́бразы мне пока́яния предлага́я. Пресла́вным Твоим вознесе́нием плотско́е обожѝвый воспри́ятие, и си́е десным Отца́ седе́нием почтѝй, сподо́би мя прича́стием святых Твоих Таин десную́ часть спаса́емых получи́ти. Снѝтием Уте́шителя Твоего Духа сосу́ды че́стны священныя Твоя́ ученики́ соде́лавый, приятелище и мене́ покажи́ Того́ прише́ствия. Хотя́й па́ки прии́ти суди́ти вселённой пра́вдою, благоволи́ и мне

успрѣсти Тя на облацех, Судию и Создателя моего, со всеми святыми Твоими: да безконечно славословлю и воспеваю Тя, со безначальным Твоим Отцем, и Пресвятым и Благим и Животворящим Твоим Духом, ныне и присно и во веки веков. Аминь.

## **Молитва святого Иоанна Дамаскина, 4-я**

Владыко Господи Иисусе Христѣ, Боже наш, еди́не имѣя́ власть челове́ком оставля́ти грехи, я́ко благ и Человеколюбец прѣзри моя вся в вѣдении и не в вѣдении прегрѣшѣния, и сподоби мя неосуждѣнно причаститься Божественных, и пресла́вных, и пречисти́х, и животворящих Твоих Таин, не в тя́жесть, ни в му́ку, ни в приложѣние грехо́в, но во очище́ние, и освяще́ние, и обруче́ние будущаго живота́ и ца́рствія, в стѣну и по́мощь, и в возраже́ние сопроти́вных, во истребле́ние мно́гих моих согрѣше́ний. Ты бо еси́ Бог ми́лости, и щедро́т, и человеколю́бія, и Тебе славу возсыла́ем, со Отце́м, и Святым Духом, ныне и присно и во веки веков. Аминь.

## **Молитва святого Василия Великого, 5-я**

Вем, Господи, я́ко недостойне причаща́юся пречисти́аго Твоего Тѣла и честны́я Твоея́ Крѣве, и повинен есмь, и суд

себе я́м и пию́, не рассужда́я Тела и Кро́ве Тебе Христа и Бога моего, но на щедро́ты Твоя дерза́я прихожду́ к Тебе ре́кшему: яды́й Мою́ плоть, и пия́й Мою́ кровь, во Мне пребыва́ет, и Аз в нем. Умилосе́рдися у́бо, Господи, и не обличи́ мя грешнаго, но сотвори́ со мно́ю по милости Твоей, и да будут ми свята́я сия́ во исцеление, и очищение, и просвеще́ние, и сохране́ние, и спасение, и во освяще́ние души и тела; во отгна́ние всякаго мечта́ния, и лука́ваго дея́ния, и де́йства диа́вольскаго, мы́сленне во удесе́х моих де́йствуемаго, в дерзнове́ние и любовь, я́же к Тебе; во исправле́ние жити́я и утвержде́ние, в возвраще́ние добродете́ли и соверше́нства; во исполне́ние за́поведей, в Духа Свята́го общене́, в напу́тие живота́ ве́чнаго, во отве́т благоприя́тен на Стра́шнем Суди́щи Твоем: не в суд или́ во осужде́ние.

## **Молитва святого Симеона Нового Богослова, 6-я**

От скве́рных усте́н, от ме́рзкаго се́рдца, от нечи́стаго язы́ка, от ду́ши оскверне́ны, приими́ моле́ние, Христэ́ мой, и не презри́ моих ни словес́, ниже́ образо́в, ниже́ безстудия. Дажь ми дерзнове́нно глаго́лати, я́же хошю́, Христэ́ мой, па́че же и научи́ мя, что ми подоба́ет твори́ти и глаго́лати. Согреши́х па́че блудни́цы, я́же уве́де, где обита́еши, ми́ро купивши, прии́де де́рзостне пома́зати Твои но́зе, Бога моего, Владыки и Христа моего. Якоже о́ну не отри́нул еси́ при-

шѣдшую от сѣрдца, ниже менѣ возгнушайся, Слово: Твои же  
ми подаждь нѣзе, и держати и целовати, и струями слѣзны-  
ми, яко многоцѣннымъ мѣромъ, сѣя дерзостно помазати. Омый  
меня слезами моими, очисти мя ими, Слово. Остави и пре-  
грѣшенія моя, и прощѣніе ми подаждь. Вѣси золъ множе-  
ство, вѣси и струпы моя, и язвы зриши моя, но и вѣру вѣси,  
и произволѣніе зриши, и воздыханіе слышиши. Не тайся  
Тебе, Боже мой, Творче мой, Избавителю мой, ниже капля  
слѣзная, ниже капли часть некая. Несодѣланное мое ви-  
дѣте очи Твои, в книзе же Твоей и еще несодѣянная напи-  
сана Тебе суть. Видждь смиреніе мое, видждь труд мой елико, и  
грѣхи вся остави ми, Боже всяческихъ: да чистымъ сердцемъ,  
притрѣпетною мыслію, и душею сокрушенною, нескверныхъ  
Твоихъ причащуся и пресвятыѣ Таинъ, имиже оживляется и  
обожается всякъ ядый же и пій чистымъ сердцемъ; Ты бо ре-  
клъ еси, Владыко мой: всякъ ядый Мою Плоть, и пій Мою  
Кровь, во Мнѣ ѹбо сей пребываетъ, в немъ же и Азъ есмь. Ис-  
тинно слово всяко Владыки и Бога моего: Божественныхъ бо  
причащайся и боготворящихъ благодатей, не ѹбо есмь единокъ,  
но съ Тобою, Христѣ мой, Свѣтомъ трисолнечнымъ, просвѣщаю-  
щимъ миръ. Да ѹбо не единокъ пребуду кромѣ Тебѣ Живодавца,  
дыханія моего, живота моего, радованія моего, спасенія  
мѣру. Сего ради къ Тебѣ приступихъ, якоже зриши, со слеза-  
ми, и душею сокрушенною, избавленія моихъ прегрѣшеній  
прошу пріяти ми, и Твоихъ живодательныхъ и непорѣчныхъ  
Таинствъ причаститися неосужденно, да пребудеши, якоже

рекл еси, со мною треокаянным: да не кроме обрёт мя Твоя благодати, прелестник восхитит мя лстывне, и прельстив отведёт боготворящих Твоих словес. Сего ради к Тебе припадаю, и тёпле вопию Ти: якоже блуднаго приял еси, и блудницу пришедшую, тако приими мя блуднаго и сквернаго, Щедре. Душею сокрушённою, ныне бо к Тебе приходя, вем, Спасе, яко иной, якоже аз, не прегреші Тебе, ниже содея деяния, яже аз содеях. Но сие паки вем, яко не величество прегрешений, ни грехов множество превосходит Бога моего многое долготерпение и человеколюбие крайнее; но милостию сострастия тёпле кающиеся, и чистиши, и светиши, и света твориши причастники, общники Божества Твоего соделоваяй независтно, и странное и Ангелом, и человеческим мыслем, беседуеши им многажды, якоже другом Твоим истинным. Сия дерзостна творят мя, сия вперяют мя, Христэ мой. И дерзая Твоим богатым к нам благодеением, радуясь вкупе и трепеща, огневи причащаюся травá сый, и странно чудо, орошаемь неопально, якоже убо купина древле неопальне горящи. Ныне благодарною мыслию, благодарным же сердцем, благодарными удесы моими, души и тела моего, поклоняюся и величаю, и славословлю Тя, Боже мой, яко благословенна суща, ныне же и во веки.

## **Молитва святого Иоанна Златоустого, 7-я**

Боже, ослаби, остави, прости ми согрешения моя, елика

Ти согрешихъ, аще словомъ, аще деломъ, аще помышлениемъ, волею или неволею, разумомъ или неразумиемъ, вся ми прости, яко благъ и Человеколюбецъ, и молитвами Пречистой Твоея Матере, умныхъ Твоихъ служителей и святыхъ силъ, и всехъ святыхъ, отъ вѣка Тебѣ благоугодившихъ, неосужденно благоволи прияти ми святое и пречистое Твое Тѣло и честную Кровь, во исцеление душъ же и тела, и во очищение лукавыхъ моихъ помышлений. Яко Твое есть Царство и сила и слава, со Отцемъ и Святымъ Духомъ, ныне и присно и во веки вековъ. Аминь.

## Его же, 8-я

Несмы доволенъ, Владыко Господи, да внидеши подъ кровъ душъ моя; но понеже хощеши Ты, яко Человеколюбецъ, жити во мнѣ, дерзая приступая; повелеваяеши, да отверзу двѣри, яже Ты единъ создалъ еси, и внидеши со человеколюбиемъ якоже еси, внидеши и просвѣщаеши помраченный мой помысл. Вѣрую, яко сие сотвориши: не бо блудницу, со слезами пришедшую къ Тебѣ, отгналъ еси; ниже мытаря отверглъ еси покающаяся; ниже разбойника, познавша Царство Твое, отгналъ еси; ниже гонителя покающаяся оставилъ еси, еже бо: но отъ покаяния Тебѣ пришедшия вся, въ лице Твоихъ друзей вчинилъ еси, Единъ сый благословенный всегда, ныне и въ безконечныя вѣки. Аминь.



## Его же, 9-я

Господи Иисусе Христэ, Боже мой, ослаби, остави, очисти и прости ми грешному, и непотребному, и недостойному рабу Твоему прегрешения, и согрешения, и грехопадения моя, елика Ти от юности моея, даже до настоящего дне и часа согреших: аще в разуме и в неразумии, аще в словесех или делех, или помышлениях и мыслех, и начинаниях, и всех моих чувствах. И молитвами безсеменно рождшия Тя, Пречистыя и Приснодевы Марии, Матере Твоея, единыя непостыдные надежды и предстательства и спасения моего, сподоби мя неосужденно причаститься пречистых, безсмертных, животворящих и страшных Твоих Таинств, во оставление грехов и в жизнь вечную: во освящение, и просвещение, крепость, исцеление, и здравие души же и тела, и в потребление и всесовершенное погубление лукавых моих помыслов, и помышлений, и предприятий, и ночных мечтаний, темных и лукавых духов; яко Твое есть Царство, и сила, и слава, и честь, и поклонение, со Отцем и Святым Твоим Духом, ныне и присно и во веки веков. Аминь.

## Молитва святого Иоанна Дамаскина, 10-я

Пред дверьми храма Твоего предстою, и любых помыш-

лѣний не отступаю; но Ты, Христѣ Боже, мытаря оправдѣвый, и хананѣю помѣловавый, и разбойнику раѣ двѣри отвѣрзый, отвѣрзи ми утробы человеколюбія Твоего, и приими мя приходяща и прикасающася Тебе, яко блудницу, и кровоточивую: оба убо края ризы Твоея коснувшись, удобы исцелѣніе пріят, оба же пречѣстѣи Твои нозѣ удержавши, разрешѣніе грѣхов понесѣ. Аз же, окаянный, все Твое Тѣло дерзая воспріяти, да не опалѣн буду; но приими мя, якоже бѣныя, и просвети моя душевныя чувства, поपालя моя грѣховныя вины, молитвами безсѣменно Рѣждшія Тя, и Небесныхъ Сил; яко благословѣн еси во веки веков. Аминь.

## **Молитва святаго Іоанна Златоустаго**

Вѣрую, Господи, и исповѣдую, яко Ты еси воистинну Христосъ, Сынъ Бѣга живаго, прішедый въ миръ грѣшныя спасти, отъ нихъже первыи есмь азъ. Еще вѣрую, яко сіе есть самое пречѣстное Тѣло Твое, и сія есть самая честная Кровь Твоя. Молюся убо Тебѣ: помилуй мя, и прости ми прегрѣшенія моя, бѣльная и небѣльная, яже словомъ, яже деломъ, яже ведѣніемъ и невѣдѣніемъ, и сподоби мя неосужденно причаститися пречѣстныхъ Твоихъ Таинствъ, во оставленіе грѣховъ, и въ жизнь вѣчную. Аминь.

## **Приходя же причаститься, произноси мысленно эти стихи Метафраста:**

Се приступаю к Божественному Причащению.  
Содетелю, да не опалиши мя приобщением:  
Огнь бо еси, недостойныя поpalяяй.  
Но убо очисти мя от всякия скверны.

### **Затем:**

Вечери Твоея тайныя днесь, Сыне Божий, причастника  
меня приими; не бо врагом Твоим тайну повем, ни лобзания  
Ти дам, яко Иуда, но яко разбойник исповедаю Тя: помяни  
меня, Господи, во Царствии Твоем.

### **И стихи:**

Боготворящую Кровь ужаснися, человече, зря:  
Огнь бо есть, недостойныя поpalяяй.  
Божественное Тело и обожает мя и питает:  
Обожает дух, ум же питает странно.

## **Потом тропари:**

Услади́л мя еси́ любобвию, Христэ́, и измени́л мя еси́ Божественным Твоим раче́нием; но попали́ огнём неве́щественным грехи́ моя́, и насы́титися е́же в Тебе насла́ждения сподо́би: да лику́я возвелича́ю, Бла́же, два прише́ствия Твоя́.

Во свѣтлостех Святыхъ Твоихъ како вни́ду, недостойный? Аще бо дерзну́ совнѣти в черто́г, оде́жда моя облича́ет, я́ко несть бра́чна, и связа́н извер́жен бу́ду от Ангелов. Очи́сти, Господи, скве́рну души́ моея́, и спаси́ мя, я́ко Человеколю́бец.

## **Также молитву:**

Влады́ко Человеколю́бче, Господи Иису́се Христэ́, Боже мой, да не в суд ми бу́дут Свята́я сия́, за е́же недостойну ми бы́ти: но во очище́ние и освяще́ние души́ же и те́ла, и во обру́чение бу́дущия жи́зни и Ца́рствия. Мне же, е́же прилепля́тися Богу, бла́го есть, полага́ти во Го́споде упова́ние спасе́ния моего́.

## И еще:

Вéчери Твоея тайныя днесь, Сыне Бóжий, причáстника мя приими; не бо врагóм Твоим тайну повéм, ни лобзáния Ти дам, я́ко Иу́да, но я́ко разбо́йник испове́даю Тя: помяни́ мя, Господи, во Царствии Твоем.

*Желающий причаститься должен достойно подготовиться к этому святому Таинству. Приготовление это (в церковной практике оно называется говением) продолжается несколько дней и касается как телесной, так и духовной жизни человека. Телу предписывается воздержание, т. е. телесная чистота и ограничение в пище (пост). В дни поста исключается пища животного происхождения – мясо, молоко, яйца и, при строгом посте, рыба. Хлеб, овощи, фрукты употребляются в умеренном количестве. Ум не должен рассеиваться по мелочам житейским и развлекаться.*

*В дни говения надлежит посещать богослужение в храме, если позволяют обстоятельства, и более прилежно выполнять домашнее молитвенное правило: кто читает обычно не все утренние и вечерние молитвы, пусть читает все полностью, кто не читает каноны, пусть в эти дни читает хотя бы по одному канону. Накануне причащения надо быть на вечернем богослужении и прочитать дома кроме обычных молитв на сон грядущим канон покаянный, канон*

Богородице и Ангелу хранителю. Каноны читают или один за другим полностью, или соединяя таким образом: читается ирмос первой песни покаянного канона («Яко по су-ху...») и тропари, затем тропари первой песни канона Богородице («Многими содержимь...»), опускаая ирмос «Воду прошед...», и тропари канона Ангелу хранителю, тоже без ирмоса «Поим Господеви...» Так же читают и следующие песни. Тропари перед каноном Богородице и Ангелу храните-лю, а также стихиры после канона Богородице в таком слу-чае опускаются.

Читается также канон ко причащению и, кто пожела-ет, – акафист Иисусу Сладчайшему. После полуночи уже не едят и не пьют, ибо принято приступать к Таинству прича-щения натощак. Утром прочитываются утренние молит-вы и все последование ко Святому Причащению, кроме кано-на, прочитанного накануне.

Перед причащением необходима исповедь – вечером ли или утром, перед литургией.

# **Благодарственные молитвы по Святом Причащении**

Сла́ва Тебе́, Бо́же. Слава Тебе, Боже. Слава Тебе, Боже.

## **Благодарственная молитва, 1-я**

Благодарю́ Тя, Го́споди Боже мой, я́ко не отринул мя еси́ грѣшнаго, но о́бщника мя бы́ти святы́нь Твоих сподо́бил еси́. Благодарю́ Тя, я́ко мене недосто́йнаго причасти́тися пре-чи́стых Твоих и небѣсных Даро́в сподо́бил еси́. Но Влады́ко Човеколю́бче, нас ра́ди уме́рый же и воскресе́ый, и дарова́вый нам стра́шная сия и животворя́щая Та́инства, во благоде́яние и освяще́ние душ и телес наших, даждь бы́ти сим и мне во исцеле́ние душі́ же и те́ла, во отгна́ние всякаго со-проти́внаго, в просвеще́ние о́чию се́рдца моего́, в мир душе́вных мои́х сил, в веру непосты́дну, в любовь нелицеме́рну, во исполне́ние прему́дрости, в соблюде́ние за́поведей Твоих, в приложе́ние Божѣственныхя Твоея́ благода́ти, и Твоего Цар-ствия присво́ение: да во святы́ни Твоей те́ми сохраня́емъ, Твою благода́ть помина́ю всегда, и не ктому́ себѣ живу́, но Тебе́ нашему Влады́це и благодѣ́телю; и та́ко сего́ жити́я из-ше́д о наде́жди живота́ ве́чнаго, в присносу́щный дости́гну поко́й, иде́же праж́днующих глас непреста́нный, и безконече́-

ная сладость зрящих Твоего лица добрѣту неизреченную. Ты бо еси истинное желаніе, и неизреченное веселіе любящих Тя, Христѣ Боже наш, и Тя поетъ вся тварь во веки. Аминь.

## **Молитва святого Василия Великого, 2-я**

Владыко Христѣ Боже, Царю вековъ и Содетелю всех, благодарю Тя о всех, яже ми еси подалъ благихъ, и о причащеніи пречистыхъ и животворящихъ Твоихъ Таинствъ. Молю убо Тя, Блаже и Человеколюбче: сохрани мя подъ кровомъ Твоимъ, и в сени крилу Твоею; и даруй ми чистою совестию, даже до послѣдняго моего издыханія, достойно причащаться святыхъ Твоихъ, во оставленіе греховъ и в жизнь вечную. Ты бо еси хлебъ животный, источникъ святыхъ, Податель благихъ, и Тебе славу возсылаемъ, со Отцемъ и Святымъ Духомъ, ныне и присно и во веки вековъ. Аминь.

## **Молитва Симеона Метафраста, 3-я**

Давый пищу мнѣ плоть Твою волею, огонь сый и опаляяй недостойныя, да не опалиши мене, Содетелю мой; паче же пройди во уды моя, во вся составы, во утробу, в сердце. Попали терніе всехъ моихъ прегрешеній. Душу очисти, освяти помышленія. Составы утверди съ костями вкупе. Чувствъ просвети простую пятеріцу. Всего мя спригвозди страху Твое-



му. Прісно покрый, соблюди́ же, и сохрани мя от всякаго дела и слова душетлѣннаго. Очи́сти, и омы́й, и украси́ мя, удобри́, вразуми́, и просвети́ мя. Покажи мя Твое селѣние еди́наго Духа, и не ктому́ селѣние грехá. Да я́ко Твоего́ до́му, вхо́дом причащѣ́ния, я́ко огня́ менѣ бежи́т всяк злоде́й, вся́ка страсть. Моли́твенники Тебе приношу́ вся святы́я, чи́ноначáлия же безплóтных, Предте́чу Твоего, премудры́я апóсто-лы, к сим же Твою́ несквѣ́рную чи́стую Ма́терь, ихже моль-бы́, Благоутрòбне, приими́, Христé мой, и сы́ном света со-де́лай Твоего́ служи́теля. Ты бо еси́ освящѣ́ние и еди́ный на-ших, Блáже, душ и свѣ́тлость; и Тебе́ лепоподóбно, я́ко Богу́ и Влады́це, славу вси возсыла́ем на всяк день.

### **Молитва 4-я**

Тѣло Твое святое, Господи Иисúсе Христé, Боже наш, да будет ми в живóт вечный, и Крòвь Твоя́ честнáя во остав-лѣ́ние грехов: бóди же ми благодарѣ́ние сие в радость, здра-вие и веселие; в страшное же и второе Пришествие Твое сподóби мя грешнаго стáти одесну́ю славы Твоея́, молитвами Пречи́стыя Твоея́ Матере, и всех святых.

### **Молитва 5-я, ко Пресвятой Богородице**

Пресвята́я Влады́чице Богородице, свѣ́те помрачѣ́нныя

моея души, надеждо, покрове, прибежище, утешение, радование мое, благодарю Тя, яко сподобила мя еси, недостойнаго, причастника быти пречистаго Тела и честныя Крове Сына Твоего. Но рождающая истинный Свет, просвети моя умныя очи сердца; Яже источник безсмертия рождающая, оживотвори мя умерщвленнаго грехом; Яже милостиваго Бога любоблагоутробная Мати, помилуй мя, и даждь ми умиление, и сокрушение в сердце моем, и смирение в мыслех моих, и воззвание в пленениях помышлений моих; и сподоби мя, до послѣдняго издыханія, неосужденно приимати пречистых Таин освящение, во исцеление души же и тела. И подаждь ми слезы покаянія и исповѣданія, во еже пѣти и славити Тя во вся дни живота моего, яко благословенна и препрославленна еси во веки. Аминь.

Ныне отпускаеши раба Твоего, Владыко, по глаголу Твоему с миром: яко видѣста очи мои спасение Твое, еже еси уготовал пред лицемъ всехъ людей, свет во откровение языковъ и славу людей Твоихъ Израиля.

*Трисвятое.* Пресвятая Троице... Отче наш...

## **Тропарь святому Иоанну Златоустому, глас 8-й**

Уст твоихъ, якоже свѣтлость огня, возсиявши благодать, вселенную просвети; не сребролюбия мірови сокровища сниска, высоту намъ смиренномудрія показá, но твоими словесы наказуя, отче Иоáнне Златоусте, моли Слова Христа

Бога спастіся душам нашим.

## **Кондак, глас 6-й**

*Слава:* От небес приял еси Божественную благодать, и твоими устнами вся учииши поклоняться в Троице Единому Богу, Иоанне Златоусте всеблаженне, преподобне, достойно хвалим тя: еси бо наставник, яко Божественная являя.

*И ныне:* Предстательство христиан непостыдное, ходатайство ко Творцу непреложное, не презри грешных молений гласы, но предвари, яко Благая, на помощь нас, верно зовущих Ти: ускори на молитву, и потщися на умоление, предстательствующи присно, Богородице, чтущих Тя.

## **Если совершалась литургия святого Василия Великого, читай тропарь Василию Великому, глас 1-й:**

Во всю землю изыде вещание твое, яко приемшую слово твое, имже боголепно научил еси, естество сущих уяснил еси, человеческия обычаи украсил еси, царское священство, отче преподобне, моли Христа Бога, спастися душам нашим.

## Кондак, глас 4-й

*Слава:* Явѣлся еси основаніе непоколебимое Церкви, подаѣ всем некрадомое господство человеком, запечатлѣя твоими велѣньми, небоявленне Васѣлие преподобне.

*И ныне:* Предстательство христиѣн непостыдное, ходатайство ко Творцу непреложное, не презри грѣшных молѣний гласы, но предвари, яко Благая, на помощь нас, верно зовущих Ти: ускори на молитву, и потщися на умоленіе, предстательствующи присно, Богородице, чтущих Тя.

## **Если совершалась литургия Преждеосвященных Даров, читай тропарь святому Григорию Двоеслову, глас 4-й:**

Иже от Бога свыше Божественную благодать восприѣм, славне Григоріе, и Того силою укрепляемъ, евангельски шествовати избѣлил еси, отонудуже у Христа возмѣздіе трудов приѣл еси, всеблаженне: Егоже моли, да спасет души наша.

## Кондак, глас 3-й

*Слава:* Подобоначальник показѣлся еси Начальника

па́стырем Христа, иноков чреды́, отче Григо́рие, ко о́граде небесней наставляя, и отту́ду научил еси́ ста́до Христово за́поведем Его: ныне же с ними ра́дуешься, и лику́еши в небéсных кро́вех.

*И ныне:* Предста́тельство христиа́н непосты́дное, ходата́йство ко Творцу́ непрело́жное, не прёзри грёшных моле́ний гла́сы, но предвари́, я́ко Благая́, на помощь нас, ве́рно зову́щих Ти: ускори́ на моли́тву, и потщи́ся на умоле́ние, предста́тельствующи при́сно, Богородице, чту́щих Тя.

Господи, помилуй. (12 раз) Слава, и ныне... Честнейшую Херувим...

*После причащения да пребывает каждый в чистоте, воздержании и немногословии, чтобы достойно сохранить в себе Христа принятого.*

# Час девятый

*Иерей:* Благословѣн Бог наш, всегда, ныне и присно и во веки веков.

*Чтец:* Аминь.<sup>6</sup> Слава Тебе, Боже наш, слава Тебе.

Царю Небесный, Утѣшителю, Душе истины, Иже везде сый и вся исполняяй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.<sup>7</sup>

Святыи Бже, Святыи Крепкий, Святыи Безсмертный, помилуй нас. *(Трижды)*

Слава Отцу и Сыну и Святому Духу, и ныне и присно и во веки веков. Аминь.

## Молитва ко Пресвятой Троице

Пресвятая Троице, помилуй нас; Господи, очисти грехи наша; Владыко, прости беззакония наша; Святыи, посети и исцели немощи наша, имене Твоего ради.

Господи, помилуй. *(Трижды)* Слава, и ныне:

---

<sup>6</sup> Чтец произносит «Аминь» после каждого возгласа священника.

<sup>7</sup> От Пасхи до Вознесения вместо молитвы «Царю Небесный» читается тропарь: «Христос воскрес из мертвых, смертию смерть поправ, и сущим во гробех живот даровав». *(Трижды)*

## Молитва Господня

Отче наш, Иже еси на небесех! Да святится имя Твое, да придет Царствие Твое, да будет воля Твоя, яко на небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

*Иерей:* Яко Твое есть Царство...

*Чтец:* Аминь. Господи, помилуй. (12 раз) *Слава, и ныне:*

Приидите, поклонимся Цареву нашему Богу.

Приидите, поклонимся и припадем Христу, Цареву нашему Богу.

Приидите, поклонимся и припадем Самому Христу, Цареву и Богу нашему.

## Псалом 83

Коль возлюбленна селения Твоя, Господи сил! Желает и скончается душа моя во дворы Господни, сердце мое и плоть моя возрадоваستся о Боже живе. Ибо птица обрете себе храмину, и горлица гнездо себе, идеже положит птенцы своя, олтари Твоя, Господи сил, Царю мой и Боже мой. Блажени живущии в дому Твоем, в веки веков восхвалят Тя. Блажен муж, емуже есть заступление его у Тебе; восхож-

дѣнія в сѣрдце своем положи, во юдоль плачѣвную, в мѣсто еже положи, ибо благословѣние даст законополагаяй. Пойдут от силы в силу: явится Бог богов в Сионе. Господи Боже сил, услыши молитву мою, внуши, Боже Иаковль. Защитниче наш, виждь, Боже, и призри на лице христа Твоего. Яко лучше день един во двѣрех Твоих паче тысяч: избѣлих приметаться в домѣ Бога моего паче, неже жити ми в селѣніих грѣшничих. Яко милость и истину любит Господь, Бог благодать и славу даст, Господь не лишитъ благихъ ходящихъ незлѣбием. Господи Боже сил, блаженъ человекъ уповаяй на Тя.

## Псалом 84

Благоволилъ еси, Господи, зѣмлю Твою, возвратилъ еси плен Иаковль: оставилъ еси беззаконія людѣй Твоихъ, покрылъ еси вся грѣхи ихъ. Укротилъ еси весь гневъ Твой, возвратился еси от гнѣва ярости Твоея. Возврати нас, Боже спасеній нашихъ, и отврати ярость Твою от насъ. Еда во веки прогнѣваешия на ны? Или прострѣши гневъ Твой от рода в родъ? Боже, Ты обращаешься оживиши ны, и людие Твои возвеселятся о Тебе. Яви нам, Господи, милость Твою, и спасѣніе Твое даждь намъ. Услышу, что речетъ о мнѣ Господь Богъ: яко речетъ миръ на люди Своя, и на преподѣбныя Своя, и на обращающыя сердца къ Немѣ. Обаче близъ боящихся Его спасѣніе Его, вселити славу въ зѣмлю нашу. Милость и истина сретѣстеся, правда и миръ



облобыза́стася. Истина от земли возсия́, и пра́вда с Небесе́ прини́че, ибо Госпо́дь даст бла́гость, и земля́ на́ша даст плод свой. Пра́вда пред Ним предъиде́т, и положи́т в путь стопы́ своя́.

## Псалом 85

Приклони́, Господи, ухо Твое, и услы́ши мя, я́ко нищ и убо́г есмь аз. Сохрани́ ду́шу мою, я́ко преподо́бен есмь: спаси́ раба́ Твоего́, Боже мой, упова́ющаго на Тя. Помилуй мя, Господи, я́ко к Тебе воззову́ весь день. Возвесели́ ду́шу раба́ Твоего́, я́ко к Тебе взях ду́шу мою. Я́ко Ты, Господи, Благ и Крото́к, и Многоми́лостив всем призыва́ющим Тя. Внуши́, Господи, моли́тву мою, и вонми́ гла́су молéния моего́. В день ско́рби моея́ воззва́х к Тебе́, я́ко услы́шал мя еси́. Несть подо́бен Тебе́ в бозéх, Господи, и несть по делóм Твои́м. Все язы́цы, ели́ки сотвори́л еси́, приидут, и поклóнутся пред Тобо́ю, Господи, и просла́вят имя Твое́, я́ко Ве́лий еси́ Ты, и творя́й чудеса́, Ты еси́ Бог Един. Наста́ви мя, Господи, на путь Твой, и пойду́ во и́стине Твоей; да возвеселится́ се́рдце мое́ боя́ться и́мене Твоего́. Испове́мся Тебе́, Господи Боже мой, всем се́рдцем моим, и просла́влю имя Твое в век: я́ко ми́лость Твоя ве́лия на мне, и изба́вил еси́ ду́шу мою от а́да преиспо́днейшаго. Боже, законопресту́пницы воста́ша на мя, и сонм держа́вных взыска́ша душу мою, и не предложи́ша Тебе́ пред собо́ю. И Ты, Господи Боже мой, Ще́дрый

и Милостивый, Долготерпеливый и Многомилостивый и Истинный, призри на мя и помилуй мя, даждь державу Твою отроку Твоему, и спаси сына рабы Твоея. Сотвори со мною знамение во благо, и да видят ненавидящие мя, и постыдятся, яко Ты, Господи, помог ми и утешил мя еси.

Сотвори со мною знамение во благо, и да видят ненавидящие мя, и постыдятся, яко Ты, Господи, помог ми и утешил мя еси.

*Слава, и ныне.* Аллилуиа, аллилуиа, аллилуиа, слава Тебе, Боже. *(Трижды)* Господи, помилуй. *(Трижды)*

***(Если Великий пост, читаем кафисму, когда это положено, затем поем тропарь, гл. 8:***

Иже в девятый час нас ради плотию смерть вкусивый, умертви плоти нашей мудрование, Христэ Боже, и спаси нас.

*Чтец – стих 1:* Да приблизится молитва моя пред Тя, Господи, по словеси Твоему вразуми мя.

*Певцы:* Иже в девятый час...

*Чтец – стих 2:* Да внидет прошение мое пред Тя, Господи, по словеси Твоему избави мя.

*Певцы:* Иже в девятый час...)

## Если не Великий пост:

### Тропарь дня

*Слава, и ныне: Богородичен:*

Иже нас ради рождѣйся от Девы, и распятие претерпѣв, Благій, испровѣргий смертию смерть, и воскресение явлѣй яко Бог, не прѣзри, яже созда́л еси́ рукою Твоею; яви́ человеколюбіе Твое, Милостиве, приими́ ро́ждшую Тя Богородицу, молящуюся за ны, и спаси́, Спа́се наш, люди отча́янные.

Не преда́ждь нас до конца, імене Твоего ради, и не разори́ завета Твоего, и не отста́ви милости Твоея́ от нас, Авраа́ма ради возлюбленнаго от Тебе, и за Исаа́ка, раба Твоего, и Изра́иля святаго Твоего.

*Трисвятое. И по Отче наш.*

### Кондак праздника

*(Если кондака нет, или Великий пост:*

Видя разбойник Начальника жизни на кресте ви́сяща, глаго́лаше: а́ще не бы Бог был вопло́щся, Иже с нами распны́йся, не бы солнце лучи своя потаило; ниже́ бы земля трепѣ́щущи тряслася, но вся терпѣй, помяни́ мя, Господи, во Царь-

ствии Твоем.

*Слава:* Посредѣ двою разбѣйнику, мѣрило праведное обрѣтесе крест Твой: ѡвому убо низводи́му во ад тягото́ю хуления, другому же легча́щуся от прегрешений, к познанию богословия. Христѣ Боже, слава Тебе.

*И ныне:* Агнца, и Пастыря, и Спаса мира, на кресте зрящи, Ро́ждшая Тя глаго́лаше слезя́щи: мир убо радуется, приѣмля избавление, утроба же Моя горит, зрящи Твое распятие, еже за всех терпи́ши, Сы́не и Боже мой.)

Господи, помилуй. (40 раз)

Иже на всякое время и на всякий час, на небесѣ и на земли покланя́емый и сла́вимый, Христѣ Боже, долготерпе́ливѣ, многомилостивѣ, многоблагоутро́бнѣ, Иже праведныя любя́й, и грешныя ми́луяй, Иже вся зовы́й ко спасению обеща́ния ради будущи́х благ, Сам, Господи, приими́ и наша в час сей молитвы, и исправи живот наш к за́поведем Твоим, души наша освяти́, тела очисти, помышления исправи, мысли очисти, и избави нас от всякия скѣрби, зол и болезней, огради нас святыми Твоими Ангелы, да ополче́нием их соблюда́ем и наставля́ем, достигнем в соединение веры, и в разум непристу́пныя Твоея славы, я́ко благословен еси́ во веки веков, аминь.

Господи, помилуй. (Трижды) *Слава, и ныне:*

Честне́йшую Херувим и сла́внейшую без сравнения Серафим, без ислѣ́ния Бога Слова ро́ждшую, сущую Богородицу Тя величаем.

Именем Господним благослови, отче.

*Иерей:* Боже, ущѣдри ны...

*(Если Великий пост – молитва св. Ефрема Сирина: Господи и Владыко...)*

*Чтец:* Аминь.

## Молитва святителя Василия Великого

Владыко Господи, Иисусе Христѣ Боже наш, долготерпѣвый о наших согрешениях, и даже до нынешняго часа приведи нас, вѣньже на животворящем древе вѣся, благоразумному разбойнику, иже в рай путесотворил еси вход, и смертью смерть разрушил еси, очисти нас, грешных и недостойных раб Твоих. Согрешихом бо и беззакѣнновахом, и не смеи достойни возвести очеса наша и воззрети на высоту небесную; зане оставихом путь правды Твоея, и ходихом в волях сердец наших. Но молим Твою безмерную благодать, пощади нас, Господи, по множеству милости Твоея, и спаси нас имене Твоего ради святаго, яко исчезѡша в суете днѣе наши, изми нас из рукъ сопротивнаго, и остави нам грехи наша, и умертви плотское наше мудрѡваніе, да ветхаго отложивше человека, в новаго облечѣмся, и Тебе поживѣм, нашему Владыце и Благодетелю, и тако Твоим послѣдующе повелѣніем, в вечный покой достигнем, идеже есть всех веселящихся жилище, Ты бо еси воистинну истинное веселие и радость любящих Тя, Христѣ Боже наш, и Тебе славу возсылаем, со

Безначальным Твоим Отцем, и Пресвятым и Благим и Животворящим Твоим Духом, ныне и присно и во веки веков. Аминь.

*Слава, и ныне. Господи, помилуй. (Трижды) Благослови. (Священник произносит отпуст.)*

*Чтец:* Аминь.

# Всенощное бдение

## Великая вечерня

*Диакон:*<sup>8</sup> Воста́ните! Господи, благослови́!

*Иерей:* Сла́ва Святѣй, и Единосу́щней, и Животворя́щей, и Неразде́льной Трѣице всегда, ны́не и прѣсно и во ве́ки веко́в.

*Хор:* Аминь.

*Священнослужители в алтаре:*

Прииді́те, поклоні́мся Царе́ви нашему Богу.

Прииді́те, поклоні́мся и припаде́м<sup>9</sup> Христу, Царе́ви нашему Богу.

Прииді́те, поклоні́мся и припадем Самому́ Христу, Цареви и Богу нашему.

Прииді́те, поклоні́мся и припаде́м Ему́.

---

<sup>8</sup> Напечатанное курсивом не читается во время молитвы.

<sup>9</sup> По-церковнославянски слово читается так, как пишется, например: [припадём], а не [припадѣм] (в церковнославянском языке нет звука ё); [убоятся], а не [убояца], [святáго], а не [святово].

## Псалом 103, предначинательный<sup>10</sup>

Благослови, душе моя, Господа. [Благословен еси, Господи.] Гóсподи Боже мой, возвеличился еси зело<sup>11</sup> [Благословен еси, Господи], во исповѣдание<sup>12</sup> и в веле-лѣпоту<sup>4</sup> облѣкся еси. Одейся свѣтом яко<sup>5</sup> ризою<sup>6</sup>, прости-раяй небо яко кожу. Покрыва́й водами превыспренняя<sup>7</sup> Своя, полага́й облаки на восхожде́ние Свое, ходя́й на крилу́ вѣтреню<sup>8</sup>. Твори́й<sup>9</sup> Ангелы Своя ду́хи, и слуги́ Своя пламень огненный. Основáй землю на твѣрди ея, не преклонится<sup>10</sup> в век века. Бѣдна, яко рíза, одея́ние ея, **на гора́х ста́нут<sup>11</sup> во́ды.** [Дивна дела́ Твоя́, Гóсподи.] От запреще́ния<sup>13</sup> Твоего побѣ́гнут, от гла́са грóма Твоего убоятся. Восхо́дят го́ры и низхо́дят поля́ в место, е́же основáл<sup>2</sup> еси́ им. Преде́л по-

---

<sup>10</sup> Стихи псалма (они поставлены в квадратных скобках) читаются канонархом и повторяются хором. В приходских храмах обычно поются только некоторые стихи псалма (они напечатаны жирным шрифтом).

<sup>11</sup> Сильно, очень (здесь и далее в сносках даются комментарии, раскрывающие смысл текста).

<sup>12</sup> Славу. <sup>4</sup> Великолепие. <sup>5</sup> Как. <sup>6</sup> Одеждой. <sup>7</sup> Поднебесная. <sup>8</sup> Ходящий по облакам, на крыльях ветра. <sup>9</sup> Творящий. <sup>10</sup> Не сдвинется. <sup>11</sup> Соберутся.

<sup>13</sup> Грозного повеления. <sup>2</sup> Установил. <sup>3</sup> Долинах. <sup>4</sup> Полевые. <sup>5</sup> Дикие ослы. <sup>6</sup> На тех. <sup>7</sup> Живут. <sup>8</sup> Из скал, из камня воды с шумом потекут. <sup>9</sup> От высот, из облаков. <sup>10</sup> Произращаешь. <sup>11</sup> Злаки. <sup>12</sup> Даешь. <sup>13</sup> От елѣя украшается лицо. <sup>14</sup> Полевые. <sup>15</sup> Ливанские. <sup>16</sup> Вьют гнезда. <sup>17</sup> Гнездо аиста. <sup>18</sup> Больше всех. <sup>19</sup> Оленям.



ложил еси, егоже не прейдут, ниже обратятся покрыти землю. Посылаяй источники в дебрех<sup>3</sup>, **посредё гор пройдут воды**. Напаяют вся звери сельныя<sup>4</sup>, ждут онагри<sup>5</sup> в жажду свою. На тях<sup>6</sup> птицы небесныя привитают<sup>7</sup>, от среды каменния дадят глас<sup>8</sup>. Напаяй горы от превыспренних<sup>9</sup> Своих; от плода дел Твоих насытится земля. Прозябаяй<sup>10</sup> траву скотом, и злак<sup>11</sup> на службу человеком, извести<sup>12</sup> хлеб от земли. И вино веселит сердце человека, умастити лице елеем<sup>13</sup>, и хлеб сердце человека укрепит. Насытятся древа польская<sup>14</sup>, кедри ливанстии<sup>15</sup>, ихже еси насадил. Тамо птицы вогнездятся<sup>16</sup>, еродиево жилище<sup>17</sup> предводительствует<sup>18</sup> ими. Горы высокия еленем<sup>19</sup>, камень прибежище заяцем. Сотворил есть луну во времена,<sup>14</sup> солнце позна запад свой. Положил еси тьму, и бысть ночь, в нейже пройдут вси зверие дубравнии<sup>2</sup>, скимни<sup>3</sup> рыкающие восхитити<sup>4</sup> и взыскати от Бога пищу себе. Возсия солнце, и обраташа, и в ложах своих лягут. Изыдет человек на дело своё, и на делание своё до вечера. яко возвеличишася дела Твоя Господи, **вся премудростию сотворил еси**: исполнися земля твари Твоея. Сие море великое и пространное, тамо гади<sup>5</sup>, ихже несть числа, живёт-

---

<sup>14</sup> Для указания времен. <sup>2</sup> Лесные. <sup>3</sup> Молодые львы. <sup>4</sup> Изловить. <sup>5</sup> Животные. <sup>6</sup> Морское животное, кит. <sup>7</sup> Играть. <sup>8</sup> От Тебя ожидают. <sup>9</sup> Смутятся, опечалются. <sup>10</sup> Душу от тела. <sup>11 B</sup> землю, из которой созданы.

ная мѧлая с великими. Тамѧ корабли преплѧвают, змий<sup>6</sup> сей, егѧже создѧл еси ругѧтися<sup>7</sup> емѧ. Вся к Тебе чѧют<sup>8</sup>, дѧти пищу им во блѧго врѧмя. Дѧвшу Тебѧ им, соберѧтъ; отвѧрзшу Тебѧ рѧку, всѧческая испѧлнятся блѧгости. Отвѧрщшу же Тебѧ лицѧ, возмѧтѧтся<sup>9</sup>; отѧмѧши дух<sup>10</sup> их, и исчѧзнут, и в персть свою<sup>11</sup> возвратѧтся. Пѧслѧши Духа Твоего, и созѧждутся, и обновѧши лицѧ землѧ. Бѧди слѧва Господня во вѧки: возвеселѧтся Господь о дѧлах Своих. Призирѧй<sup>15</sup> на зѧмлю, и творѧй ю<sup>2</sup> трѧстѧся<sup>3</sup>, прикасѧйся горѧм, и дымѧтся. Воспоѧю Гѧсподѧ в животѧ<sup>4</sup> моѧм, поѧю Богу моему, дѧндеже есмь<sup>5</sup>. Да усладѧтся ему бесѧда моя, аз<sup>6</sup> же возвеселѧсь о Гѧсподѧ. Да исчѧзнут грѧшницы от земли, и беззаконницы, ѧкоже не бѧти им. благословѧи, душе моя, Господа. [**Слава Ти, Господи, сотворѧвшему вся.**]

Слава Отцу и Сыну и Святому Духу, и ныне и присно и во веки веков. Аминь<sup>7</sup>.<sup>16</sup>

Аллилуиа, аллилуиа, аллилуиа, слава Тебе, Боже. (*Трижды*)

*Священник тихо читает молитвы светильничные на вседневной вечерне пред царскими вратами, а на всенощной – в*

---

<sup>15</sup> Смотрящий. <sup>2</sup> Ее. <sup>3</sup> И бывают землетрясения. <sup>4</sup> Жизни. <sup>5</sup> Пока живу. <sup>6</sup> Я.

<sup>16</sup> <sup>7</sup> Это славословие, часто повторяемое за богослужением, обозначается кратко «Слава, и ныне», но читается или поется всегда полностью. Иногда оно делится на две части: «Слава» и «И ныне», но читается или поется каждая часть полностью.

алтаре.

## Ектения великая

*Диакон:* Мíром<sup>17</sup> Господу помóлимся.

*Хор:* Господи, помилуй. (*На каждое прошение.*)

*Диакон:* О свѣ́шнем<sup>2</sup> мíре и спасѣ́нии душ наших Господу помóлимся.

О мíре всего мира, благостоя́нии свѣ́тыхъ Бóжиихъ Церквѣ́й и соединѣ́нии всехъ Господу помóлимся.

О свѣ́тѣмъ храмѣ сем и с вѣ́рою, благоговѣ́нием и стра́хомъ Бóжиимъ входя́щихъ во́нь<sup>3</sup> Господу помóлимся.

О Вели́комъ Господíне и Отцѣ́ нашемъ Свѣ́тѣйшемъ Патрі́архе Кирилле, и о господíне на́шемъ преосвящѣ́нейшемъ митрополíте (*или:* архіе́пі́скопе, *или:* е́пі́скопе) (*имя*), честнѣ́мъ пресвѣ́терствѣ<sup>4</sup>, во Христѣ́ діа́конствѣ, о всемъ прі́чтѣ<sup>5</sup> и лю́бдехъ Господу помóлимся.

О богохрани́мей странѣ́ на́шей, властѣ́хъ и во́инствѣ ея́ Господу помóлимся.

О гра́де сем<sup>18</sup> (*или:* о вѣ́си<sup>2</sup> сей; *если в монасты́рѣ, то:* о свѣ́тѣй обі́тели сей), всѣ́комъ гра́де, странѣ́ и вѣ́рою живу́щихъ в нихъ Господу помóлимся.

---

<sup>17</sup> В мире друг с другом, мирно. <sup>2</sup> Небесном. <sup>3</sup> В него. <sup>4</sup> Священстве. <sup>5</sup> Церковнослужителях.

<sup>18</sup> О нашем городе. <sup>2</sup> Селе. <sup>3</sup> О хорошей погоде. <sup>4</sup> Болеющих. <sup>5</sup> Всю жизнь.

О благоустроении воздухов<sup>3</sup>, о изобилии плодов земных и временех мирных Господу помолимся.

О плавающих, путешествующих, недугующих<sup>4</sup>, страждущих, плененных и о спасении их Господу помолимся.

О избавитися нам от всякия скорби, гнева и нужды Господу помолимся.

Заступи, спаси, помилуй и сохрани нас, Боже, Твоею благодатию.

Пресвятую, Пречистую, Преблагословенную, славную Владычицу нашу Богородицу и Приснодеву Марию со всеми святыми помянувши, сами себе, и друг друга, и весь живот<sup>5</sup> наш Христу Богу предадим.

*Хор:* Тебе, Господи.

*Иерей:* Яко подобает Тебе всякая слава, честь и поклонение, Отцу и Сыну и Святому Духу, ныне и присно и во веки веков.

*Хор:* Аминь.

# Блажен муж

## Первый антифон 1-й кафисмы

*Хор:* Блажен<sup>19</sup> муж, иже не иде<sup>2</sup> на совет нечестивых. Аллилуиа, аллилуиа, аллилуиа.

Яко весть<sup>3</sup> Господь путь праведных, и путь нечестивых погибнет. Аллилуиа, аллилуиа, аллилуиа.

Работайте Господеви со страхом<sup>4</sup> и радуйтесь Ему с трепетом. Аллилуиа, аллилуиа, аллилуиа.

Блажени вси надеющиеся Нань<sup>5</sup>. Аллилуиа, аллилуиа, аллилуиа.

Воскресни, Господи, спаси мя, Боже мой. Аллилуиа, аллилуиа, аллилуиа.

Господне есть спасение, и на людех Твоих благословение Твое. Аллилуиа, аллилуиа, аллилуиа.

Слава Отцу и Сыну и Святому Духу. Аллилуиа, аллилуиа, аллилуиа.

И ныне и присно и во веки веков. Аминь. Аллилуиа, аллилуиа, аллилуиа.

Аллилуиа, аллилуиа, аллилуиа, слава Тебе, Боже. (*Три-*

---

<sup>19</sup> Счастлив. <sup>2</sup> Который не идет. <sup>3</sup> Знает. <sup>4</sup> С любовью и благоговением. <sup>5</sup> На Него.

жды)

## Ектения малая

*Диакон:* Па́ки и па́ки<sup>20</sup> міром Господу помобімся.

*Хор:* Господи, помилуй.

Заступи́<sup>2</sup>, спаси́, помилуй и сохрани́ нас, Боже, Твоею благода́тию.

*Хор:* Господи, помилуй.

*Диакон:* Пресвяту́ю, Пречістую, Преблагословенную, Сла́вную Влады́чицу на́шу Богоро́дицу и Присноде́ву Мари́ю со все́ми святы́ми помяну́вше, са́ми себе́ и друг дру́га и весь живо́т наш Христу Богу преда́дим.

*Хор:* Тебе, Господи.

*Иерей:* Яко Твоя держа́ва, и Твое́ есть Царство, и сила, и слава, Отца и Сына и Святаго Духа, ны́не и при́сно и во ве́ки веко́в.

*Хор:* Аминь.

## Господи, воззва́х

*1-й лик:*<sup>21</sup> Господи, воззва́х<sup>22</sup> к Тебе, услы́ши мя; услы́ши

---

<sup>20</sup> Снова и снова. <sup>2</sup> Помоги, защити.

<sup>21</sup> Ликом в богослужебных книгах называется хор.

<sup>22</sup> Обращаюсь.

мя, Господи. Господи, воззвах к Тебе, услыши мя; вонми гласу моления моего, внемли<sup>23</sup> воззвати ми к Тебе. Услыши мя, Господи.

2-й лик: Да исправится молитва моя, яко кадило пред Тобою, воздеяние руку мою,<sup>24</sup> жертва вечерняя. Услыши мя, Господи.

Положи, Господи... (Пс. 140, 141)

На 10 стихов (стихир):<sup>25</sup> Изведи из темницы душу мою<sup>26</sup>, исповедатися имени Твоему.

Меня ждут праведницы, дожде же воздаси мне.<sup>27</sup>

На 8: Из глубины воззвах к Тебе, Господи; Господи, услыши глас мой.

Да будут уши Твоя внемлюще<sup>2</sup> гласу моления моего<sup>3</sup>.

На 6: Аще беззакония назириши<sup>4</sup>, Господи, Господи, кто постоит? Яко у Тебя очищение есть.

Имене ради Твоего потерпех<sup>5</sup> Ты, Господи, потерпел душа моя в слово Твое, уповаю<sup>6</sup> душа моя на Господа.

---

<sup>23</sup> Когда.

<sup>24</sup> Молитвенное поднятие рук.

<sup>25</sup> На всенощном бдении бывает 8 или 10 стихир. Если по уставу данной службы положено 8 стихир, то 9-й и 10-й стихи опускаются.

<sup>26</sup> Эту первую часть стиха читает канонарх (распорядитель церковного пения); вторую часть поют певцы и сразу же начинают петь стихир.

<sup>27</sup> Пока благодетельствуешь меня. <sup>2</sup> Слушать. <sup>3</sup> Молитву мою. <sup>4</sup> Будешь замечать. <sup>5</sup> Потерпел. <sup>6</sup> Уповаю. <sup>7</sup> Весь день. <sup>8</sup> Надеется. <sup>9</sup> Здесь: верные Богу люди.

<sup>10</sup> Народы.

*На 4: От стражи утренния до нощи<sup>7</sup>, от стражи утренния да уповаёт<sup>8</sup> Израиль<sup>9</sup> на Господа.*

*Яко у Господа милость, и многое у Него избавление, и Той избавит Израиля от всех беззаконий его.*

*Хвалите Господа, вси языцы<sup>10</sup>, похвалите Его, вси людие.*

*Яко утвердися милость Его на нас, и истина Господня пребывает во век.<sup>28</sup>*

*Слава Отцу и Сыну и Святому Духу.*

*И ныне и присно и во веки веков. Аминь.*

## **Догматик или стихира<sup>29</sup>**

### **Вход с кадилом**

*Диакон: Благословй, владыко, святы́й вход.*

*Иерей (благословляя): Благословён вход святы́х Твои́х, всегда́, ны́не и прісно и во ве́ки веко́в.*

*Диакон: Прему́дрость, прѡсти.<sup>30</sup>*

---

<sup>28</sup> Вечно.

<sup>29</sup> Поется под воскресенье – догматик гласа, под двенадесятый праздник – стихира праздника, под праздник святого – положенный на ряду Богородичен.

<sup>30</sup> Возглашение, которым внушается внимательность, духовная предусмотрительность (премудрость), чтобы усвоить слово Божие умом и сердцем.



## Свете тихий

*Хор:* Свѣте тихий святыя славы Безсмѣрнаго Отца Небеснаго, Святаго Блаженнаго, Иисусе Христѣ! Пришедше на запад солнца,<sup>31</sup> увидевше<sup>5</sup> свет вечерний, поем Отца Сына и Святаго Духа Бога. Достоин еси во вся времена пет быти гласы преподобными,<sup>32</sup> Сыне Божий, живот дай<sup>2</sup>; темже<sup>3</sup> мир Тя славит<sup>4</sup>.

*Диакон:* Вѣнчаем.<sup>5</sup>

*Иерей:* Мир всем.

*Диакон:* Премудрость. Прокимен, глас...

---

<sup>31</sup> Дожив до захода солнца. <sup>5</sup> Увидев.

<sup>32</sup> Чтобы воспевать Тебя голосами святых. <sup>2</sup> Дающий жизнь. <sup>3</sup> Поэтому. <sup>4</sup> Прославляет Тебя. <sup>5</sup> Будем внимательны.

# Прокимны дневные (вечерни) со стихами<sup>6 33</sup>

## В субботу, глас 5:

Господь воцарися<sup>7, 34</sup> в лёпоту облечёся<sup>8</sup>.

*Хор повторяет:* Господь воцарися, в лёпоту облечёся.

*Стих 1:* Облечёся Господь в силу и препоясая<sup>9</sup>.

*Хор:* Господь воцарися, в лёпоту облечёся. (*На каждый стих*)

*Стих 2:* Ибо утверди вселённую, яже не подвижится.

*Стих 3:* Дому Твоему подобает святыня, Господи, в долготу дний<sup>10</sup>.

*Диакон:* Господь воцарися.

*Хор:* В лёпоту облечёся.

## В воскресенье, глас 8:

Се ныне благословите Господа, вси раби Господни.

*Стих:* Стоящи во храме Господни, во двóрех дому Бóга

---

<sup>33 6</sup> Некоторые праздники – Богоявление, Воздвижение, Преображение, Рождество Христово, Вознесение – имеют особый «великий прокимен».

<sup>34 7</sup> Царствует. <sup>8</sup> Облечен великолепием. <sup>9</sup> Приготовился к деятельности. <sup>10</sup> В вечности.

нашего.

## **В понедельник, глас 4:**

Господь услышит мя, внегда воззвати ми<sup>35</sup> к Немѹ.

*Стих:* Внегда призвати ми, услыша мя Бог правды моея.

## **Во вторник, глас 1:**

Мѣлость Твоя, Господи, поженѣт мя<sup>2</sup> вся дни живота моего.

*Стих:* Господь пасѣт мя<sup>3</sup>, и ничтоже мя лишѣт<sup>4</sup>; на мѣсте злачне<sup>5</sup>, тамо<sup>6</sup> вселѣ<sup>7</sup> мя.

## **В среду, глас 5:**

Боже, во имя Твое спаси мя и в силе Твоей суди ми.

*Стих:* Боже, услыши молитву мою, внуши глаголы уст моих.

---

<sup>35</sup> Мне. <sup>2</sup> Сопровождает меня. <sup>3</sup> Пастырь мой. <sup>4</sup> Ни в чем не буду нуждаться. <sup>5</sup> Обильном, приятном. <sup>6</sup> Там. <sup>7</sup> Поселил.

## В четверг, глас 6:

Помощь моя от Господа, сотворшаго<sup>36</sup> небо и землю.

*Стих:* Возведох<sup>2</sup> очи мои в горы, отнюдуже<sup>3</sup> придет помощь моя.

## В пятницу, глас 7:

Боже, Заступник мой еси Ты, и милость Твоя предварит<sup>4</sup> мя.

*Стих:* Изми<sup>5</sup> мя от враг моих, Боже, и от востающих на мя избави мя.

*Следуют паремии, если есть.*

## Ектения сугубая

*Диакон:* Рцем вси<sup>6</sup> от всея души, и от всего помышления нашего рцем.

*Хор:* Господи, помилуй.

*Диакон:* Господи Вседержителю, Боже отец наших, молим Ти ся, услыши и помилуй.

---

<sup>36</sup> Сотворившего. <sup>2</sup> Возвожу. <sup>3</sup> Откуда. <sup>4</sup> Т. е. даешь милость ранее просьбы. <sup>5</sup> Избавь. <sup>6</sup> Воззовем все.

*Хор:* Господи, помилуй.

*Диакон:* Помилуй нас, Боже, по велицей милости Твоей, молим Ти ся, услыши и помилуй.

*Хор:* Господи, помилуй; Господи, помилуй; Господи, помилуй *(на каждое последующее прошение)*.

*Диакон:* Ещё молимся о Великом Господине и Отце нашем Святейшем Патриархе Кирилле, и о господине нашем преосвященнейшем митрополите *(или: архиепископе, или: епископе)* *(имя)*, и всей во Христе братии нашей.

Ещё молимся о богохранимей стране нашей, властях и воинстве ея, да тихое и безмолвное житие поживём во всяком благочестии и чистоте.

Ещё молимся о блаженных и приснопамятных создателях святого храма сего *(если в монастыре: святыя обители сея)*, и о всех преждепочивших отцех и братиях, zde<sup>37</sup> лежащих и повсюду, православных.

Ещё молимся о милости, жизни, мире, здравии, спасении, посещении и оставлении грехов рабов Божиих, братии святого храма сего *(если в монастыре: святыя обители сея)*.

Ещё молимся о плодоносящих и доброделяющих во святем и всечестнем храме сем, труждающихся, поющих и предстоящих людем, ожидающих от Тебе великия и богатыя милости.

*Иерей:* Яко Милостив и Человеколюбец Бог еси, и Тебе славу возсылаем, Отцу и Сыну и Святому Духу, ныне и прис-

---

<sup>37</sup> Здесь.

но и во ве́ки веко́в.

*Хор:* Аминь.

## **Сподоби, Господи**

Сподоби, Го́споди, в ве́чер сей без греха́ сохрани́тися нам. Благословен еси́, Господи, Боже оте́ц на́ших, и хва́льно и просла́влено и́мя Твое́ во ве́ки. Аминь.

Бу́ди, Господи, милость Твоя на нас, я́коже<sup>38</sup> упова́хом на Тя. Благословен еси́, Господи, научи́ мя оправда́нием Твои́м. Благословен еси́, Влады́ко, вразуми́ мя оправда́нием Твои́м. Благословен еси́, Святы́й, просвети́ мя оправда́нии Твои́ми.

Господи, ми́лость Твоя во век, дел руку́ Твое́ю не прѣзри.<sup>39</sup> Тебе подоба́ет хвала́, Тебе подоба́ет пе́ние, Тебе слава подо́баёт, Отцу́ и Сы́ну и Свято́му Ду́ху, ны́не и прѣсно и во ве́ки веко́в, ами́нь.

## **Ектения просительная**

*Диакон:* Исполним ве́чернюю моли́тву на́шу Го́сподеви.

*Хор:* Господи, помилуй.

*Диакон:* Заступи́, спаси́, помилуй и сохрани́ нас, Боже, Твое́ю благода́тию.

---

<sup>38</sup> Ибо.

<sup>39</sup> Не отвергни.

Вѣчера всего совершенна, свѣта, мирна и безгрѣшна у Господа прѣсѣм.

*Хор:* Пода́й, Господи *(на каждое прошение)*.

*Диакон:* Ангела мирна, вѣрна наставника, хранителя душ и телѣс наших, у Господа прѣсѣм.

Прощѣния и оставлѣния грѣхов и прегрѣшеній наших у Господа прѣсѣм.

Дѣбрых и полѣзных душам нашим и мира мірови у Господа прѣсѣм.

Прѣчее вѣремя животá нашего в міре и покаяніи скончати у Господа прѣсѣм.

Христианскія кончіны животá нашего, безболѣзнены, непосты́дны, мирны и дѣбраго отвѣта на Стра́шнем Судіи́и Христо́ве прѣсѣм.

Пресвяту́ю, Пречістую, Прѣблагословѣнную, сла́вную Влады́чицу нашу Богородицу и Приснодѣву Марію со всѣми святы́ми помяну́ше, сами себѣ и друг дру́га и весь живѣт наш Христу́ Бо́гу преда́дѣм.

*Хор:* Тебе, Господи.

*Иерей:* Яко Благ и Человеколю́бец Бог еси́, и Тебѣ сла́ву возсыла́ем, Отцу́ и Сыну́ и Свято́му Ду́ху, ны́не и прісно и во вѣки веко́в.

*Хор:* Аминь.

*Иерей:* Мир всем.

*Хор:* И ду́хови твоѣму́.

*Диакон:* Главы́ наша́ Господеви приклѣ́ним.

*Хор: Тебе, Господи.*

*Священник во время ектении тихо читает главопреклонную молитву и завершает ее возгласом.*

*Возглас: Буди держава Царствия Твоего благословена и препрославлена, Отца и Сына и Святаго Духа, ныне и присно и во веки веков.*

*Хор: Аминь.*

*Если положена лития, исхождение в притвор.*

*Хор поет стихиру храма или праздника.*

*Слава, святого.*

*И ныне, Богородичен.*

## **Последование литии**

*Диакон: Спаси, Боже, люди Твоя и благослови достояние Твое, посети мир Твой милостию и щедротами, возвыси рог<sup>40</sup> христиан православных и низпосли<sup>2</sup> на ны милости Твоя богатыя; молитвами Всепречистых Владычицы нашей Богородицы и Приснодевы Марии; силою Честнаго и Живо-творящаго Креста; предста́тельства<sup>3</sup> честных Небесных Сил безплотных; честнаго славнаго Пророка, Предтечи<sup>41</sup> и Крестителя Иоанна; святых славных и всехвальных<sup>2</sup> апостол;*

---

<sup>40</sup> Укрепи. <sup>2</sup> Пошли свыше. <sup>3</sup> Ходатайством.

<sup>41</sup> Предшественника. <sup>2</sup> Достойно прославляемых. <sup>3</sup> Праотцев Богочеловека Христа.



иже во святых отец наших и вселенских великих учителей и святителей Василия Великаго, Григория Богослова и Иоанна Златоустаго; иже во святых отца нашего Николая, архиепископа Мирликийскаго, Чудотворца; святых равноапостольных Мефодия и Кирилла, учителей Словенских, святых равноапостольных великаго князя Владимира и великия княгини Ольги, иже во святых отец наших всея Россіи чудотворцев Михайла, Петра, Алексія, Ионы, Филиппа и Еромея; святых славных и добропобедных мучеников, преподобных и богоносных отец наших, святых и праведных Богоотец<sup>3</sup> Иоакима и Анны (*и святого, которому посвящен храм и святого, память которого празднуется в этот день*) и всех святых; молим Тя, Многомилостиве Господи, услыши нас, грешных, молящихся Тебе, и помилуй нас.

*Хор:* Господи, помилуй. (40 раз)

*Диакон:* Еще молимся о Великом Господине и Отце нашем Святейшем Патриархе Кирилле и о господине нашем преосвященнейшем митрополите (*или:* архиепископе, *или:* епископе) (*имя*) (*если в монастыре:* и о архимандрите нашем, *или:* игумене нашем (*имя*)) и о всем во Христе братстве нашем и о всякой души христианстей, скорбящей же и озлобленной,<sup>42</sup> милости Божия и помощи требу-

---

<sup>42</sup> Угнетенной, притесняемой, бедствующей. <sup>2</sup> Защите. <sup>3</sup> Бытии, существовании. <sup>4</sup> Твердом стоянии в правде. <sup>5</sup> Старанием, ревностью. <sup>6</sup> Благоговейной любви к Богу. <sup>7</sup> Отсутствующих. <sup>8</sup> Путешествующих. <sup>9</sup> Больных. <sup>10</sup> Упокоении. <sup>11</sup> Отдыхе от земных трудов.

ющей; о покровѣнии<sup>2</sup> града сего и живущих в нем (*или*: вѣси сея и живущих в ней; *или*: святыя обители сея и живущих в ней); о мирѣ и состоянii<sup>3</sup> всего міра; о благостоянii<sup>4</sup> святыхъ Божіихъ Церквей; о спасеніи и помѣщи со тщани-ем<sup>5</sup> и страхомъ Божіимъ<sup>6</sup> труждающихся и служащихъ отѣцъ и братьи нашихъ; о оставльшихся<sup>7</sup> и во отшествiи сущихъ<sup>8</sup>; о исцелѣнii в немощехъ лежащихъ<sup>9</sup>, о успѣнii<sup>10</sup>, ослабѣ<sup>11</sup>, блаженней пѣмѣи и оставленіи грѣховъ всехъ преждеотшедшихъ<sup>43</sup> отѣцъ и братьи нашихъ, зде<sup>2</sup> лежащихъ<sup>3</sup> и повсюду, православныхъ; о избавленіи<sup>4</sup> плененныхъ, и о братьяхъ нашихъ во службахъ сущихъ, и о всехъ служащихъ и служившихъ во святемъ храмѣ семъ (*если в монастыре*: во святей обители сей) рцемъ:

*Хор*: Господи, помилуй. (50 раз)

*Диакон*: Еще молимся, о еже сохранитися граду сему (*или*: вѣси сей), и святому храму сему (*если в монастыре*: святей обители сей), и всякому граду и странѣ от глада<sup>5</sup>, губительства<sup>6</sup>, труса<sup>7</sup>, потѣпа, огня, мечѣ, нашествiя иноплемѣнниковъ и междоусѣбныя брані<sup>8</sup>; о еже милостиву и благоувѣтливу<sup>9</sup> быти благому и человеколюбивому Богу нашему, отвратити всякій гневъ, на ны двѣжимый, и избавити ны от належащаго<sup>10</sup> и праведнаго Своего прещенiя<sup>11</sup>, и помилovati

---

<sup>43</sup> Почивших. <sup>2</sup> Здесь. <sup>3</sup> Погребенных. <sup>4</sup> Освобождении. <sup>5</sup> Голода. <sup>6</sup> Истребленія, мучений. <sup>7</sup> Землетрясенія. <sup>8</sup> Войны. <sup>9</sup> Снисходительному. <sup>10</sup> Должнаго быть. <sup>11</sup> Наказанія.

ны.

*Хор:* Господи, помилуй. (*Трижды*)

*Диакон:* Ещё мо́лимся, и о́ еже услы́шати Господу Богу глас мо́ления нас, грешных, и поми́ловати нас.

*Хор:* Господи, помилуй. (*Трижды*)

*Иерей:* Услы́ши ны, Боже, Спасителю наш, упова́ние всех конце́в земли́ и су́щих<sup>44</sup> в мо́ри дале́че; и ми́лостив, ми́лостив бу́ди, Влады́ко, о гресе́х наших и поми́луй ны.

Ми́лостив бо и Человеколю́бец Бог еси́, и Тебе славу возсыла́ем, Отцу́ и Сыну́ и Святому́ Духу, ныне и присно и во веки веков.

*Хор:* Аминь.

*Иерей:* Мир всем.

*Хор:* И ду́хови твоему́.

*Диакон:* Главы́ на́ша Го́сподеви прикло́ним.

*Хор:* Тебе, Господи.

*Иерей:* Влады́ко Многоми́лостиве, Господи Иисусе Христе́ Боже наш, молитвами Всепречи́стыя Влады́чицы на́шей Богоро́дицы и Присноде́вы Мари́и; си́лою честна́го и живо-творяща́го Креста́; предста́тельства честны́х Небе́сных Сил безплóтных; честна́го сла́внаго Проро́ка, Предте́чи и Крестите́ля Иоа́нна; святы́х сла́вных и всехва́льных апо́стол; святы́х сла́вных и добропобе́дных му́чеников, преподо́бных и богонóсных оте́ц на́ших, иже во святы́х оте́ц на́ших и вселе́нских великих учи́телей и святите́лей Васи́лия Вели́каго, Гри-

---

<sup>44</sup> Находящихся.

го́рия Богосло́ва и Иоа́нна Златоу́стаго; и́же во святы́х отца́  
нашего Никола́я, архиепи́скопа Мирликийскаго, Чудотво́р-  
ца; святы́х равноапо́стольных Мефо́дия и Кири́лла, учите-  
лей Слове́нских, святы́х равноапо́стольных вели́каго кня́зя  
Влади́мира и вели́кия княги́ни Ольги, и́же во святы́х отец  
наших всея́ Росси́и чудотво́рцев, Михаи́ла, Петра́, Алексі́я,  
Ио́ны, Фили́ппа, Еρμοге́на, Филаре́та, Иннокенти́я и Тихо-  
на; и святы́х пра́ведных Богооте́ц Иоакі́ма и Анны (*и свя-  
того, которому посвящен храм и святого, память которо-  
го празднуется в этот день*), и всех святы́х Твоих благопри-  
я́тну сотвори́ моли́тву на́шу, да́руй нам оставле́ние прегре-  
ше́ний на́ших, покрый нас кро́вом крилу́ Твое́ю<sup>45</sup>, отжени́<sup>2</sup>  
от нас вся́каго врага́ и супоста́та<sup>3</sup>; умири́<sup>4</sup> на́шу жизнь, Гос-  
поди; помилуй нас и мир Твой, и спаси души на́ша, я́ко Благ  
и Человеколюбец.

*Хор:* Аминь.

---

<sup>45</sup> Яви нам Свое покровительство. <sup>2</sup> Отгони. <sup>3</sup> Неприятеля. <sup>4</sup> Сделай спокойной.

# Стихиры на стиховне

## Воскресные стихи (запевы)

### к стихирам на стиховне<sup>5:46</sup>

*Стих 1:* Господь воцарисѣ, в лѣпоту облечѣся.

*Стих 2:* Ибо утверди вселѣнную, яже не подвижится.

*Стих 3:* Дому Твоему подобаетъ святыня, Господи, в долготу дний.

*Слава, и ныне: Богородичен.*

## Молитва праведного Симеона Богоприимца

Ныне отпускаеши<sup>647</sup> раба Твоего, Владыко, по глаголу<sup>7</sup> Твоему, с миром: яко видеста очи мои спасение Твое, еже еси уготовал пред лицем всех людей, свет во откровение языков,<sup>48</sup> и славу людей Твоих Израиля<sup>2</sup>.

---

<sup>46 5</sup> Первая стихира поется без стиха. Далее чтец читает первую половину стиха, хор поет вторую половину и стихиру.

<sup>47 6</sup> Отпускаешь. <sup>7</sup> Слову.

<sup>48</sup> Для просвещения народов. <sup>2</sup> Т. е. верных Богу людей. <sup>3</sup> Который. <sup>4</sup> Необходимый. <sup>5</sup> Дай нам на этот день. <sup>6</sup> Прости. <sup>7</sup> Грехи. <sup>8</sup> Не попусти диаволу прельстить нас. <sup>9</sup> Диавола.

*Чтец:* Святы́й Бо́же, Святы́й Кре́пкий, Святы́й Безсме́ртный, поми́луй нас. (*Трижды*)

Сла́ва Отцу́ и Сы́ну и Свято́му Ду́ху, и ны́не и при́сно и во ве́ки веко́в. Ами́нь.

Пресвята́я Тро́ице, поми́луй нас; Го́споди, очисти грехи́ на́ша; Влады́ко, прости́ беззакония на́ша; Святы́й, посети́ и исцели́ немо́щи на́ша, имене Твоего́ ра́ди.

Господи, поми́луй. (*Трижды*)

*Слава, и ныне:*

Отче наш, Иже<sup>3</sup> еси́ на небесе́х! Да святится́ и́мя Твое́, да приидет Ца́рствие Твое́, да бу́дет во́ля Твоя́, я́ко на небеси́ и на земли́. Хлеб наш насущный<sup>4</sup> даждь нам днесь<sup>5</sup>; и оста́ви<sup>6</sup> нам до́лги<sup>7</sup> на́ша, я́коже и мы оставля́ем должникомъ на́шим; и не введи́ нас во искуше́ние<sup>8</sup>, но изба́ви нас от лука́ваго<sup>9</sup>.

*Иерей:* Я́ко Твое́ есть Ца́рство и си́ла и сла́ва, Отца́ и Сы́на и Свята́го Ду́ха, ны́не и при́сно и во ве́ки веко́в.

*Хор:* Ами́нь.

*Тропа́рь праздни́ка, трижды.*

### ***Если бдение под воскресенье:***

Богоро́дице Де́во, ра́дуйся, Благода́тная Мари́е, Госпо́дь с Тобо́ю: благослове́на Ты в жена́х, и благослове́н Плод чре́ва Твоего́, я́ко Спа́са<sup>49</sup> роди́ла еси́ душ на́ших. (*Трижды*)

---

<sup>49</sup> Спасителя.

*Если в воскресенье есть праздник святому, то: Богородице Дево... дважды и тропарь святому.  
[Если была лития, благословляются хлеб, вино и елей.]*

## **Молитва на благословение хлебов**

*Иерей:* Господи Иисусе Христэ Боже наш, благословивый пять хлебов и пять тысяч насытивый, Сам благослови и хлебы сия, пшеницу, вино и елей; и умножи сия во граде сем (*или:* в веси сей; *или:* во святей обители сей) и во всем мире Твоем; и вкушающие от них верныя освяти. Яко Ты еси благословляяй и освящаяй всяческая, Христэ Боже наш, и Тебе славу возсылаем, со Безначальным Твоим Отцем и Всесвятым и Благим, и Животворящим Твоим Духом, ныне и присно и во веки веков.]

*Хор:* Аминь. Буди<sup>50</sup> имя Господне благословено от ныне и до века. (*Трижды*)

## **Псалом 33**

Благословлю Господа на всякое время, выну<sup>2</sup> хвала Его во устех моих. О Господе похвалится душа моя, да услышат кротцыи и возвеселятся. Возвеличите Господа со мною, и

---

<sup>50</sup> Да будет. <sup>2</sup> Всегда. <sup>3</sup> Прославим. <sup>4</sup> Вместе. <sup>5</sup> Искал я. <sup>6</sup> Оградит. <sup>7</sup> Вокруг. <sup>8</sup> На Него. <sup>9</sup> Благоговейте перед Господом.

вознесём<sup>3</sup> имя его вкупѣ<sup>4</sup>. Взыска́х<sup>5</sup> Го́спода, и услы́ша мя, и от всех скорбе́й мо́их изба́ви мя. Приступите к Нему́, и просвети́тесь, и лица ва́ша не посты́дятся. Сей ни́щий воззва́, и Го́спо́дь услы́ша и́, и от всех скорбе́й его́ спасе́ и́. Ополчи́тся<sup>6</sup> а́нгел Го́спо́день о́крест<sup>7</sup> боя́щихся Его́, и изба́вит их. Вку́сите и ви́дите, я́ко благ Го́спо́дь: блаже́н муж, и́же упова́ет на Нань<sup>8</sup>. Бойте́ся Го́спода<sup>9</sup>, вси святи́и Его́, я́ко несть лиш́ения боя́щимся Его́. Богáтии обнища́ша и взалка́ша:<sup>51</sup> взыска́ющие же Го́спода<sup>2</sup> не лиш́атся вся́кого бла́га.

*Иерей:* Благослове́ние Го́спо́дне на вас, Того́ благода́тию и человеколю́бием, всегда́, ны́не и при́сно и во ве́ки веко́в.

*Хор:* Аминь.

---

<sup>51</sup> Терпят голод, нужду. <sup>2</sup> Обращающиеся к Господу.



# Утренняя

## Шестопсалмие

*Чтец:* Сла́ва в вы́шних Бо́гу, и на земли́ мир, в челове́цех благоволе́ние. (*Трижды*)

Го́споди, устне́ мой отве́рзеши, и уста́ моя возвестя́т хвалу́ Твою́. (*Дважды*)

## Псалом 3

Го́споди, что ся умно́жиша<sup>52</sup> стужа́ющие ми<sup>2</sup>; мно́зи<sup>3</sup> воста́ют на мя, мно́зи глаго́лют души́ мое́й: несть спасе́ния е́му в Бо́же егó. Ты же, Го́споди, Засту́пник мой еси́, сла́ва моя́, и вознося́й<sup>4</sup> главу́ мою́. Гла́сом мо́им ко Го́споду воззва́х, и услы́ша мя от горы́ святы́я Свое́я. Аз усну́х<sup>5</sup> и спях, воста́х, я́ко Госпо́дь заступит мя<sup>6</sup>. Не убою́ся от тем<sup>7</sup> люде́й, о́крест<sup>8</sup> напа́дающих на мя. Воскресни́, Го́споди, спаси́ мя, Бо́же мой, я́ко Ты порази́л еси́ вся<sup>53</sup> вражду́ющая ми все́<sup>2</sup>,

---

<sup>52</sup> Умножились. <sup>2</sup> Смущающие меня. <sup>3</sup> Многие. <sup>4</sup> Поднимающий. <sup>5</sup> Я уснул. <sup>6</sup> Заступник мой. <sup>7</sup> Множества. <sup>8</sup> Отовсюду.

<sup>53</sup> Всех. <sup>2</sup> Враждующих против меня напрасно. <sup>3</sup> Оружие. <sup>4</sup> Не во гневе Твоем. <sup>5</sup>

зубы<sup>3</sup> грѣшников сокрушил еси. Господне есть спасѣние, и на людех Твоихъ благословѣние Твое.

Аз уснухъ, и спяхъ, востахъ, яко Господь заступитъ мя.

## Псалом 37

Господи, да не яростию Твоею обличиши мене, ниже гнѣвомъ Твоимъ<sup>4</sup> накажеша мене. Яко стрѣлы Твоя унзѡша<sup>5</sup> во мене, и утвердилъ еси на мене руку Твою. Нѣсть исцелѣнія в плѣти моеѣ от лица гнѣва Твоего, нѣсть мира в костехъ моихъ от лица грехъ моихъ. Яко беззаконія моя превзыдѡша<sup>6</sup> главѣ мою, яко бремя тяжкое отяготѣша на мене. Возсмердѣша и согниша раны моя от лица безумія моего. Пострадахъ и слякохся до конца<sup>7</sup>, весь день сетуя хождяхъ<sup>8</sup>. Яко лядвия<sup>9</sup> моя напълнишася поруганій<sup>10</sup>, и нѣсть исцелѣнія в плѣти моеѣ. Озлобленъ быхъ<sup>11</sup> и смирихся до зела,<sup>54</sup> рыкахъ<sup>2</sup> от воздыханія сердца моего. Господи, предъ Тобою все желаніе мое, и воздыханіе мое от Тебѣ не утайся<sup>3</sup>. Сердце мое смятѣся,

---

Вонзались.<sup>6</sup> Превысили.<sup>7</sup> Я устал и согбен.<sup>8</sup> Ходил.<sup>9</sup> Чресла.<sup>10</sup> Полны болезней.

<sup>11</sup> Я был притесняемъ.

<sup>54</sup> Очень.<sup>2</sup> Стеналъ.<sup>3</sup> Не утайся.<sup>4</sup> Очей моихъ.<sup>5</sup> И того нѣтъ.<sup>6</sup> Друзья.<sup>7</sup> Ближние.<sup>8</sup> Ко мнѣ.<sup>9</sup> Отступили отъ меня.<sup>10</sup> Усиливались.<sup>11</sup> Говорили лживое.<sup>12</sup> Кознямъ.<sup>13</sup> Я какъ глухой.<sup>14</sup> Былъ какъ.<sup>15</sup> И какъ немой.<sup>16</sup> Ибо сказалъ.<sup>17</sup> Да не порадуются.<sup>18</sup> Поколеблются.<sup>19</sup> Клеветали.<sup>20</sup> Всегда.

оста́ви мя си́ла моя́, и свет о́чию моёю<sup>4</sup>, и той несть<sup>5</sup> со мно́ю.  
Дру́зи<sup>6</sup>

# Конец ознакомительного фрагмента.

Текст предоставлен ООО «ЛитРес».

Прочитайте эту книгу целиком, [купив полную легальную версию](#) на ЛитРес.

Безопасно оплатить книгу можно банковской картой Visa, MasterCard, Maestro, со счета мобильного телефона, с платежного терминала, в салоне МТС или Связной, через PayPal, WebMoney, Яндекс.Деньги, QIWI Кошелек, бонусными картами или другим удобным Вам способом.